

Memeyeki

'Ekipitu 'ixaheritsixi kememite'uta'aitiarie

¹ 'Iki mekanihikitini 'Ixaheri niwemama, kepauka yuniwema mewaruwititi memu'axia 'Ekipitu, Kakuwu yunaiti:

² Xuweni, Tsimehuni, Rewi, Kura,

³ 'Itsakaxi, Tsawuruni, Wenikamini,

⁴ Rani, Nepitahari, Kahari meta 'Atsexi.

⁵ Yunaiti Kakuwu nuiwarimama mepihikitikai, haika tewiyari heimana tamamata. 'Ekipitu paitiri Kutse pukatei.

⁶ Hiki Kutse meta 'iwamama mekaniukwini meta miki xiyarimama yunaiti.

⁷ Peru matsi 'ixaheritsixi, waikawa tiri mekaniwarayexeyakaitini, yumiireti mekanakine metirikaiyeti, miki kwieyaritsie mekanakiniximekaitini. Kiekari 'ayeuti kanayeiximekaitini.

⁸ Hiki 'Ekipitu xewiti pita ti'aitame kananukakeni Kutse mikahetimaikai kemituyuri,

⁹ mipai katiniwarutahiawe yuteiterima: «Xekeneyukweriwayurieka 'ixaheritsixi wahepaitsita, waikawa tirikariya mekanexeyani, mekaniyimiireniri mekatana'iwani.

¹⁰ Hiki tekateniwata'aitiakuni waikawameki tetemaiwaweti, xika mipai tekate'uyurieni matsi waikawa mepitamire, xika kuyaxa hayani, memitatsi'aye'unieta pita mekanakinikuni, metatsi'a'iwame mekaniyehuni 'iki kwieyaritsie».

11 Mipai mekatenuyurieni 'ekipitutari, te'aitamete mekaniwarutihawe 'ixaheritsixi memitewata'aitianiki, 'uximayatsika mekaniwaruxatiani wairiyarika mewapitiati, Parahuni hetsiemieme kiekari 'ikwai mireuta'inariwa Pituni mititewa meta Xamitsexi.

12 Peru matsi miyamewaruyurieku, matsi waikawa mekanixikaitini mepitamiririmekai, hiki 'ekipitutsixi waikawa mekaniwarutimakani.

13 Ayumieme kwinimieme mekateniwa'uximayatsitakaitini kemikareuyewetse hepai mekateniwa'aitiakaitini.

14 Watukari waikawa mekaninanaimakaitini, wairiyarika metewa'aitiati, kwie memihawiyani, xinariya wewiyariki, naime mirati'etsiwatsie, tita 'uximayatsika miraniere, naime 'uximayatsikatsie 'ixaheritsixi memiteha'uximayakai 'ekipitutari mewarutate'ati mekateniwa'aitiakaitini.

15 Mana mekanititekaitini yuhutati 'ukarawetsixi hepırayutsixi teıteriyari teniweritsitiwamete, Tsipura meta Puwa metetetewati, ti'aitame 'Ekipitu kiekame mipai katiniwaruta'aitiani:

16 —Kepauka 'ukarawetsixi hepırayutsixi xemiwaparewie niweriyaki, xeyu'iwiyati tita mititinuiwa: xıka 'ukitini xewatakukuyati, xıka 'ukatini xekenehayewa 'ayeniereme.

17 Peru 'ukarawetsixi teniweritsitiwamete hepırayutsixi Kakaiyari mekanayemakakaitini, 'ayumieme ti'aitame 'Ekipitu kiekame kemitiwarahıawekai yamepıate'uyuri, 'ukitsi mekaniwaruhayewa me'ayeneniereme.

18 Hiki 'Ekipitu kwieyaritsie ti'aitame, miki 'ukarawetsixi teniweritsitiwamete kaniwarutakwewieni, mipai katiniwaruta'iwawiya:

—¿Titayari miya xeteheyurie? ¿Titayari tñiri 'ukitsi xekatewatakukuya?

¹⁹ Miki mipai mekaniutiyuani:

—Neuxeitsi, 'ukari hepırayutsixi 'ukarawetsixi 'ekipitutari wahepai mepıka'anene, miki waikawa mepıtirikawi yuxaita mepıtiniweya tame teka'aye'axiaximekaku.

²⁰ Mipai tiuyıku, matsi 'ixaheritsixi waikawa mekaniyutamıriya. Meta Kakaiyari miki teniwer-itsitiwamete 'aixia katiniwaruxeya,

²¹ Kakaiyari memayemakakaiki, kaniwarupitiani tñiri waikawa memıwarayexeyaki.

²² Hiki Parahuni mipai katiniwaruta'aitiani yuteiterima:

—Yunaime tñiri 'ukitsi hepırayutsixi hapa xekeniwareukaxiri memıtinunuiwa. 'Ukari xekeniwarehayewa.

2

Muitsexi kemıtiunuiwaxi

¹ Xewiti kaniuyeikakaitini Rewi nuiwarieya, kepauka mutineikixi mana tsiere mieme kanewitini.

² Miki kaniutihukata nunutsi kanayexeya, 'ixeyaka kwinimieme mıtitemaikıkaiki, kaniti'awieta haika metseri.

³ Kepaukari mikayıwekai mi'awietaniki tsikiıwiti kaniutawewieni, xirıka kanitawirieni kwetsika miyıwi nikame, mana nunutsi kanikateni hatetsita kaneikweni, hakatsata kanihiani hapa miye'ukaitia, Niru hatetsitayarit-sie.

⁴ Hiki nunutsi kurieya yatewa kani-uyuhayewa, niereke kemiranuyeyanikekai.

⁵ Hiki mana kaniukateni 'uka Parahuni niweya ku'iwaneŋi, Niru hatuxameyaritsie. Te'i'uximayatsiriwamete hatetsita meka-niu'uwakaitini, yapauka Parahuni niweya tsikiwiti kaniuxeiya hakatsata kaniyewiekaitini, xeime ti'uximayatame kaniutani'ani mituimieki.

⁶ Kepauka Parahuni niweya tsikiwiti manu-tiyepi nunutsi kaniuxeiya 'utatsuakame, kanitinenimayata mipai kaniutayini:

—Hepirayu nunutsi pihiki.

⁷ Hiki miki nunutsi kurieya Parahuni niweya mipai katiniutahiawe:

—Ya xeime 'ukaratsi nepiti'inimie hepirayu tewiyari mitsitsitianiki, mitaweriyaki miki nunutsi 'ahetsiemieme.

⁸ Miki mipai katinita'eiya:

—Kenemie kenewitimie.

Kurieya kaneyani, peru nunutsi maamaya kani'atiani.

⁹ Parahuni niweya mipai katinitahiawe:

—Kenanutu'i 'iki nunutsi kenetsitsitiaka keneneutaweriri, ne nepimatipitiaka mipai pemitiyurieniki.

Mipai tiyiku miki nunutsi maamaya kaneituni 'itsitsitiati kanitaweriya.

¹⁰ 'Utawerekuri nunutsi, kaneiwitini Parahuni niweya hetsia, miki kaniyutaniwetiani, meta Muitsexi katiniteriwa mipai 'utaiti: «Ne hapa nepetitui».

Muitsexi kemitiuyuta'unaxi

11 Kepauka Muitsexi 'amuyutama, yu'iwama kaniwarekuxeiya, kaniuniere kememite'uximatiariekai. Xeime kaniuxeiya 'ekipitutanaka hep̄irayu tewiyari tiwayakaku.

12 Hiki hanieretiya nixewiti hawaiki mikareyeikakaiki miki 'ekipitutanaka kaniumieni, kaniti'awieta xiekarita.

13 'Uxa'arieka hutarieka kanikuyani, hipameta kaniwaruxeiya meyukwitiweme yu'iwamati hep̄irayutsixi, mimainekai kaniuta'iwawiya:

—¿Titayari 'a'iwa petimiene?

14 Miki kanita'eiya:

—¿Kemi'anekuta 'eki matsi'utahiawixi 'itsikameki tahetsie pemit'i'aitaniki? ¿Netsita penenemieni 'ekipitutanaka hep̄ai?

Miyamitiutahiawariki Muitsexi waikawa kaniutimani mipai katiniu'erieni: «Xiari nepahekiarixi kenemitiuyuri».

15 Miyatiyiku Parahuni katinetimani, Muitsexi kanimienikekaitini, peru Muitsexi kaniyuta'una Mariyani kwieyaritsie paiti kaneyani, putsu matiniere kaniuyuhayewa.

16 Mawari wewiwame Mariyani kiekame 'atahuta meyupaime 'ukari kaniwarex-eiyakaitini, miki mekaniuyehanitikakaitini muxatsi mematiharewe memitihiniyaki, yupaapa muxatsimama mewatiharitiani.

17 Peru muxatsi wahiwemete 'ukitsi mana mekani'axekaitini mewataweiyake. Heiwa Muitsexi wahetsie kaniutanuani, 'ukitsi kaniwarutaweiya, 'ukari wamuxatsima kaniwarutiharitiani.

¹⁸ Kepauka 'ukari memakunuaxia yupaapa kie Xehueri, miki mipai katiniwaruta'iwawiya:

—¿Titayari hiki kwitiwa xete'u'axia?

¹⁹ Miki mipai mekaniutiyanani:

—Xewiti 'ekipitutanaka tahetsie kanetanuani, muxatsi wahiwemete haa kememitekwerie, mat-sita haa watihanaka muxatsi kaniwaretiharitiani.

²⁰ Mikita mipai katiniwarutahiawe:

—¿Hakewari miki 'uki? ¿Titayari yuxaita xete-heiku'eiri? Xekeneta'ini mitikwaniki.

²¹ Muiťsexi kaniuyuwairiya miki hetsia mukaniki, miki kaniwitiťiani yuniwe Tsepura.

²² Miki nunutsi xeime kanayexeiya, Muiťsexi Keritsuni katiniteriwa, mipai tiu'erieka: «'Ateewapai nepikiekame xaitsie nepuyeika».

²³ Miixa wiyari 'anuyeyaku, ti'aitame 'Ekipitu kiekame kaniumi. 'Ixaheritsixi yaxeixia mekatenuka'eniwakaitini, wairiyarika te'uximayatamete mehikititi, mekaniutihi-wakaitini parewiya meheuyehiati. Wahiware Kakaiyari kaniu'enieni mewairipiekaku.

²⁴ Hiki 'u'enaka kememite'uximatariiekai kanaye'erieni tiratu kememite'uwewi 'Apirahami, 'Itsahaki meta Kakuwu hamatia.

²⁵ Mipai Kakaiyari 'ixaheritsixi katini-waraye'erieni, maye'akaiki yamemiteyuriekaki.

3

Muiťsexi 'itsi mita'a hamatia

¹ Merikitsi Muiťsexi muxatsi kaniwahinekaitini yumune tewamama Keturu, mawari wewiwame mihikitikai Mariyani kiekame, muxatsi kaniware'arieni makumawetsie 'anutaiyepaiti,

Huré mīrakutewatsie kaniye'ani, hiri Kakaiyari manuyeika.

² Mana 'uyeikakaku Yawé niuki tuayameya kaniuyuhekiata taitsata 'itsi takaku. Muiťsexi mīpai katiniuniere 'itsi kanitakaitini, peru pikayexiximekai.

³ 'Ayumieme mīpai katiniu'erieni: «Ketitiri. Tsi-para neminierimie, titayari katiyetaixime 'itsi».

⁴ Kepauka Yawé Muiťsexi muxei 'ahurawa 'a'amiekame nierimiti, kanitahiawe 'itsi hetsie yeweti:

—Muiťsexi, Muiťsexi.

Mikita kanita'eiya:

—'Ena nepuwe.

⁵ Kakaiyari mīpai katinitahiawe:

—Tawarita 'enahurawa pepika'amieni, 'akakai kenanuyehinaxia, kwie mīpatsie hetsie pekani-uweni.

⁶ Ne 'apaapa nekanikakaiyarieyatini, 'Apirahami, 'Itsahaki meta Kakuwu.

Mīpai tiu'enaka Muiťsexi, kaneuyuku'eima yihixie, 'utimaka Kakaiyari 'uxeiyaka.

⁷ Peru Yawé katinikuxatakaitini:

—Yuriki nepiniere kememite'uka'eniwa neteiterima 'Ekipitu kwieyaritsie. Nepiwa'enie kememite'uximatiarie memitewa'aitia wahet-siemie, nepitimate kememite'uka'eniwa.

⁸ Hiki newaxinake nepiyiane 'ekipitutari wahetsia, newarayewitinike miki kwieyaritsie nemīwaranuwitiniki, xeime kwie 'aixia mī'anetsie 'amakuyewatsie, retsi maxuawetsie meta xiete, nekanixatani kananeutsixi wakwieyaritsie meta

hetitsixi, 'amuxeutsixi, peretseutsixi, heweutsixi
meta kewutseutsixi.

⁹ 'Ixaheritsixi wahiwari nepu'eni,
meta nepiniere 'ekipitutari kehepai
memitewananaima.

¹⁰ 'Ayumieme kene'akuha'aritia. Nekamana-
nuni'amiki Parahuni hetsia, pemiwarayewitini
'ixaheritsixi memineteiterima 'Ekipitu kwieyarit-
sie.

¹¹ Peru Muitsexi Kakaiyari mipai katiniu-
tahiawe:

—¿Ne tita netihiki Parahuni hixie nemitaniuniki
meta 'ixaheritsixi nemiwarayewitini?

¹² Kakaiyari mipai katinitahiawe:

—Ne 'ahamatia nepuyeikani. Meta
ne'iniari nepimatsiwewirieni kename ne
nehiki nemimatsihanuni'ani: Kepauka
pemiwarayewitini neteiterima 'Ekipitu
kwieyaritsie, yunaiti xeme xenetsi'ayexeyati
xepakine 'iki hiritisie.

¹³ Muitsexi matsi mipai kaniutayini:

—Xika neheyani 'ixaheritsixi xika mipai
netiwaretahiawe: “Xe'ukiyarima wakakaiyari
pinetsiheyeni'a xehetsia”. ¿Kenetiwaretahiawe xika
mipai meneteheta'iwawiya: “¿Keri titewa?”

¹⁴ Kakaiyari Muitsexi mipai katiniutahiawe:

—Ne nepihiki kemi'ane nemihiki. Mipai peka-
tiniwarekhiawemiki 'ixaheritsixi: “Ne nepihiki,
pinetsiheyeni'a xehetsia”.

¹⁵ Hiki Kakaiyari Muitsexi mipai katiniu-
tahiawe:

—Mipai ketiniwaretahiawi 'ixaheritsixi: “Yawé
xe'ukiyarima wakakaiyari 'Apirahami, 'Itsahaki

meta Kakuwu, pinetsiheyeni'a xehetsia. 'Iki pihiki kenemititewa yareuyuhanemeki, 'iki pihiki kenemititewa naiti nuiwarite manuyekine”.

¹⁶ 'Eki kenemie 'ukirawetsixi keniwarekuxeiri 'ixaheritsixi, mipai ketiniwaretahiawi: “Yawé xe'ukiyarima wakakaiyari 'Apirahami, 'Itsahaki, Kakuwu, peyuhekiataxi nehixie mipai pinerahiawekai: ‘Ne nepixexeiya, nepiniere kexemitenanaimarie mana 'Ekipitu kwieyaritsie.

¹⁷ 'Ayumieme mipai nepitiku'eriwa nepixe'ayewitini kexemite'uka'eniwatsie mana 'Ekipitu. Nemixe'anuwitniki kananeutsixi wakwietsie, hetitsixi, 'amuxeutsixi, peretseutsixi, heweutsixi meta kewutseutsixi. Miki kwietsie waikawa retsi kanexiaweni meta xiete.’”

¹⁸ 'Ukirawetsixi 'ixaheritsixi mepimatsi'anuenieni, hiki miki meta 'eki ti'aitame hixie xepeti'uni mipai xepetiyuani: “Yawé, hepırayutsixi takakaiyari kanekuyeixiani katatinekuxatiani. Ketaneupitia temiyehuki haika tukari te'uhuti mana Yawé takakaiyari temiteheitimawirieniki”.

¹⁹ Nepitimate ti'aitame 'Ekipitu kiekame pikaxehepitiani, wairiyarika ne'ipitiayuke xekanayekinikuni.

²⁰ 'Ayumieme netirikariya nepihekiata, nepitiwakwinitiani 'ekipitutari 'iniari kenemitiwewieni mariwemeki watsata. Naiti miki ranuyeyayu Parahuni pıxepitiani xemiyehuki.

²¹ Peru ne neteiterima 'ekipitutari 'aixia memitewamaniki nepıwayuitiani, mipai xeyumamaweti xemika 'ayekikaniki 'Ekipitu kwieyaritsie.

22 Yunaiti 'ukarawetsixi 'ixaheritsixi
 mepitetauxiani wa'aurie memeutitei
 wahetsia ya tsepa ke'ane hetsia, 'uruki
 mitiwewiyatika meta pirataki, 'ixurikite
 yuniwema xemiwaretiketianiki 'ukitsi 'ukari.
 Mipai 'ekipitutari xekateniwanawairiekuni.

4

'Iniari Muitsexi hetsiemieme

1 Muitsexi tawarita kaniuta'iwauni:

—ζKeneheyianenita xika yuri mekanete-
 heta'eririeni xika mekanetsihe'enieni?
 ζKeneheyianeni xika mipai menetehahaweni:
 “Yawé 'ahixie pikaheyuhekiataxi”?

2 Yawé mipai katinita'iwawiya:

—ζTita perakwe'e?

Muitsexi mipai kaniutayini:

—Kiye 'itsiyari nepakwe'e.

3 Yawé mipai katinitahawe:

—Kwiepa mikaweniki keneutatua.

Muitsexi kiye 'itsiyari kaniutatuani kwiepa
 mikaweniki, hiki miki kiye 'itsiyari kuu kanayani.
 Muitsexi kanitanautsakekaitini 'imakati,

4 peru Yawé kanita'aitiani miwiyaki kwaxieyat-
 sie. Kepauka Muitsexi kuu muwiyaxi kwaxieyat-
 sie, miki kiye kanayani.

5 —'Iki kanihikitini yuri memimateheta'eririeni
 kename ne Yawé xepaapama wakakaiyari
 'Apirahami, 'Itsahaki, Kakuwu ne'unehekiataxi
 'ahixie.

6 Tawarita mipai Yawé katinitahawe:

—Hikita 'akamixatia keneukume'i.

Muitsexi yukamixatia kaneukumeni, kepauka mewakuha mamaya nawiyari tikuyeti kanayani kaniutature 'iwi hepai.

⁷ Tawarita Kakaiyari mipai kaniutayini:

—Tawarita 'akamixatia keneukume'i.

Muitsexi tawarita yukamixatia kaneukumeni, kepauka mewakuha 'aixia kani'anekaitini naiti kemeu'anekai matari.

⁸ Yawé mipai kaniutayini:

—Xika 'iniari mexiakame miemek i yuri mekate'uta'erieni, xiari hutarieka miemek i.

⁹ Peru xika 'iki hutame 'iniariki yuri mekamete'uta'eririeni, haa keneuhanimie Niru mieme, kenetayeuri kwiepa, kepauka haa manutateni kwiepa xuriya kanayeimiki.

¹⁰ Muitsexi mipai kaniutayini:

—Yawé, ne hatsuaku 'aixia nepikarekuxatani, 'iki pikati'ane takai mitiuyukatsutia 'atu mitiuyukatsutia yahiki penetikuhawekaku, heitseriemeki wairiyarika nepitiutaxaxata.

¹¹ Yawé mipai kaniutayini:

—Ne nepihiki 'ateni nemutawewi. Ne nepihiki Yawé mekaheu'enanakame miwarayeitiwa, mekaniuwaweme, kemi'ane meheuneniereme miwarayeitiwa yatini mekaheuneniereme.

¹² Kenemie, keneuyukuha'aritia ne nepimatsiparewieni pemitaniuniki nemati-taxatiani kepemutaineni.

¹³ Hiki Muitsexi mipai kaniutayini:

—Yawé 'aku, waikawa nematsiwawirie xeime pita pamanuni'aniki.

¹⁴ Hiki Yawé waikawa kaniuyeha'ani Muitsexi hetsiemieme, mipai katinitahiawe:

—'Aixia kati'ane 'a'iwa 'Aruni rewi tewiyari. Ne nepitimate miki 'aixia pituixaxata. Hikiri kanayeyani metsikunakeneti, kepauka mimetsihexeiya 'iyarieya 'aixia kaneyimiki.

¹⁵ 'Eki pepireitaxatiani naime kenematiutixatia, ne nepixeparewieni xemitiniuniki 'eki, miki matia, nepitixeta'ikitiani kehepai xemiteyurieka.

¹⁶ Miki putaniukani teiteri wahixie 'ahetsiemieme, 'ekititi pemutaineni, 'ekita nehetsiemieme pepitikuxaxatiwani ne nemitikuhiaweni hepai.

¹⁷ Peru miki pepikakutitimaiyani kiye 'itsiyari, 'eki mikiki 'iniari pepewewieni mamariwaweme.

Muitsexi 'Ekipitu kaneyani

¹⁸ Muitsexi mana miyetia yumune Keturu hetsia kaninuani. Nuaka mipai katinitahiawe:

—Ne nepiyemie 'Ekipitu, ne'iwama memanu'uwa. Nepinierimie 'akuxi xika mehe'uwani.

Keturu mipai katinitahiawe:

—Kenemiekata, 'aixia pekereuye'ani.

¹⁹ Mariyani paitiri Yawé Muitsexi mipai katinahiawekaitini: «Kenemie 'Ekipitu, yunaitiri mekaniukwini memimatsimiekukai».

²⁰ Hiki Muitsexi kaniuyukuha'aritiani yu'ia meta yuniwema waranutiyatsaka puxutsie 'Ekipitu kaneyani, yumamatsie Kakaiyari 'itsiya kanakwekaitini.

²¹ Yawé Muitsexi mipai katinahiawekaitini mikatikuhayeikawaniki: «Kepauka 'Ekipitu pemunuani pepikatikuhayeikawani tita nematiuta'ikitia, Parahuni hixie 'iniari

pemiwewieniki mamariwaweme. Neta 'iyarieya nepitseiriya neteiterima mikawapitianiiki.

²² Hiki 'eki mipai pepireitahiawe nehetsiemieme Parahuni: “Ixaheri neniwe mexiakame kanihikitini.

²³ Mipai nepimarahiawe keneupitia neniwe minetsi'ayexeianiki, peru 'eki pepika'itaunie miyemieki. 'Ayumieme, 'aniwe mexiakame tukarieya nekaninawairiemiki”».

²⁴ Huyeta, Yawé Muitsexi kananukunake, kut-sukaku kanitaxeiya kanimienitima,

²⁵ peru Tsepura tete nawaxayari 'utikweka yuniwe kaniuxiteni xieyameyatsie, hiki Muitsexi 'ikayatsie kaniuwirieni mipai rehiaweti: «Pikaheuyewetse nemi'iyirieka. 'Ayumieme yuriki 'eki pepinekina 'iki xuriya nemutayeuriki».

²⁶ Miyatiiyiku Yawé Muitsexi kaniuhayewa, peru Tsepura yikina mipai pitiuteriwakai, «pepinekina 'iki xuriya nemutayeuriki» xitekiya 'iniariyariki.

²⁷ Yawé 'Aruni mipai katiniutahiawe: «Kene-mie Muitsexi kenenakimie makumawetsie paiti». 'Aruni kaneyani Muitsexi netaxeiya hiritsie paiti Kakaiyari manuyeika, kani'itseni.

²⁸ Hiki Muitsexi 'Aruni katiniutaxatiani naime Yawé kemirehiawekai, naime 'iniari mamari-waweme kemiti'ikitiakai.

²⁹ Hiki Muitsexi 'Aruni hamatia 'ixaheritsixi mekaniwarukuxerieni.

³⁰ 'Aruni naime katiniwarutaxatiakaitini Muitsexi Yawé kemirehiawekai, yunaime wahixie 'iniari kaniuwewieni,

³¹ mikiki teiteri yuri mekateniuta'erieni. Mipai mete'u'enanaka kename Yawé waxeyakai ke-

memite'uka'eniwakai waranuku'erienikekai, 'ix-
 aheritsixi mekaniutihixima'uni meta Yawé mari-
 weme mekanayeitiani.

5

Matari Parahuni hixie kememiteye'axia

¹ Mipai metewarutahiaweka Muitsexi
 'Aruni Parahuni hixie mekaniti'uni mipai
 mekatenitahiawe:

—Mipai paine Yawé 'ixaheritsixi takakaiyari:
 “Keniwarupitia neteiterima makumawetsie
 paiti memiyehuki 'ixiarari memiwewieniki
 nehetsiememe keminetinake”.

² Parahuni mipai kaniutayini:

—¿Kemi'ane miki Yawé pihiki, para ne
 nemenu'enieniki 'ixaheritsixi nemiwapitiani?
 Ne Yawé nepikamate, ne nepikawapitiani
 'ixaheritsixi memiyehuki.

³ Mikita mipai mekaniutiyuani:

—Hepirayutsixi wakakaiyari
 'upitatsihanakirime, 'ayumieme tame haika
 tukari tepuhuni makumawetsiepai, Yawé
 temitehetimawirieniki takakaiyari. Xika mipai
 tekate'uyurieni waikawa pitatiukwinitiaawe,
 tixaiti 'upirani'ani kwiniya yatini pitatsi'ukwiwe
 yu'ixiparaki.

⁴ Ti'aitame 'Ekipitu kiekame mipai kaniutayini:

—Muitsexi, 'Aruni, teiteri xepikawa'uximatiaka
 memite'uximayakaki. Xekenakunuaxia
 xemiteha'uximayatsie.

⁵ Xekeneutimaixia mepiyuwaikawa
 teiteri 'ena 'Ekipitu, xemeta xekatewapitia
 memite'uximayaka.

6 Miki tukaritsie Parahuni mipai katini-waruta'aitiani te'aitamete 'ekipitutari meta 'ixaheritsixi memitewa'aitia:

7 «Xinariya tata'ime memitiwewieniki 'ixa xepikawayetuiwaniri, miki mekeheiteixiyuni yikimana.

8 Peru xeme yaxeikia paimeme xekeni-wawawirieka xinariya, xepikahenukahipani memiyi'iraxie mekanihikitini, 'ayumieme mipai mekanetenikihaweni: “Ketaneupitia takakaiyari temitemawiriyuki”.

9 Kwinimieme ti'uxiyakame xekeniwa'aitiaka. Xeketeniwa'aitiaka yamemite'uximayakaki. Mipai 'itarika mepikahanu'enieni».

10 Te'aitamete 'ekipitutari mekanayekine 'ixaheritsixi memitewata'aitianiki, meta teiteri memitewa'aitia mipai mekateniwarutahiawe: «Parahuni mipai kanaineni: “Ixari xepikayetuiiriyarieniri.

11 Xemeri xekaniwauyuni tsepa hakewa xemeikaxeiya, perutsi yaxeikia paimeme xepitiwewiwani kexemite'aitiarie”».

12 Mipai tiuyiku 'ixaheritsixi mekaneutayeixiani 'Ekipitu kwieyaritsie mete-heuteixitikaiti miraku'etsitiretsie, 'ixa memiyetuiiriyariwakaitsiemieme.

13 Memitewa'aitia mekaniyeweiyakaitini mipai metewakihaweti: «Xeketenaye'atiwani kexemite'aitiarie 'ixa xemiyetuiiriyaruwakai hepai».

14 Matsita memite'aita Parahuni hetsia miemete 'ixaheritsixi memanuyetei mekaniwati-wayakaitini mipai metewaku'iawawiyati: «¿Titayari

takai meta hiki xekate'aye'atia kepapaimeme xemi'aitiarie, meripai xemitiwewiwakai hepai?»

15 Memanuyetei 'ixaheritsixi mekanekine Parahuni hetsia, mipai mekateneitahiaawe:

—¿Titayari 'eki miyapetiwayuriene te'a'uximayatamete?

16 'Ixari xemikatatsiyetui riwa. Miyatiti yaxeikia papaimeme tetewawiyarie xinariya, 'etsimipaimeni hepai tetetiweiwa. Ti'aitame 'ateiterima 'aixia mepikateyurie.

17 Parahuni mipai kaniutayini:

—Xemi'iraraxie, xemi'iraraxie xekanihimetini. 'Ayumieme mipai xekaniutiyuaneni: “Ketaneupitia Yawé takakaiyari temitemawirieyuki”.

18 Hiki xekenehu xeketene'uximayaka. 'Ixa xepikayetui riyari eniri, peru yaxeikia paime xepitiwewiwani xinariya.

19 Te'uximayatamete memanuyetei 'ixaheritsixi mipai mekatenetimani mexima katinaniuwakaitini, kepauka mipai mitiutaniukie kename yaxeikia papaimeme meyetuayanikekai.

20 Muitsexi hetsia meta 'Aruni hetsia me'u'axiaka kitenie memuwakwewiekai,

21 mipai mekateniwarutahiaawe: «Yawé kexeheutixeyaxiani kexehanutaxirieni. Xeme ya'ane xeheutiwiwexiaku 'axatepu'atika Parahuni hixie yaxeikia memite'i'uximayatsirie wahixie, xeme xekateniuyurieni 'ixipara xemiwarukweitia memitatsikwiniki».

Kakaiyari yaputayi kename waxina

22 Muitsexi Yawé mipai katiniutahiaawe:

—Neuxei, Yawé, ʔtitayari 'iki kiekari
'axapetiyuriene? ʔMipai miti'aneniki
penereyeni'a?

²³ Kepaukapai Parahuni hixie nemutaniu
'ahetsiemieme, tixaiti 'atsipikatiyuriwe matsi
pita piwananaima 'iki teiteri memi'ateiterima.
'Ekita 'atsipepikatiyuriwe pewaxinake.

6

¹ Yawé mipai katinita'eiya:

—Patsi pekaninierimiki kenemitiyurieni
Parahuni hetsia. Netirikariya xeikia
kanixepitiamiki xemiye huki, netirikariyaki xeikia
miki kwieyaritsie xekanayeweyariekuni.

² Hutarieka, Kakaiyari Muitsexi hamatia katini-
utaxata mipai katinitahiawe: «Ne Yawé nepihiki.

³ Ne nepinehekiataxi 'Apirahami, 'Itsahaki,
meta Kakuwu wahixie, ne Kakaiyari
Naimekimitirikaiye, peru kenemititewa yemeki
nepikawarutaxatia, Yawé nemititewa.

⁴ Metatsiere tiratu tepuwewi kwie Kanani
miemeki wahetsiemieme mayaniki, meripaiti
memakutekaitsie 'ateewa kiekatari wahepai
me'aneti.

⁵ Meta nepiwa'enie 'ixaheritsixi ke-
memite'uka'eniwa, 'ekipitutari wairiyarika
te'uximayatamete memiwarayeitiaki, nepaye'eri
tiratu kenemitiuwewi.

⁶ 'Ayumieme kenemie mipai ketiniwaretahiawi
'ixaheritsixi: “Ne Yawé nepihiki, ne
nepixexina 'ekipitutari kememitexe'uximatia,
ne nepixexina kexemite'uximayatamete, ne

nepixexina waikawa 'iniari newewieti meta mamariwawemeki 'aixia nepitiyurieni.

⁷ Ne, xeme nekiekari nepixe'ayeitiani, neta xekakaiyari. Mipai 'ana mepitehetimani, kename ne Yawé nexekakaiyari, nemixe'ixinaxi 'ekipitutari kememitexe'uximatiakai.

⁸ Nekanixe'anuwitimiki kwietsie mipai kenemistinehiritia 'Apirahami, 'Itsahaki, Kakuwu, nemwayetuirienikekai, ne Yawé, nepixeyetuirieni miki kwie mana xemititeniki».

⁹ Muiťsexi, 'iki naime tiniwarutaxatiani 'ixaheritsixi peru memutiwai'ripiekaikiri, mete'uka'eniwati mete'aitarieti 'ayumieme mepika'i'eni.

¹⁰ Hiki Yawé mipai Muiťsexi katiniutahiawe:

¹¹ —Kenemie Parahuni hixie ti'aitame 'Ekipitu kwieyaritsie. Mipai ketinetahiawi, kewarupitiani memiyehuki 'ixaheritsixi miki kwieyaritsie.

¹² Peru Muiťsexi Yawé mipai katiniutahiawe:

—'Ixaheritsixi matsi mepikanetsiheu'enieri Parahuni kenetiu'enieni meta 'aixia nepikatiuxaxata.

¹³ Hutarieka Yawé Muiťsexi 'Aruni mame kaniwarutahiawe, 'ixaheritsixi wahetsiemieme meta Parahuni ti'aitame hetsiemieme katiniwarutaxatiani, mipaita katiniwaruta'aitiani 'ixaheritsixi 'Ekipitu memiwarayewitiniki.

Muiťsexi 'Aruni wa'ukiyarima

¹⁴ 'Iki mepaki 'ixaheritsixi wa'ukiyarima:

Xuweni niwemama 'Ixaheri matiarieya: Kanuki, Paru, Ketsiruni meta Karimi. Miki mepihiki Xuweni nuiwarimama.

- 15 Tsimrehuni niwemama: Kemueri, Kamini, 'Uhari, Kakini, Tsukaxi, meta Tsahuri maa-maya kananeu tewiyari pihikitikai. Miki mepihiki Tsimrehuni nuiwarimama.
- 16 Kememiteheuku'uxa miki nuiwari memaka'utarietsie, 'iki Rewi niwemama mepihiki: Keritsuni, Kuhati meta Merari. Xeitsienituyari heimana xeitewiyari heimana tamamata heimana 'atahuta wiyari puyuri.
- 17 Keritsuni niwemama wanuiwaritsie: Ri-wini meta Tsimi.
- 18 Kuhati niwemama: 'Amirani, 'Itsaxi, Hewuruni meta 'Utsiheri. Xeitsienituyari heimana xeitewiyari heimana tamamata heimana haika wiyari puyuri.
- 19 Merari niwemama: Makiri meta Mutsihí.
- 'Iki Rewi nuiwarimama mepihiki kememiteheku'uxa.
- 20 'Amirani, xeitsienituyari heimana xeitewiyari heimana tamamata heimana 'atahuta wiyari puyuri, yutetei kaniutiwitini Kukaweri titewakame, miki yuhutame mekaniwarayexeiya tiri: 'Aruni meta Muitsexi.
- 21 'Itsaxi niwemama: Kure, Nepeki meta Tsikiri.
- 22 'Utsiheri niwemama: Mitsaheri, 'Eritsapani, meta Tsitiri.
- 23 'Aruni 'Eritsaweti kaniutiwitini, 'Aminarawi nu'aya Nahatsuni 'iwaya, miki yunaukame mekaniwarayexeiya tiri: Narawi, 'Awihu, 'Eriyatsaxi meta 'Itamaxi.
- 24 Kure niwemama: 'Atsixa, 'Erikana meta 'Awiyatsahapi. Miki Kure nuiwarimama

mekanihikitini.

- ²⁵ 'Eriyatsaxi 'Aruni nu'aya xeime kaniutiwitini
Putiheri niweya, xeime nunutsi mekanayex-
eiya Pinexi mekateneriwa.

'Iki Rewi nuiwarimama wa'ukiyarima mepaki,
kememiteheku'uxa memaka'utarietsie.

²⁶ 'Aruni meta Muiťsexi, miki mepihikitikai Yawé
miwani'akai 'ixaheritsixi memiwarayewitiniki
'Ekipitu kwieyaritsie yayupapaimeme.

²⁷ 'Iki mepihiki Parahuni hixie memu-
tiniu, ti'aitame 'Ekipitu kiekame hetsia,
memiwarayewitiniki 'ixaheritsixi 'Ekipitu
kwieyaritsie.

'Aruni, Muiťsexi niukameya

²⁸ Kepauka Yawé Muiťsexi hamatia mitiutaxa
'Ekipitu,

²⁹ mipai katinitahiawe:

—Ne Yawé nekanihikitini. Parahuni
ti'aitame 'Ekipitu kiekame naime ketinetaxatia
kenemimatitahiawe.

³⁰ Peru Muiťsexi Yawé mipai katiniutahiawe:

—¿Neranu'enienikuta Parahuni, ne 'aixia
nepikatiuxaxata?

7

¹ Yawé Muiťsexi mipai katiniutahiawe:

—Mipai ketinemaika Kakaiyari tewiyari
pepayani Parahuni hixie. 'A'iwa 'Aruni 'aniukame
payani.

² 'Eki pi'ahiritiarika naime pemitikuxaxatiwani
kenematikuhaweni, 'a'iwata 'Aruni Parahuni

pɪtawawirieni mɪwɔpɪtɪɔnɪkɪ memɪyehukɪ mɪkɪ kwɪeyaritsie.

³ Ne Parahuni 'iyarieya nepɪtseiriya tsepa 'iniari mamariwaweme nemutiwewi 'Ekipitu.

⁴ Mɪkɪ pɪkaxe'enieni, hɪkɪ matsi ne naime netɪrɪkariya 'Ekipitu nepɪtiwewieni, mariwemekɪ netiyurieneti kemɪtiheitserie, nepɪwarayewitini kwinimieme memiyupaime neteɪterima 'ixaheritsixi.

⁵ Kepauka ne mariweme nemɪtiyurieni 'Ekipitu kwɪeyaritsie, kepauka ne 'ixaheritsixi nemɪwarayewitini, 'ana 'ekipitutari mɪpɪ mepɪtehetimani kename ne Yawé nehɪkɪ.

Muitsexi 'itsiya

⁶ Muitsexi 'Aruni hamatia yamekatenikakine Yawé yemekɪ kemainekai.

⁷ Kepauka Parahuni hixie memutiniu, Muitsexi nauka tewiyari wiyari kanexeiyakaitini, meta 'Aruni nauka tewiyari heimana haika wiyari kanexeiyakaitini.

⁸ Yawé Muitsexi 'Aruni mame mɪpɪ katiniwaru-tahiawe:

⁹ «Kepauka Parahuni 'iniari mixewawirieka, 'Aruni ketineutaxatia, kiye 'itsiyari ke'utikweni kwiepa ke'ikahiani Parahuni hixie. Mɪpɪ 'ana kiye kuu kanayeimɪkɪ».

¹⁰ Muitsexi 'Aruni hamatia Parahuni hetsia mekanekine, mekatenaye'atiani Yawé kemɪtiwarahiawekai. 'Aruni yu'itsi nehiani kwiepa Parahuni hixie meta memite'i'uximayatsirie wahixie, mɪkɪ kiye kuu kanayani.

11 Peru Parahuni memitemaiwawe kaniwaruta'inienita meta memiteyukewaiya, mikita 'awie memite'uyemateki miki temaiwawemete yaxeikia mekateniuyurieni:

12 Yuxexuiti yu'itsi mekanexiriexiani, yaxeikia naiti kiyexi kuuterixiyari mekanakine. Matsi 'Aruni kiyeya miki wakiyexi yunaima kaniwarutikwani.

13 Miya tiuyiku Yawé kemitiwarahiawekai, Parahuni yu'iyari kaniutseiriya pikawaru'eni kememitekuxataki.

Xuriya kememite'unetia

14 Yawé Muitsexi mipai katiniutahiawe: «Parahuni yu'iyari pitse'iriya pikayuwairi neteiterima miwatatuaniki.

15 Kenemie ximeri mi'iwamietsie kenekwewieka Niru hatetsitayaritsie, hiki pekananukukemiki pe'enukunakeke 'akiye pe'akweti kuu mayeika.

16 Mana mipai ketinetahiawi: “Yawé hepīrayutsixi wakakaiyari pinetsiheyeni'a mipai nematitahiaweki: 'Keniwarupitia neteiterima memayekineki, meminetsihayexeiyaniki humapaiti makumawetsiepai.' Hiki pemika'awairiyaki,

17 Yawé mipai kanaineni: 'Hiki pepiretimani kename ne Yawé nehiki.' 'Iki kiye nemekwe'eki haa Niru mieme nekaniwamiki, hiki miki haa naiti xuriya kanayeimiki.

18 Tsapari yunaiti mekanikwikuni, haa 'axa'u'iatī kanayeimiki, 'ekipitutari mana mepikatihareni”».

19 Yawé Muitsexi mipaita katiniutahiawe: «'Aruni mipai ketineutahiawi, yu'itsi ke'utikweni

hapa keheitatsera 'Ekipitu miemetsie, naiti 'akite, hamuyehapane, meta haa mukamarike mukumane xuriya mayaniki. Xuriya puxiaweni naiti kemiyewa 'Ekipitu kwieyaritsie, kiyexi tsiepaii, tetexi tsiepaii naiti».

²⁰ Muiťsexi 'Aruni hamatia Yawé mekananu'enieni kemitiwa'aitiakai. Parahuni yaxeikiata memite'i'uximayatsirie wahixie 'Aruni yikiye teiki netsera haa Niru mieme kaniuwani. Hiki naiti haa mana mieme xuriya kanayani.

²¹ Tsapari mekaniukwini Niru hetsie memiye'uwakai, haa 'axakanu'iakaitini 'ekipitutari mana memihareka mepikayiwawekai. Naitsarie 'Ekipitu kwieyaritsie xuriya hayari kanixuawekaitini.

²² Yaxeikiata temaiwawemete 'awie memite'uyemateki miki 'ekipitutari yaxeikia mekateniuyurieni, mipai Parahuni yu'iyari kaniutseiriya kemainekai Yawé kemitiwarahiawekai, 'Aruni pika'anu'eni meta Muiťsexi.

²³ Wa'atiti tixaiti 'atsipikatiyi ta'aurie haweka yuparatsiyuta kaneyani.

²⁴ Hiki 'ekipitutari putsu mekaniutiwewietikine Niru hatetsitayaritsie, haa 'aixia mi'ane mehauwautikaiti, memikayiwawekaikiri hatia mieme memitihareniki.

Temutsi kememite'unetiarie

²⁵ 'Atahuta tukari panukatia kepauka Yawé Niru hayari muwa.

8

¹ Yawé Muiťsexi mipai katiniuta'aitiani: «Kenemie Parahuni hetsia mipai ketinetahiawi,

Yawé mipai paine: “Keniwarupitia neteiterima memiyehuki meminetsi'ayexeianiki.

² Xika pekawarupitiani temutsi nepiwanetiani naitsarie 'akwie kemiyewa.

³ Niru hatiayari mukwakeni hepai temutsi waheki puyineni, 'aparatsiyuta mepeutahaxiani, pemuyehuputsie paiti meta 'a'itaritsie, yaxeikiata 'ahetsia te'uximayatamete wakiita paiti, 'ateiterima wakiita, 'ahuxunuta meta titiximete.

⁴ 'Ahetsie mepitimakixiani, 'ateiterima wahetsie meta 'ahetsia memite'uximaya”».

⁵ Hiki Yawé Muitsexi mipai katiniutahiawe: «'Aruni mipai ketineutahiawi yu'itsi haa manuyehapane keheutatsera, 'aki manuyehapane, harakuna mayemanetsie, naitsarie 'Ekipitu kwieyaritsie temutsi memitixuawerekii».

⁶ 'Aruni yu'itsi kaneutatsera haa 'ekipitu miemetetsie, temutsi mekaniutixuawere naitsarie.

⁷ Hiki temaiwawemete 'awie ke-memite'uyemate yaxeikia mekateniuyurieni, mipai mete'uyurieku temutsi mekaniutixuawere naitsarie 'Ekipitu.

⁸ Hiki Parahuni, Muitsexi 'Aruni mame kaniwarutakwewieni. Mipai katiniwarutahiawe:

—Yawé xekeneutawawiri temutsi miwataweiyaki nehetsie meta neteiterima wahetsie, neta nepixepitiani xemiyehuki xemiteheitimawirieniki.

⁹ Muitsexi mipai katinita'eiya:

—Yanetineutahiawi kepauka nepitawawirieni Yawé 'ahetsiemieme, 'ahetsia memite'uximaya meta 'ateiterima wahetsiemieme. Temutsi Niru

hatiayaritsie mekaniyuhayewakuni xeikia, 'ahetsie meta 'akie mepikatixuawere.

¹⁰ Parahuni mipai katinita'eiya:

—'Uxa'a kwitiwa.

Muitsexi mipai kaniutayini:

—Mipai kaniyimiki, pekatinetimaimiki xewiti kakaiyari kaniumaweni Yawé takakaiyari hepai 'aneti.

¹¹ Temutsi mekaniyehuni mekaniku-mawerikuni 'ahetsie 'akiita meta 'ahetsia memite'uximaya wahetsie metatsiere 'ateiterima wahetsie, Niru hatiayaritsie xeikia mekaniyuhayewakuni.

¹² Yapauka mewayekineka Muitsexi 'Aruni matia Parahuni hamatia metehetaxataka, Muitsexi Yawé kaniutawawirieni temutsi miwakumaweriyaki Parahuni hetsia miwareyeni'akai.

¹³ Muitsexi Yawé kemitiutahiawekai nenu'enieni, temutsi mekaniutayuani mekwi'iti, kiita, takwa meta yeuta.

¹⁴ Teiteri mekaniwakuxexeriwakaitini wa'akariyari naiti 'Ekipitu kanakinikaitini.

¹⁵ Hiki Parahuni 'aixia 'iyarieya kaniuyini, peru Yawé 'iyarieya kaniutseiriya, Yawé kemitiwarahiawekai, Muitsexi 'Aruni mame pikawa'enimikikai.

Xaipitsi kememite'unetiarie

¹⁶ Yawé Muitsexi mipai katiniutahiawe 'Aruni mipai mititahiaweki: «'A'itsi keneutatsera kwiepa ketineukawaxia, naiti 'Ekipitu kwieyaritsie kwauni xaipitsi memayexirieniki».

¹⁷ Mipai katiniuyurieni. Hiki 'Aruni yu'itsiki kwiepa katiniukawaxiani, hiki kwaunititi xaipitsi mekanayexirieni teiteri mekaniwakukewekaitini meta tewaxi. Naitsarie 'Ekipitu kwieyaritsie kwauni xaipitsi mekanakine.

¹⁸ Temaiwawemete 'awie memite'uyemate mipaitsiere mekateniyurienikekaitini mekanuyutatexieni. Matsi xaipitsi teiteri meta watewama mekaniwakukewekaitini.

¹⁹ Mipai mekanutiuyuani temaiwawemete Parahuni hixie: «Yemeki Kakaiyari wahamatia puyeika». Peru yu'iyari kaniutseiriya pikawaru'eni, Yawé kemitiwarahiawekai.

Nakatarixi kememite'utixuawerixi

²⁰ Yawé Muitsexi mipai katiniutahiawe: «'Uxa'a ximeri pekananukukemiki, Parahuni 'utia pekaniyemieni, hata mikatenitsie mipai pekatinitahiawimiki: “Mipai paine Yawé: 'Neteiterima keniwarupitia memiyehuki meminetsi'ayexeinyaniki.

²¹ Xika pekawarupitiani, yimiireme nakatarixi nepiwaranuni'ani 'ahetsie, meta 'ahetsia memite'uximaya, 'ateiterima wahetsie meta 'akie. Naiti 'ekipitutari wakiita meta kwiepa memanu'uwa mepitihine nakatarixi.

²² Kepauka mipai mitiyini, Kutseheni xeikia mepikatixuawere, mana neteiterima memititeiki, 'ana mipai pepiretimani ne Yawé, 'iki kwieyaritsie nepuyeika.

²³ Yikimeteyuxexeyame neteiterima nepiwarayeitiani 'ateiterima wahetsia, 'iki 'iniari mimariwe 'uxa'a paye'ani' ”».

24 Mipai katiniuyurieni Yawé. Haiwitiri 'a'ayetsutsuiti nakatexiani Parahuni paratsiyuy-atsie meta hetsiana memite'uximaya wakii hetsie meta naitsarie 'Ekipitu, nakatarixi xeikia mekanihikiakaitini. Nakatarixi waheki 'Ekipitu kiekariyaritsie 'axakatinayeyini.

25 Hiki Parahuni, Muitsexi 'Aruni mame kani-warutakwewieni, mipai katiniwarutahiawe:

—Xekenehu xeketeneutimawiri yukakaiyari 'ena 'iki kwieyaritsie.

26 Muitsexi mipai kaniutayini:

—Mipai 'aixia pikayini, tame temitetimawa Yawé hetsiemieme 'ekipitutari wahepaitsita puxurikime, xika wahixie tete'utimawa wahepaitsita mikareuyewetse hepai xiari mepitatsitituaxa.

27 Tepiyehukaku haika tukari te'uhuti maku-mawetsie paiti, mana temiteheitimawirieniki Yawé takakaiyari mipai katatini'aitiaka.

28 Parahuni mipai katinita'eiya:

—Nepixepitiani xemite'imawirieyuki Yawé yukakaiyari humapaiti. Peru 'ateewapai xekahetikati, meta xepeitawawirieni nehetsiemieme.

29 Muitsexi Parahuni mipai katiniutahiawe:

—Ne'anuyeyame 'uwa ne Yawé 'ahetsiemieme nepeitawawirieni, hiki 'uxa'a nakatarixi wahepai memi'anene mepumaweni 'ahetsie, 'ahetsia memite'uximaya meta 'ateiterima wahetsie. Perutsi pepikatatiku'itaiyani, pekatatsipitiani pekatitutaine temitemawayuki Yawé hetsiemieme.

³⁰ Muitsexi hewayeyaka Yawé nenewieri kaniupitiani Parahuni hetsiemieme.

³¹ Yawé kani'enieni Muitsexi Parahuni hetsiemieme kemítitawawiriekaí, nakatarixi kaniwarukumaweriya Parahunitsie. Memite'uximaya, meta teiterimama wahetsie nixewiti pikayuhayewaxi.

³² Matsi Parahuni tawarita yu'iyari kaniutse'iriya, pikawarupitia memiyehuki.

9

Wakaitsixi kememite'ukwi kwiniyaki

¹ Hiki Yawé Muitsexi kaniutani'ani, Parahuni mipai mititaxatiani: «Mipai kanaineni Yawé hepirayutsixi teiteriyari wakakaíyari: “Keniwarupitia neteiterima memayekineki meminetsi'ayexeianiki”.

² Xika pekawarupitiani memiyehuki, xika 'akuxi pewarukununuitwani,

³ Yawé yitirikariyaki kwiniya pinetiani 'atewama wahetsie, kawayutsixi, puxuri, kameyut-sixi, wakaitsixi meta 'amuxatsi.

⁴ Peru Yawé 'ixaheritsixi watewama meta 'ekipitutari watewama wahamatia yukimeteyuxexeiyame piwarayeitiani, 'ayumieme 'ixaheritsixi watewama nixewiti pikamini».

⁵ Hiki Yawé tukari kaniutipini, mipai kaniutayini: «'Uxa'a, ne Yawé mipai nekatiniyurimiki 'iki kwieyaritsie».

⁶ Mipai katiniuyini, 'uxa'arieka mekaniukwini yunaiti 'ekipitutari watewama, peru 'ixaheritsixi watewama nixewiti pika'umi.

7 Hiki Parahuni hipame kaniwareni'ani, memiwaxeiyayuki 'ixaheritsixi watewama, miki mekaniwaretaxeiya yaxeikia meyupaimeme, nixewiti pikahemikikai. Peru hiki Parahuni yu'iyari kaniutseiriya pikawarupitia memiyehuki.

Kememite'uti'etsataxi

8 Merikitsi Yawé mipai katiniwarutahiawe Mui-sexi 'Aruni mame: «Xekeniwayetuka naxi 'uxunuta mieme 'etsipeme, miki Mui-sexi teiki keheiwieni Parahuni hixie.

9 Miki naxi tumuanari miyianiti kanayeimiki, kanikawiwimiki naitserie 'Ekipitu kwieyaritsie, mekaniti'etsatakuni, teiteri meta watewama yunaiti».

10 Mui-sexi 'Aruni matia naxi mekanetuni 'ux-unutamieme, Parahuni hixie meti'uka Mui-sexi kaneiwiwieni 'ekatsie, 'anari mekaniti'etsata, teiteri yaxeikiata watewama.

11 Temaiwawemete mepikayiwawekai Mui-sexi hepai memiteyurieniki, mikitsi yunaiti meta mana kiekatari mekaneu'etsatikateitini.

12 Peru Yawé Parahuni 'iyarieya kaniutseiriya, Yawé Mui-sexi kemitiutahiawekai, 'ayumieme Parahuni Mui-sexi 'Aruni mame pikawa'enimikikai.

Kemitiukawiyexi teemati

13 Merikitsi Yawé Mui-sexi tawarita kanitani'ani, 'uxa'arieka ximeri kaneyani Parahuni mititaxatianiki: «Yawé mipai kanaineni hepırayutsixi wakakaiyari: “Kenıwarupitia neteıterima memınetsi'ayexeyanıki.

14 Hikiri 'imatırieke waikawa mariwemeki nepımatsi'anunı'airienı kwiniya 'ahetsiemieme,

yaxeikiata te'a'uximayatsiriwamete wahetsie, para mipai pemiretimaniki kename xewiti 'umawe 'ena kwiepa nehapai tiyurieneti.

¹⁵ Xika hiki kwitiwa mipai netiuyurieni 'ahetsie, 'ateiterima wahetsieta kwiniya kwi mayakameki yunaiti xekanikwikuni.

¹⁶ Peru hiki nepimatsihayewa 'akuxi para pemiretimaniki kenemitiyurieni, para nemukuxaxatsiwaniki naitsarie kwiepa.

¹⁷ 'Eki matsi yaxeikia pepitiyuriene, neteiterima pekawapitiati miki memayekineki.

¹⁸ 'Ayumieme 'uxa'a hiki hepai 'upaukakaku, nekanenuni'amiki wiyeri teemakame mikatiyiwekai hepai hatsuaku 'Ekipitu mukamarixitsietiti.

¹⁹ Mexiima ketineuta'aita 'atewama kiitia memiwareuta'arieniki ketipaimeme pemirexeiya yeuta, yaxeikiata teiteri, kemi'ane takwa muyeikani tee hetsiena kanikaxirimiki kanimiemiki"».

²⁰ Hipati Parahuni te'uximayatsiriwamete mekaniutimamani Yawé niukieya me'u'enieka, meyumexiitiati kiita mekaniwareuta'ina yuteiterima meta yutewama,

²¹ hipatita mepikahenu'eni Yawé niukieya, mepiwaruhayewaxi tehewemete yaxeikiata yutewama.

²² Merikitsi Yawé mipai Muitsexi katini-utahiawe: «'Amamate teiki keneutitseraxia, para naitsarie mikaxirieniki tee wiyeriyari 'Ekipitu kwieyaritsie, teiteri wahetsie yaxeikiata wawaxata meta watewama wahetsie».

²³ Muitsexi yu'itsi 'anukukweka muyuawitsie

kaneititsera, Yawé yakatiniuyurieni tee mikaxirieniki naitsarie 'Ekipitu: tīranari kaneyeni'ani, tee wiyerimati mikaxirieniki meta merikariya.

24 'Anari kaniukawiye teemati, kanikaxiriwekaitini taimati. Naitsarie 'Ekipitu kwieyaritsie hatsuaku mikareyiwekai hepai katiniuyini.

25 Miki tee wiyeriyari naime katiniwareuyehiani miki kwieyaritsie, teiteri meta yeutari, yaxeikiata miti'etsiekai meta kiyexite.

26 Kutseheni mirakutewatsie xeikia tee wiyeriyari pika'ukaxiri hakewa 'ixaheritsixi memetitekai.

27 Merikitsi Parahuni katiniwarutani'airieni, Muitsexi 'Aruni mame mipai katiniwarutahiawe:

—Ne hiki nepiretima 'axakenemitiyuriene. Yawé 'aixia pitatsiyuriene, tame pita 'axatepityurie neteiterima teyunaiti.

28 Hawaiki tawariri nepikawakunuitiani, nepiwapitiani memayekineki, perutsi Yawé xekenetawawiri nehetsimieme, tīranari meta tee wiyeriyari mikaxuaweniki.

29 Mipai kaniutayini Muitsexi:

—Kepauka nemayeyani 'iki kiekaritsie, Yawé nenewieri nepipitiani, 'anari kayuwati tīranari kanitamarimiki meta tee wiyerimati, mipai pepiretimani kename kwie Yawé tipiinieya.

30 Matsi 'akuxi ne mipai nepitimate, 'ekiri meta te'uximayatamete, xepika'imakaxe Yawé Kakaiyari 'akuxi.

³¹ Rinu 'iteiriyari meta tsewara naiti putit-sanixi, 'ariri tsewara pitihariximekai, meta rinu 'iteiriyari puxutukairi.

³² Peru tiriku xeikia pikaheuyewe, meta 'et-siperita tiriku hepai mi'anene, miki pikamexia 'arike putixuxuawere.

³³ Merikite Muitsexi 'anuyeyaka Parahuni mitiwa'aitatsie, nenewieri Yawé kaniupitiani, 'anari kwitiwa kaneunuani tiranari meta tee wiyerimati, kwiepa naitsarie.

³⁴ Kepauka munierixi Parahuni kawiyekakuri tee meta tiranari meta merikariya kayuwati putamarixi. Miki yaxeikiata waikawa tiyurieneti patia, meta te'i'uximayatsiriwamete mepika'uyuwari hepaina yu'iyaritsie.

³⁵ Yaxeikia puyi Yawé Muitsexi kemirehiawekai, ti'aitame Parahuni yu'iyaritsie pitse'ikai pikawarupitia 'ixaheritsixi memayekineki.

10

'Utsikari kememite'utixuawerixi

¹ Hiki Yawé Muitsexi mipai katiniutahiawe: «Kenemie Parahuni ketinetaxatia, netsi nepitiuyuri kayuwariyame nemayeitia meta te'i'uximayatsiriwamete wa'iyari nemutseiriyaxia, yanemitiyurieniki wahixie 'iniari mamariwawemeki.

² 'Ayumieme nepitiuyuri para pemitwataxatianiki, 'aniwema 'ateukarima 'ekipitutari kenemitiwarukwinitia, 'iniari kenemitiuwewi wahetsia. 'Ana mipai mepitehetimani kename ne Yawé nehiki».

3 Muiṭsexi 'Aruni hamatia Parahuni hixie mekaniti'uni mipai mekatenitahiawe: «Yawé mipai kanaineni, hepīrayutsixi wakakaiyari: “¿Kepaukake pepikatunumakeni nehetia? Keniwarupitia memayekineki neteiterima, para meminetsi'ayexeinyani.

4 Xika pekawarupitiani memiyehuki, 'uxa'a kwitiwa 'utsikari mepitixuawere naitserie 'akwietsie.

5 Yuwaikawati mepitixuawere kwie pikayuhekiaka, mepitekuxixiani 'etsiwa mutiyuhayewaxi tee 'uxiriekū, tinaime mepitekakime kiexite.

6 'Akiita mekanitahinikuni, te'uximayatamete wahetsia meta yaxeikia 'ekipitutari yunaime wakiita. Waikawa pitiyini kememikatenieriwawekai xepaapama kepauka kiekari memukamatsie hiki 'ena matimietsie 'akuxi”».

Mipai 'utayika Muiṭsexi ta'aurie kanaweni, kaniwayeyani Parahuni mitiwa'aitatsie.

7 Merikitsi Parahuni mitiwa'aitiakai mipai mekatenitahiawe:

—¿Kepaukake 'iki pitihayewa tawiniyari hikiti? Keniwarupitia memeuhuniki teiterimama, para memeyexeinyani Yawé yukakaiyari. 'Eki xiari 'atsipepikatimate mepite'uka'eniwa 'ekipitutari.

8 Parahuni katiniwarutani'airieni, Muiṭsexi 'Aruni mame, mipai katiniwarutahiawe:

—Xekenehu Yawé nenewieri xekenepitiayu yukakaiyari. Kemi'ane xemiyehu yaxekeneteneutahiawi.

9 Muiṭsexi mipai kaniutayini:

—Teyunaiti tekaniyehuni, temari meta 'ukirawetsixi tahetsiamiemete yaxeikiata mepitatsi'anuweiya 'ukitsi 'ukari taniwema, tatewamata muxatsi meta wakaitsixi, 'ixiararitsi tekanewewikuni Yawé hetsiemieme.

¹⁰ Parahuni mipai kaniutayini:

—Yawé xehamatia keheyeikani, xika nexe'upitiani xemiyehuki xe'itama yunaime meta xeniwema. Puyuhokia heitseriemeki xepika'utiyuane.

¹¹ Kemitixenake mipai pikatiyini. Xika xeniu Yawé xehetahawikuni 'ukitsi xeikia xekenehu.

Muitsexi 'Aruni hamatia mekaniwayexiriyani Parahuni mitiwa'aitatsie.

¹² Merikite Yawé mipai Muitsexi katini-utahawe: «'Amamá keneutatsera naitsarie 'Ekipitu, memi'axianiki 'utsikari naitsarie kwiepa mitixuawe memitekakimeki meta naime tee wiyeriyari mitiuhayewaxi».

¹³ Muitsexi yu'itsi kaniutatsera 'Ekipitu kwieyaritsie naime, Yawé mipai katiniuyurieni miki tukaritsie kaniu'ekakaitini meta tikariki, miki 'eka tau manatineikatsie patineikakai. Hutarieka mukatarixitsie 'eka kaniwa'atiani 'utsikari,

¹⁴ naitsarie mekaniutixuawere miki kwieyaritsie. Mekaniyumirekaitini hatsuaku mikareyuwekai hepai, tawari mipai pikatiyini.

¹⁵ Mepiyumirekai tekimemete, kwiepa pika'akuhekiakai miki tinaima mekate-niukuxixiani, 'iteirite meta 'ikwaxite naime muhayewakai tee wiyeriyari, naitsarie 'Ekipitutsie tupiriyate tixai mepikate'uhayewaxi.

¹⁶ Parahuni yumexiitiatu pitiwarutani'airi Muitsexi 'Aruni mame, mipai katiniwarutahawe:

«'Axanepitiuyuri Yawé mixelakaiyari hetsia, yaxeikiata xehetsia.

¹⁷ Ne nepixewawirie xemineteheuyehiwiriekaki ke'axanemitiuyuri tawarita, meta Yawé yukakaiyari xekenetawawiri tsikere ne nekie makumaweniki 'etsiwa».

¹⁸ Hiki kepauka miwayetia Muitsexi Parahuni hixie, Yawé putawawiri Parahuni hetsiemieme.

¹⁹ Hiki Yawé 'eka kaniupata, meta karima puku'ekaxi tau makayuyupiketsie 'atineka piwareuta'enitsitia 'utsikari, Haramara Mixeta hetsie piwareutaxiri. Hiki naitsarie 'Ekipitu kwieyaritsie mepukumawerixi 'utsikari.

²⁰ Peru yaxeikia Yawé Parahuni 'iyarieya put-seiriyaxi, pikawarupitia memayekineki 'ixaheritsixi teiteriyari.

Yiriya 'uximatiarikayari

²¹ Yawé Muitsexi mipai katiniutahiawe: «'Aheima keneme'i muyuawitsie, naitsarie mikiyireki waikawa yemeki yumayiiniati».

²² Muitsexi yumamateki teiki kanemeni muyuawitsie, 'ana haika tukari kaniukuyire kwinimieme 'Ekipitu kwieyaritsie.

²³ Miki tukaritsie 'ekipitutari mepikayuxeiyakai, hawaiki meuyani pikayiwekai. Matsi 'ixaheritsixi wakiita hekariya puxuawekai.

²⁴ Hiki Parahuni Muitsexi katiniutani'airieni, mipai katinitahiawe:

—Xekeneuhuni Yawé xekenayexeiyani. Yuniwema xekeniwarawititi, muxatsi meta wakaitsixi xekeniwaruku'eirieka.

²⁵ Muitsexi mipai katinitahiawe:

—Kamitsi 'eki mawari temewewieniki petatietuirieni, Yawé takakaiyari mawari temewewirieniki,

²⁶ matsi tatewama tahamatia mekaniyehuni. Hawaiki xeikarutsayaritima pikayuhayewa. Tame mawari temewewieniki Yawé takakaiyari hetsiemieme peuyewetse tatewama wahetsie temiwaranayehapani, peru 'atsitepikatemate kemi'ane temiwayurieni muwapaikke teheta'axiame.

²⁷ Perutsi Yawé yaxeikia pitiuyuri Parahuni 'iyarieyatsie, miki pikawarupitia memiyehuki,

²⁸ matsi karima Muitsexi mipai pitiuhiwi:

—Kenanuyeye'a. 'Amarima 'aixia tawarita 'uwa pepikahamieni nehetsia peye'anike. Kepauka tawarita nehetsia pemiye'ani pekanimieriemiki.

²⁹ Muitsexi mipai katinita'eiya:

—'Aixia pekanaineni. Hatsuakuri 'ahetsia nepikahayeneni.

11

T#ri mexiakate wakwiniya

¹ Merikitsi Yawé Muitsexi mipai katiniutahiawe: «Tawarita nepenuni'airieni kwiniya Parahuni, yax-eikiata 'ekipitutari wahetsiemieme, mipai tiyiyu pixepitiani xemiyehuki. Kepauka mipai mitiyini, pixe'anuyeweiya yuheyemeki.

² Mipai ketiniwaretahiawi 'ateiterima yunaima, miki 'ukitsi meta 'ukari meketewaretawawirieni, xe'aurie memekutetika huru meta pirata».

³ Yawé yakatiniuyurieni 'ekipitutari 'ixaheritsixi 'aixia memitewaxeyaki, Muitsexi matsi naitserie 'aixia pitimatiwakai,

Parahuni te'uximayatametemama meta 'aixia mepite'ixeiyakai.

⁴ Muitsexi mipai katiniwarutahiawe: «Yawé mipai kanaineni: “Tikari hixiapa 'Ekipitu naime nepayekexiya,

⁵ yunaiti tiri mexiakate 'ekipituri mekanikwikuni: Parahuni matiarieya hiki 'uwenitsie mayerini hetsie metsutiti murinatsie ti'uximayatame nu'ayatsie paiti me'u'ati, yaxeikiata watewama mexiakate memutinunuiwaxi.

⁶ Naitsarie 'Ekipitu kwieyaritsie hiwerika putix-uawere, kemikatiyiwakai pitiyini.

⁷ Peru 'ixaheritsixi wahetsia tsiki pikahetaha'ani. Mexiakate teiteri meta watewama tima mepikatekwini. 'Anari mipai xepitehetimani Yawé yikimeteyuxexeiyame piwarayeitiani 'ixaheritsixi 'ekipituri wahamatia.

⁸ Yunaiti miki 'ahetsia te'uximayatamete mekanenanukuwaukuni, metitunuma'uti mipai mepinetetatsuariwiya: “Ari keneumieni, yunaime pewarawititi keyupaimeti mematsi'aweiya.’ Kepauka mipai mitiyini ne nekaniyemieni”».

Hiki Mutsexi waikawa ha'ati kaniwayeyani Parahuni mitiwa'aitatsie, mipai 'utaiti.

⁹ Yawé Muitsexi mipai katiniutahiawekaitini kename Parahuni kahenu'enienikekai, meta kename mipai matsi reuyewekai, Yawé mariweme mitiyurieniki 'Ekipitu waikawamexia.

¹⁰ Muitsexi 'Aruni matia 'iniari 'iki mimamariwawe mepuwewi Parahuni hixie, peru

Yawé 'iyarieya putseiriyaxi, miki kwieyaritsie memayekine 'ixaheritsixi pikawarupitia.

12

Patsikwa 'ikwaiyari

(Mem 12:14-20 - Maw 23:4-8, 'Inia 28:16-25, Hut 16:1-8)

¹ Merikitsi 'Ekipitu kwieyatrissie Yawé katini-warutaxatiani Muitsexi 'Aruni mame. Mipai katiniiwarutahiawe:

² «'iki metseriyari xehetsiemieme mauyewetse yemeki pihikitini, 'iki mexiakame metseriyaritsie xeiwiwari 'aye'axekaku.

³ Yunaima 'ixaheritsixi wahamatia xeketenetixata, mipai xeketeniwaretahiawi 'iki metseriyaritsie tamamata tukariyaritsie yunaiti xeinuiwari memukutetikatsie yuxexuime muxatsi mepiwakwini.

⁴ Xika xeme hipati xekayumiireni xeime muxa xemitaxiniki xekayiwaweniri, piyiwani matsi miwarumini 'ahurawa kiekatari yu'iwama, me'itaxiweme teiteri kememiyupaimeni yuxexuiti mekeheitatuixiani me'itixiwaweme.

⁵ Tewaxi xeiwiwari mepexeyatikani, tsepa muxa ya tsipu 'aixia 'anekame.

⁶ Miki mepiwa'iwiyani, tamamata heimana nauka tukari 'iki metseriyaritsie, miki tukaritsie mepiwatimawa 'ixaheritsixi taikai kuyireyu.

⁷ Meta xuriya xepikwewieni yapapaimeme, xemitiwirieniki kitenie kiyeyaritsie meta manuyekatsie, kiita hakewa muxa xemetakwani.

8 Miki tikaritsie kwitiwa xepitikwani wai warikarietikaime, tupiriya matsiwi meta paa mikakuxanariyarietika matia.

9 Hawaiki yuime xepikakwaka meta 'etsariekame, matsi pita warikariekame titsie, mu'uya naime 'ikateya mamateya meta kwinuriteya naime.

10 Tixaiti xepikatekuhayekawani. Xika xe'itategieni, 'uxa'arieka xekanitataiyakuni.

11 Miki muxa mipai xekatenikwaikuni: yukamixa xehanakatitikaiti hixiapa xehayihiatikaiti, yukakaitsie xe'u'uti, 'itsi xe'u'iti meta mexiima xekanitakwaikuni. 'Iki Patsikwa Yawé hetsiemieme kanixatsiwani.

12 »Miki tikariyaritsie 'Ekipitu kwieyaritsie nekaniye'amiki, yunaime tiri mexiakate nekaniwakwimiki, yaxeikiata tewaxi meta nekaniwaranutaxirimiki kaka'yarixi 'Ekipitu miemete, ne Yawé nekanihikitini.

13 Xuriya kani'iniairitikamiki kemi'ane kiita xemayetetikani, kepauka nemixeiya 'ateewa nepuyeyani. Hiki kepauka nemiwakwini 'ekipitutari, nixewiti kwiniya xehetsie pikaye'ani mitiyumemiwa.

14 »'Iki tukari 'aitsikayariki xekena'eriwani yuheymeki: 'Iki 'ixiarari kanihikitini Yawé hetsiemieme, 'uxa'atiniwarie xeniwema mipai meketeyurieka.

15 'Atahuta tukari paa mikakuxanariyarie xekanikwakakuni, xeme mexiakame tukaritsie tikuxanariyame yukiita xekaniwayewiwikuni. Kemi'ane mitikwani heiwa miki 'atahuta tukaritsie miki 'ixaheritsixi watsata kananuyehiyamiki.

16 Mexiakame tukaritsie 'ixiarari patsiekameki xepuyukuxeirieni, meta tawari 'atahuta tukaritsie. Miki tukaritsie tixaitikitima xepikate'uximayaka, xeikia piyiweni yu'ikwai mitiukawewieni yuxexuiti ketipaimeme xemitekwa'a. Miki xeikia xemitewewieka piyiweni.

17 »Paa mikakuxanariyarietika 'ixiarariyari xekaniwewiekuni, miki tukaritsie nemixe'ayewitiki 'Ekipitu yaxeyu-papaimeme. 'Iniari niukiyari mipai paineni, 'uxa'atiniwarie xeniwema mipai mepiteyurieka mepetinenetiwani miki tukaritsie.

18 Paa mepitikwani mikakuxanariyarietika tamamata heimana nauka tukariyaritsie mexiakame metseriyaritsie taikai me'itsutiamе xetewiyari heimana xewi taikaiyaritsie 'utiniereme, miki metseritsie.

19 'Atahuta tukari xepikaheixeyani tikuxanariyame yukie. Kemi'ane tikuxanariyameki mitiukwani, tsepa 'ateewapai kiekame yatini 'ixaheri tewiyari mihiki, miki 'ixaheritsixi wahamatia pikayuhayewani.

20 Tixaiti tima xepikatekwaka tikuxanariyame mitini'i. Tsepa hakewa xeme'uwani, xepeitikwani paa kakuxanariyariiekame».

21 Hiki Muiťsexi kaniwaruta'inieni yunaime 'ixaheritsixi wa'ukiyarima mipai katiniwarutahiawe: «Yapauka yukuraruta xekenehu muxatsi xekeniwaranuyehapani yutiiriyama wahetsiemieme, xekeniwarukuya Patsikwa 'ixiarariyari xemiwewieniki.

22 Xeimanukuyariki tupiriya xekeneuti-

hawiyaka muxa xuriyayaki yukii kitenieyaritsie matiwetikatsie xekeneutiwiri meta manuyekatsie, 'ana xewiti pikaawayeyeikani 'uxa'ariekake ximeri.

²³ Kepauka Yawé, mana muyeyani kiekaritsie miwakwiniki 'ekipitutari. Miki pixeiya kitenie xuriyaki ra'utikaime 'ana yateewa puyeyani, 'ana pika'ipitiani yuni'ari mitiyumemiwa, muwa pikaheutahani mixekwiniki.

²⁴ »Yaxeketenekakini 'iki kenemitixekihawe. 'Iki 'iniari niukiyari yuheyemeki pihikitini xehetsiemieme meta xeniwema wahetsiemieme.

²⁵ Kepauka kwiepa xemeta'axiani kwie Yawé mixexatiatsie, xeme mipai xepitehekahuni 'iki yeiyaritsie.

²⁶ Kepauka memixeku'iwwawiyani xeniwema: “¿Ketita ti'iniariyari xeme xehetsiemieme 'iki yeiyari?”,

²⁷ mipai xepitewata'eiya: “'Iki mawari Patsikwa 'ixiarariyari Yawé hetsiemieme pihiki, kepauka 'Ekipitu 'ixaheritsixi wakii 'aurie puyetia yateewa. Piwarukwi miki 'ekipitutari, peru tame taniwema piwarutawikweitsitia”».

Mipai mete'u'enanaka 'ixaheritsixi Yawé hixie mekaniukahixima'uni,

²⁸ hiki yamekatenikakine Yawé Muitsexi meta 'Aruni kemitiwarahawekai.

Mexiakate tiiri kememite'ukwi 'Ekipitu

²⁹ Hiki tikari hixiapa Yawé kaniwarukwini yunaimetiiri mexiakate mana kiekatari, yunaiti yaxeikia katiniwaruyurieni meta Parahuni nu'aya meta pirtsutsixi waniwema mexiakate, meta tewaxi waniwema mexiakate.

³⁰ Yunaiti 'Ekipitu kiekatari mepanuku'ui miki tikaritsie, yaxeikia Parahuni meta te'i'uximayatsiriwamete, waikawa putixuawerixi hiwerika miki kiekaritsie. Hawaiki pikahekumawekai 'ekipitutari wakiita naitsarie mepuxuawekai mekwikwi'iti.

³¹ Hiki miki tikaritsie kwitiwa Parahuni pitiwarutani'airi Muiťsexi 'Aruni mame, mipai pitiwarutahiawixi: «Xekeneuhuni 'ateewapai. Xekenayekini nekiekaritsie xeme meta 'ixaheritsixi. Yawé xekenayexeiyani, xeminetekihawe hepai.

³² Xeketeniwara'arieti yumuxatsi meta yuwakaitsixi xemutiyuane hepai, peru 'ariri xeiya xekeneuhuni, xika mipai xe'uyini ne 'aixia nekani'itiiariemiki».

³³ 'Ekipitutari, mepiwamexiitiakai 'ixaheritsixi miki kwieyaritsie memayekineki. Mipai meputiyuanekai: «Xika mekahekine tame tekanikwikuni».

³⁴ Hiki 'ixaheritsixi, mepikuha'aritia yutixi 'akuxi kakuxanariyariekame, me'iti'eimaka yu'ixurikiteki, mekaneitini.

³⁵ Meta, 'ekipitutari mepite'utawawiyarie Muiťsexi kemitiwaruta'aitiakai 'ixaheritsixi, huruki meta pirataki mitiwewiyatika meta 'ixurikite 'aixia miti'anene mekateniwarutawawirieni.

³⁶ Yawé 'ekipitutari yapitiwaru'iyaritia 'ixaheritsixi memiwatinenimayataki, miki mepitewarumi ketita memite'utawau. Mipai 'ixaheritsixi 'ekipitutari mepitewarunawairi tinaime.

Kememite'ayeki

37 'Ixaheritsixi Xamitsexi mekanayekine, Tsukuti hepa mekanekine. Meka'iniariti 'ukari meta tiiri, 'ataxewi tsienituyari miriyari (600.000) mekaniyupaimekaitini 'ukitsi yi'ikama memuhukai.

38 Miki meta wahamatia mekanayekine yuwaikawati hipati teiteri meta yumireti tewaxi, muxatsi meta wakaitsixi.

39 'Ekipitu tixi memeiyetikai mikiki paa mikakuxanariyarietika mekaniutiwewieni, miki tixi 'akuxi pikatsinakai. Memayeweiyarieki 'Ekipitu, 'ayumieme tukari mepikahehi, yu'ikwai memekawewieniki.

40 'Ixaheritsixi teiteriyari 'Ekipitu mepititekai, nauka tsienituyari heimana xetewiyari heimana tamamata wiyari.

41 Merikite mipai paimeti wiyari 'aye'aku Yawé kaniwarayewitini yuteiterima 'Ekipitu.

42 Miki tikaritsie Yawé pikakutsukai 'ixaheritsixi wa'iwiyati 'Ekipitu miwarayewitiniki. 'Ayumieme xemeta nuiwarite xepikakutsuni temanutihut-sie mipai xeketeneyurieka, miki tikariyaritsie xehe'eriwati meripaiti kemitiuyuri Yawé xehet-siemieme.

Kemitikuyine Patsikwa hetsiemieme

43 Yawé mipai katiniwarutahiawe Muietsexi 'Aruni mame: «Mipai xekatenikakinikuni Patsikwa 'ixiarariyari hetsiemieme:

»Nixewiti teewatanaka mana pikatikwaka.

44 »Mana memitekwa mekaniyiwaweni te'a'uximayatsiriwamete 'atuminiki pemwarutinanai, peru xika xitekiya 'iniariyari pewaruwewirieni meripaiti.

⁴⁵ »Nixewiti ti'uximayatame mitikwaka pikayiwe yapaimexia mana muta'axe, meta ti'uximayatame tumini mi'iwane.

⁴⁶ »Patsikwa 'ixiarariyari kiita kanikwaiwani, meta pikayiwe takwa wai 'etsipeme miwayetuni. Yaxeikiata nixeime 'ume xepika'anumurani xemi-mawa 'umeyari.

⁴⁷ »Yunaiti 'ixaheritsixi peuyewetse memiwewieni Patsikwa 'ixiarariyari.

⁴⁸ »Yunaiti teewanarixi xehamatia memutetika xika xewiti Patsikwa 'ixiarariyari heuwewimikini Yawé hetsiemieme, kaniyiweni meri yuniwema xitekiya 'iniariyari miwawewirieni yunaime 'ukitsi, 'anake piyiweni Patsikwa 'ixiarariyaritsie mitiukwani xekwieyaritsie munuiwakametini hepai.

»Xika ka'iniaritariieka xitekiyaki pikayiwe mitikwaka.

⁴⁹ »'Iki 'iniari niukiyari 'ena nuiwakate piwahetsiemietini meta teewanarixi xehamatia memititei».

⁵⁰ Yunaiti 'ixaheritsixi yamepitekaki Yawé Mui-sexi 'Aruni mame kemitiwarahiawekai.

⁵¹ Kwitiwa miki tukaritsie Yawé piwarayewiti 'ixaheritsixi 'Ekipitu kwieyaritsie, meyumireme.

13

'Ixaheritsixi kememite'uyuri yuniwema mexiakate waheki

¹ Merikitsi Yawé Mui-sexi mipai katiniutahiawe:

² »Mepatsiekame keniwarayeitia matiari memutinunuiwaxi. Nehetsia mekanimietetini yunaiti mexiakate 'ixaheritsixi meta xetewama matiari 'ukitsi memitinunuiwa».

³ Muitsexi mipai katiniwarutahiawe yunaimé 'ixaheritsixi: «Xekena'eriwani 'iki tukari kepauka xemayeki 'Ekipitu, hakewa xemitehe'uximayakai xekatehepitiarieti meta hakewa Yawé mixehayewiti yutirikariyaki yatiyurieneti. Paa xepikakwaka kuxanariyariekame.

⁴ Xeme hiki xekanayekinikuni, 'iki weiya* met-seriyaritsie.

⁵ Miki metseriyaritsie meta xekaneiwewikuni 'ixiarari, kepauka Yawé mixeheta'atiani kwie xe'ukiyarima miwaruxatiatsie kename wayetuirieni. Kanixatsiwani kananeutsixi wakwietsie, meta hetitsixi, 'amuxeutsixi, heweutsixi meta kewutseutsixi: kwiepa hakewa retsi waikawa meta xiete maxuawe.

⁶ 'Atahuta tukari xekanitikwaikuni paa kakuxanariyarietikaime, 'atahutariekatsie tukari 'ixiarari Yawé hetsiemieme xepiwewieni.

⁷ Xemanu'uwa pitiumaweni tixaiti tikuxanariyame tiniti. Hawaiki yemeki tikuxanariyame xepikahexeyani. Xekanitikwaikuni paa kakuxaxanime miki 'atahuta tukari.

⁸ »Miki tukaritsie yuniwema mipai xepitewatahiawe: “Iki miya temiteyurie Yawé hetsiemieme tekateniyurieka, kemitiuyuri tahetsiemieme 'Ekipitu kepauka temayekitsie”.

⁹ 'Iki pi'iniaritini xehetsiemieme xemamatsie ya xekanata pixehaye'eritiwani kename, Yawé niukieya xeteta payekani miki 'Ekipitu mixe'ayewiti, waikawa yutirikariyaki tiyurieneti.

¹⁰ Xeiwiyari 'anuyeyeikakaku, miki tukaritsie 'iki 'iniari niukiyari xepaye'atiwani.

* 13:4 13:4 Hepirayuki 'Awiwi panuyine.

11 »Kepauka Yawé mixeheutahatiani kananeutsixi wakwietsie meta xika 'ari xeyetuirieni, kemitixe'utahiawixi xeme meta xe'ukiyarima,

12 xekaniyetuiriekuni yunaime mexiakate meta tewaxi waniwema matiari miemete 'ukitsi, mikitsi Yawé hetsiemieme mekanihikiti.

13 Puxu niweya mexiakame mitawik-weitsitiani piyiwe xeime muxaki, xikate ka'utawikweitsitarieni, yukiipitia piwamurarieni. Xemeta yaxeikia yunaiti yuniwema mexiakate meta yunuiwarima xemiwatawikweitsitiani peuyewetse.

14 »'Uxa'atini warie, kepauka memixeteta'iwawiya xeniwema: “¿Ikita tita ti'iniariyari?”, mipai xepitewatahiawe: “Yawé waikawa mariweme tiyurieneti pitatsi'ayewiti 'Ekipitu kwieyaritsie hakewa wairiyarika temitehe'aitariekai.

15 Kepauka Parahuni ti'aitame mikatatsihepitia temayekineki, Yawé tiri mexiakate piwarekwi yunaime 'ekipitutari, yaxeikiata watewama mexiakate. 'Ayumieme Yawé tatewama mexiakate 'ukitsi tepitimawiriwa, mipai taniwema mexiakate tepitewarutawikweitsitiwa”.

16 Miki pi'iniaritini xemamatsie yatini xekanata, Yawé mixe'ayewiti 'Ekipitu yutirikariyaki tiyurieneti».

Kememite'anuki Haramara Mixetatsie

17 Kepauka Parahuni miwarupitia memiyehuki 'ixaheritsixi, Kakaiyari pikawarewiti piritsiteut-sixi wakwietsie, mana matsi pehurakai, mipai pitu'eri: «Xika mehetakwi'iwa mepetimamani

mepeyuti'iyaritiani 'Ekipitu mepakunuaxiani yu'utima».

¹⁸ 'Ayumieme piwarewiti makumawetsie 'atee-wapai watatunitsitiani, mekanekine Haramara Mixeta hepatsie.

'Ixaheritsixi mekanayekine 'Ekipitu memeuyukwiyuni hepai meteheuku'uti.

¹⁹ Muitsexi Kutse 'umeyariteya kane'ini, kemitiwaruhiritiakai 'ixaheritsixi teiteriyari. Kutse mipai kaniutayikaitini: «Mipai xeketenemaika Kakaiyari kanayenemiki xeparewienike. Kepauka mipai mitiyini, ne'umete xekenanu'ii».

²⁰ 'Ixaheritsixi mekanayekine Tsukuti mirakutewatsie, 'Etami mekanu'axiani, makumawe miyetsutitsie.

²¹ Tukariki, Yawé kaniumiekatini wahixie haiwitirititi, 'a'uwetí waxeitsitiati huye kemireuyune, yiwikitata piwahekiariwiyakai tai 'a'uwetí panuyekatei xawatiti. 'Ayumieme mepiyiwawekai memuhuniki tukariki meta tikariki.

²² Hatsuaku pikatiuhayewaxi hai 'amuyekatei teiteri waruwitiximeti tukariki meta tai 'amuwekai yiwikita waruwitiximeti.

14

¹ Yawé Muitsexi mipai katiniutahiawe:

² «'Ixaheritsixi mipai ketiniwarutahiawi meke'ukunuaxiani Pi-'Akiruti hixie mekekuyaxe, Mikiruri meta haramara wahixiapa. Haramara tetsita mekekuyaxe, Wahari-Tsepuni hixie.

3 Parahuni mipai piti'erieni: “Ixaheritsixi mekaneuyexirieni miki kwieyaritsie. Makumawe kaniwakunaka”.

4 Ne, nepipitiani 'iyarieya tse'ime Parahuni, mixe'anukuweiyaki. Peru ne mariweme nepaneyeitiani Parahuni hixie meta kuyaximama wahixie. 'Ana 'ekipititari mipai mepitehetimani kename ne Yawé nehiki».

Hiki mipai mekaniuyini 'ixaheritsixi.

5 Kepauka 'Ekipitu ti'aitame miretima, kename teiteri mehekinekai, hiki miki meta te'i'uximayatametemama mepuyupataxi, mipai meputiyua 'ixaheritsixi wahetsiemime: «Neuxei ketete'uyuri. ¿Titayari tetewarupitia 'ixaheritsixi memiyehuki meta yu'uximayatsika memuku'eirieniki?»

6 Merikite 'ana kwitiwa Parahuni katiniuta'aita kaxetaya mukuha'aritsieniki meta kuyaximama memuyukuha'aritaniki,

7 kaniwaruta'inieni 'ataxewime tsienituyari kaxetate 'aixia mi'anene, meta hipame kaxetate 'Ekipitu mieme, xexuiti kaxetatetsie kuyaxi mekanati'utikateitini.

8 Yawé Parahuni 'iyarieya kaniutseiriya 'Ekipitu ti'aitame, para 'ixaheritsixi miwaranukuweiyaki, miki mekaniuhukaitini mete'ayu'iwake meyu'erieti.

9 Yunaiti Parahuni kuyaximama mekani-waranukuweiya, kawayutsixi wahetsie me'uteti, kaxetate kuyaxa miemete mewaruhapati, hiki 'ixaheritsixi mekaniwaranuku'axe haramara tetsita paiti mekaniwarutaxeiya, hehurakaku Pi-'Akiruti meta Wahari-Tsepuni hixie.

10 Parahuni kanaye'aximekaitini. Kepauka 'ixaheritsixi memiyu'iwiya xi 'ekipitutari mepiwaruxei 'ari hura me'ahukame, hiki waikawa mekaniutimamani, Yawé mekaniutahiawe.

11 Hiki mipai Muitsexi mekateniutatieni:

—Kamitsi karexiawekai 'Ekipitu kwie temekateukieniki, ¿titayari petareyewiti 'enapaiti makumawetsie temikwiniki? ¿Kehapaititi pepitatsiyuriene?

12 Yatepaitikatei 'Ekipitu paiti: “Ketaneuhayewa. Pitatsinake 'ekipitutari temitewa'uximayatsirieka”. Matsi 'aixia pi'ane kai temiteware'uximayatsiriekaki, 'ena temikakwiniki makumawetsie.

13 Muitsexi mipai kaniutayini:

—Xepikaheumamaka. Xeme kayuwati xeketeneteni, hiki kwitiwa xemunierixi xepihikitini, Yawé wikweitsitiarika kemirexeiya xehetsiemieme. Hiki miki 'ekipitutari xemiwaxeiya hatsuakuri tawarita xepikawaxeiya.

14 Xeme kayuwati xekeneumaka, Yawé pita puyutamieni xehetsiemieme.

15 Peru Yawé mipai Muitsexi katiniutahiawe: «¿Ketitayari ne penerahiawe? 'Ixaheritsixi mipai ketiniwarutahiawi memayekineki.

16 'Ekita 'a'itsi keneutatsera haramara heima, haa kananutayepierimiki mana memukineki 'ixaheritsixi 'ayewakikaku.

17 Ne 'ekipitutari wa'iyari nepitseiriya para memixe'anukuweiyaki. Ne mariweme

nepitiyurieni. Parahuni kuyaximama, kaxetate meta teiterimama memutei nepiwareuyehiani.

¹⁸ Kepauka mipai nemitiyurieni, 'ana 'ekipitutari mipai mepitehetimani kename ne Yawé nehiki».

¹⁹ Hiki niuki tuayame Kakaiyari hetsia mieme 'ixaheritsixi wahixie mumiekai, ta'aurie kanaweni wa'utima pita kaniyuhayewa. Yaxeikiata kaniuyini hai 'amuwekai wa'utima pita kaniutakeni,

²⁰ 'ekipitutari wahixie tai puke 'ixaheritsixi wahekiariwiyati. Miki tikaritsie miki hai hipame wahetsiemieme piyiriyatikai hipame wahetsiemiemeta pihekiariyatikai, 'ayumieme mipai ti'aneaku mepikayiwawekai memuyuxeianiki.

²¹ Hiki Muiťsexi yu'itsi kaneutatsera haramara heima, Yawé 'eka kaneyeni'ani miki tikariki tau manatineika mieme karima kaniu'ekakaitini 'anari haramara kananutayepiere, ya'atayeuti heutaneti kanayewani, kwie wakiti kanahekiare. Haa haramara kananutayepiere,

²² 'ixaheritsixi mana mekaniukine kwie wakimetsie me'uhuti. Haramara kaniti'ukaitini 'ixumeri hepai watserieta meta wa'utata.

²³ Hiki 'ekipitutari mekaniwaranukuweiya. Yunaiti memutekai kawayutsixi wahetsie meta kaxetatetsie, yunaiti Parahuni hetsiamiemete mekanekineti wa'utima.

²⁴ Merikite kepauka mikahekiaririmekairi, Yawé kaniwaruxeiya kuyaxi 'ekipitutari, tai haikiriyaritsie paiti meta haiwitrirtsie paiti, hiki 'ana miki 'axapiwaruyuri:

25 mipai katiniuyurieni, wakaxetate pukahapawakai mipai tiuyurieku 'uxi mepiyiakai mepika'ayekiniwawekai. Hiki 'ayumieme mipai 'ekipitutari mekatenuitihiwatikine: «Tepiwahayewa 'ixaheritsixi, Yawé puyumiene wahetsiemieme, pitatsikwine».

26 Hiki Yawé mipai Muitsexi katiniutahiawe: «'Amamá keneutatsera haramara heima, para haa miwareuyehianiki 'ekipitutari meta wakaxetate metatsierie teiteri memutei».

27 Merikite Muitsexi yu'itsi kaneutatsera haa heima, 'ari kataririmekaku, hiki haramara 'aixia kaniuyini matiari hepai. 'Ekipitutari me'uyuta'unaku yu'utima haa puwaranukunakixi, mipai Yawé pitwareuyehia haramara tetiata.

28 Haramara heitserie 'anuyemareku, kaniwarukayunitiani kaxetate meta teiteri memutei Parahuni hetsia miemete, meta yunaiti kemi'ane 'ixaheritsixi memiwaranukuweiyakai. Miki nixewiti pika'utawikwei.

29 Peru 'ixaheritsixi teiteriyari mekananukine kwie wakimetsie haramaratsietiti, miki wahetsiemieme haa 'ixumeriyari kanihikitikaitini watserieta meta wa'utata.

30 Miki tukaritsie Yawé mipai katiniwaruwikweitsitiani 'ixaheritsixi 'ekipitutari mewakwikukaku. 'Ixaheritsixi 'ekipitutari wakaxarite mekaniuxeiya haramara tetsitapaiti metiheikame.

31 Miya mete'uneniereka 'ixaheritsixi, yutirikariyaki kemitiuyuri 'ekipitutari wahetsie, miki mekaniutimamani Yawé yuri

mekateniuta'eririeni, yaxeikiata Muitsexi
'iparewiwameya.

15

Muitsexi kemitanawaxi

¹ Hiki Muitsexi meta 'ixaheritsixi xeime kwikari
mekaniutakwika Yawé hetsiemieme, mipai
kananuyineni:

Yawé nepitaniawa, mariwemekí mirayu'iwxiki
hamaratsie piwareukaxiri kawayutsixi
meta teiteri memutekai.

² Yawé pinetirikariya meta pinekwikari,
miki pinetsiwikweitsitiwame.

Miki pinekakaiyari, nepiniawani,
miki nepaapa Kakaiyarieya pihiki, 'ayumieme
'aixia nepaineni hetsiena mieme.

³ Yawé kuya meuyutamiewe kanihikitini,
Yawé katinitewaka.

⁴ Yawé hamaratsie kaniwareukaxirieni,
Parahuni kaxetatemama meta kuyaximama.
Te'uximayatamete 'ekipitutari 'aixia memitekahu
paratsiyuta
mekaniukayunixiani Haramara Mixeta het-
sie.

⁵ Haramara 'amatiyewatsie mekaniukayunixiani,
meukatewatsiepaiti tetexi hepai meka-
niukayunixiani.

⁶ Yawé, 'atirikariya pepuhekiataxi mariwemekí,
Yawé, memitatsi'aye'uniekai
pepiwarutitsanaxia.

⁷ Mariwemekí pepitiuyuri
pepiwaruka'unaxi 'aneneikixiwima,
waikawameki pepuyeha'a,

xatsi hepai xeikia mepite'utai.

⁸ Xei 'iiyayariki pepitiuyuri,
 haa manutayepiereki,
 hamewari kayuwati pitu'ui 'ixumeri hepai
 pitiyuxexeiyakai,
 haa pikakuyuatikatei tetiata paiti.

⁹ Taneikixiwima mipai meputiyuanekai:

«Hikimi tepiwaruweiyani,
 nepiwaranuku'axe.
 Tinaime tepitewarenawairieni wapiini,
 waikawa temitehexeyaniki.
 Ta'ixipara tepiwatihapaxiani
 tamamaki piwarekwini».

¹⁰ Peru 'eki xeimieme pewaruhitsieku haramara
 piwareukakwai,
 mepukayunixia tepia mahete hepai.

¹¹ Yawé, xewiti pumawe kakaiyarixi watsata
 'ahapai 'aneti.
 Xewiti pumawe 'ahapai timariweti meta
 'ahapai tipatsieti.

'Eki, mariweme pemitiyuriwe,
 'eki yemeki pepitatsihixiyatsitia 'atirikariyaki.

¹² Kepauka 'eki 'atserie pemutatseraxi,
 kwie piwareukakwai.

¹³ Waikawameki pewanaki'erieti
 pepiwaruwitixime 'ateiterima
 pemiwarutawikweitsitia,
 'atirikariyaki pepiwaruwitixime 'akiekari
 makupatsie.

- 14 Naitsarie kwiepa nuiwarite mepitimamani
me'enaname,
kepauka memitehetimani piriitsiteutsixi
mepetnututuixieni.
- 15 'Erumi kiekatari wa'ukiyarima waikawa
mepitimamani,
waikawa meputiyyiakatikani 'itsikate
Muhawi kiekatari.
- Meta Kanani kiekatari meputiweranaxia,
16 mikitsi wahetsie pitinakeni marika.
- Yawé, kepemititirikaiyekei,
mekaniuwaweti mepakine tetexi wahepai
kepaukake 'ateiterima memanuyekine,
teiteri 'ahetsiemieme pemwarutinanai.
- 17 'Eki pepiwareutawitini, pepiwaka'iteita,
'iya hiriitsie kemi'ane 'ahetsiamimieme,
Yawé, 'eki hakewa pemeyeika,
hakewa 'eki, Yawé, 'atuki pemeyutawewiri.

- 18 Yawé katini'aitakamiki yuheyeme, tukariki.

Miriyami kwikarieya

19 Kepauka Parahuni kawayutsiximama meta
kaxetamama teiteri me'uteti haramaratsie
memanukinekekai, Yawé yakatiniuyurieni
haa waheima muyeurieniki. 'Ixaheritsixi
mekayu'iyaritiati mepanuki kwie wakimetsie.

20 Merikitsi Miriyami Kakaiyari niukameya,
'Aruni taruya, kaitsawiwame kaniuti'ini,
hipatita 'ukari mekaniweiyakaitini yukaitsaki
mete'ukayuitiwati meta mete'ukaye'ati.

21 Miriyami mipai katiniukwikakaitini:
Yawé xekenenawani, miki mariwemeki
mirayu'iwxiki,

kawayutsixi wahetsie memutei
meta kawayutsixi haramaratsie piwareukaxiri.

Haa matsiwi Maraha meta Herimi

²² Merikitsi Muiťsexi kaniwaruta'aitiani 'ixa-heritsixi Haramara Mixeta hetsie memayekineki meta makumawetsie memitayuneki Tshuxi kwieyaritsie. 'Ixaheritsixi mana mekani-uhukaitini haika tukari makumawetsie haa mekataxeiyawaweti.

²³ Hiki mekaniuta'axiani Maraha mirakutewatsie, mana mipai katinakutewakaitini mana haa hatsiwiti muxuawekaiki, mana mepikatenewiekairi meheuharikuti.

²⁴ Merikite miki mekaniutiniukixietikine Muiťsexi hepaitsita, mipai mete'iku'iwwawiyati: «¿Ketita tetetihareni?»

²⁵ Muiťsexi Yawé kaniutawawirieni, miki pixeitsitia kiye yatewime, miki Muiťsexi hapa kaneikahiani, yapauka haa 'aixia ha'aneti kanayani.

Mana Yawé kaniwaruta'iniata, kaniwarupitiani 'iniari niukiyari kememitekahuni.

²⁶ Mipai katiniwarutahiawe: «Netsi Yawé xekakaiyari nekanihikitini. Xika neniuki xe'enieti yaxetekahuni heitseriemeki, xika 'iniari niukiyaritsie yaxetekahuni kemireuyewetse meta ne'aitsikatsie, ne hatsuaku kwiniya nepikahani'ani xehetsie, 'ekipitutsie kenemitiuyuri. Netsi Yawé nekanihikitini, hatsuaku kwiniya xehetsie pikatinake».

²⁷ 'Arikeke 'ixaheritsixi mekaneta'axiani, 'Erimi mirakutewatsie, hakewa tamamata heimana huta haixayari mexuawekai meta haika

tewiyari heimana tamamata taki mati'u, mana mekaniyuhayewa, haa mayema 'aurie.

16

Manana payari meta xi'aurixi

¹ Merikitsi yunaiti 'ixaheritsixi 'Erimi mekaniyekine, mekaneta'axiani makumawetsie Tsini paiti, miki 'Erimi meta Tsinahi wahixiapa piti'aneikai. 'Ikita pitiuyi xeimetseri 'anukamiekaku heimana tamamata heimana 'auxiwi tukaritsie, 'iniariti kepauka memayekitsie 'Ekipitu.

² Mana makumawetsie me'u'uwati, 'ixaheritsixi mekaniwarutiniukimani Muitsexi 'Aruni mame.

³ Mipai 'ixaheritsixi mekaniutiyanekaitini:

—Matsi 'aixia pi'aneikai xika Yawé tatsihekwinike 'Ekipitu paiti. Mana 'aixia tepitehetikwa'akai wai 'itsariki meta paki yemeki tepetihuxariwekai. Xeme xepitatsiheyewiti, 'ena makumawetsie teyunaima xemitatsikwiniki haakaki.

⁴ Hiki Yawé mipai Muitsexi katiniutahiawe: «Yanepitiyurieni mikawiyeki paa muyuawitsie mieme. 'Ixaheritsixi yunaiti meke'ikuteixini xeitukaritsie mieme yuxexuiti, nekaniwata'iniatamiki xika 'aku yametekakinikuni yati pitikatixai.

⁵ 'Ataxewirieka tukaritsie mepikuteixi huta tukaritsie mieme, mipai memiteha'aritsiekaki».

⁶ Merikitsi Muitsexi 'Aruni matia 'ixaheritsixi mipai mekateniwarutahiawe:

—'Iki taikaiyaritsie xepitehetimani kename Yawé tiuyuri 'Ekipitu mixe'ayewiti,

7 meta 'uxa'a ximeri xepixeiya Yawé kemitimariwe. Mikiri pitimate ke'axaxemutiyuane hetsiena mieme. Tame tixai tepikatehiki ketitayari 'axaxetatekuhiaweni.

8 Muiťsexi mipai katiniwarutahiawe:

—'Iki taikaiyaritsie Yawé wai kanixemimiki, paa xetikwame xekanitihuxaikuni kanixe'u'enieni hepaitsitana 'axakexemutiyua. Tame tixaiti tepikatehiki. Xeme ke'axaxemutiyuane tahetsiemieme xepika'utiyuane, Yawé hetsiemieme pita xekaniutiyuaneni.

9 Hiki Muiťsexi mipai 'Aruni katiniutahiawe:

—'Ixaheritsixi yunaime mipai ketiniwarutahiawi, 'ahurawa meke'akine Yawé hetsia, miki kaniwaru'enieni 'axakememutiyuanekai hetsiena mieme.

10 Mexi'akuxi tikuxatakai 'Aruni, yunaime 'ixaheritsixi wahamatia mana, mekanixeiya makumawetsie haiwitiritsie Yawé kemitimariwe.

11 Yawé Muiťsexi katiniutaxatiani mipai katini-tahiawe:

12 «Nekaniwaru'enieni 'ixaheritsixi ke-memiteniukixie. Mipai ketiniwarutahiawi kakiyiriwekaku 'akuxi, wai xekanitikwaikuni, 'uxa'ata ximeri paki xekanitihuxaikuni. 'Anari mipai mekatenetimaikuni kename Yawé wakakaiyari nehiki».

13 Miki kwitiwa taikaiyaritsie mematitekait-sie meputixuawerixi xi'aurixi, meta 'uxa'arieka mematiteitsie naitserie pakutuxakai 'iwi hepai.

14 Miki 'ukumawereku makumawetsie puyuhayewaxi 'etsiwa witsi'aneneti, tee hepai 'aneneti.

15 'Ixaheritsixi memikatemalaikaiki
ketitamitihikitikai, me'ixeyati mipai
mepiteyuku'iwawiyakai: «¿Ketita tihiki 'iki?»
Muitsexi mipai katiniwarutahiawe:

—Miki paa kanihikitini Yawé mixemikwa xemi-
tikwaniki.

16 'Iki kanihikitini 'aitiarika Yawé kemaine:
“Xeme yuxexuiti xekeneukuteixi, kepaimeme
xemeuyehiwa para yunaime xetiiriyama
wahetsiemieme, xete'iniaritiati huta kakuniyari
yuxexuime wahetsiemieme”.

17 Mipai mekatenuyurieni 'ixaheritsixi. Hipati
waikawa mekanikuteixi, hipatita 'etsiwa xeikia.

18 Perutsi kepauka memiti'iniataxi
ti'iniinatameki, kemi'ane waikawa meikuteixixi
pikayukuhayeikawakai, kemi'ane 'etsiwa
mikuteixixi pikaheuyewekai, yuxexuiti
mekanikuteixi yunakeme xeikia.

19 Hiki Muitsexi mipai katiniwarutahiawe:

—Xewiti pika'iti'uta 'uxa'arieka mieme
mayaniki.

20 Hipati Muitsexi mepikahanu'eni,
mekaniti'uta 'uxa'arieka mieme mayaniki, perutsi
memiti'utaxi kaniutikwitsieni 'axa'u'iatikaiti
kanayani. Hiki Muitsexi kaniuyeha'ani
wahetsiemieme.

21 Yunaiti mekanikuteixikaitini ximeri
yuxexuiti kememiteheiyehiakai, mikitsi tau
xiriyariki pitipaparikekai.

22 Perutsi 'ataxewirieka tukaritsie
mekanikuteixi hutakiamieme kepaimeme
memikema, tatsiari nauka 'iniariyari yuxexuiti,
'ayumieme miki memanuyetei mepeki Muitsexi
metehetaxatianike.

23 Mipai katiniwaruta'eiya:

—Mipai katina'aitani Yawé. 'Uxa'a xawatiki 'uxipiya tukari pihiki mipatsie Yawe hetsiemieme. 'Ayumieme xeketeneutiwarika yatini xeketeneuka'etsa hiki tita xemiteheuyehiwa. Tita mitiyuhayewa, xeketeneuti'uta 'uxa'arieka mieme mirayaniki.

24 Mipai mepite'uyuri 'ixaheritsixi kemitiwaruta'aitia Muitsexi, mepiti'utaxi 'uxa'arieka mieme muyuhayewaxi, miki hawaiki pika'utipinixi meta pika'utikwitsi.

25 Muitsexi mipai katiniwarutahiawe:

—Hiki xawatiki xekeneutikwa'i, hiki 'uxipiya tukari kanihikitini Yawé hetsiemieme. Hikiri xepikaheitaxeiya xemetiteixikaitsie.

26 'Ataxewime tukari xeikia xepikuteixini, 'atahutarieka tukaritsie, tixaiti xepikatehetaxeiya.

27 Hipati 'ixaheritsixi mekanekine meheiteixiyuka 'atahutarieka tukaritsie, peru tixaiti mepikatehetaxei,

28 hiki 'ayumieme Yawé Muitsexi mipai katini-utahiawe: «¿Kamitsi kepaukake menetsiheu'enieti mepakine, yametyurieti naime 'aitiarikatsie?

29 Mipai xeketemaika, ne Yawé, 'uxipiya tukari nenixe'upitiani xawati tukaritsie. 'Ayumieme 'ataxewirieka tukaritsie paa nekanixeyetuiirwani huta tukari mieme. 'Atahutarieka tukaritsie xewiti tima pikahayeyeikani. Yunaiti 'axeikia meke'ukutetikani».

30 Mipai mekaniuyini 'ana 'ixaheritsixi mekaniuka'uxipieni 'atahutarieka tukaritsie.

³¹ Miki paa mepite'iteriwaxi «manana». Kanitux-akaitini, tsiranituru hatsiyari hepai 'aneneti, meta pakakatei paa mixietematika hepai.

³² Muitsexi mipai kaniutayini:

—Yawé mipai kanaineni: “Huta kakuniyari xekeneuti'uta manana payari, para xeniwema xemanutihutsie mieme, miki memixeiyaki paa nemixe'umi makumawetsie, kepauka nemixe'ayewiti 'Ekipitu”.

³³ Mipai Muitsexi 'Aruni katiniutahiawe:

—Keneukutu'i manana xarita keneukayetsa huta kakuniyari. Hiki Yawé hixie keneukuwi, para temiti'utaki tanuiwarima memeitimaniki.

³⁴ 'Aruni muwa kanikuwieni tiratu kakuniyari hixie, para mu'utiniki Yawé Muitsexi kemitiutahiawixi.

³⁵ 'Ixaheritsixi miki mekanikwakaitini manana huta tewiyari wiyari, kepaukake memeta'axia Kanani kwieyaritsie paiti, miki wakwie wakiekari patia.

³⁶ Huta kakuniyari 'iniariyari «kumeri» mepite'iteriwakai, meta «hepari» tamamata 'iniariyari mepite'iteriwakai.

17

Haa tetetsie kemirane

¹ Yunaiti 'ixaheritsixi mekanayekine makumawetsie Tsini mirakutewatsie me'u'uxipiximeti, Yawé kemitiwani'akai. Mekaniu'axiani Xepirini mirakutewatsie, peru mana haa pumawekai wahetsiemieme,

² hiki Muitseximekaniutiniukimani mipai me'utiyuati. Mipai mektenitawawirieni:

—Haa ketaneyetuiri temitiareniki.

Muitsexi mipai katiniwarutahiawe yuhetsie nuati:

—¿Titayari xenete'anutate'a? ¿Ketitayari Yawé xeteniukima?

³ Peru 'ixaheritsixi waikawa mepeuharikukai, Muitsexi hepaitsita mepiniukixiekai. Mipai mekat^{enikihiawekaitini:}

—¿Ketitayari petarayewiti 'Ekipitu kwieyaritsie? Kauka xeikia petatsiheyewiti teyeharikwitiweti temikwiniki, taniwema meta tatewama.

⁴ Hiki Muitsexi Yawé kaniutahiawe, mipai katinita'iwawiya:

—¿Kenetiyurieni 'iki teiteri wahetsiemieme? Peuyewetse 'etsiwa xeikia meminetsimieniki tetexiki.

⁵ Yawé mipai katinita'aitiani:

—Keniwaranuwitiki pe'anuyekaiti hipame 'ahamatia 'ixaheritsixi wa'ukiyarima, 'a'itsi kenakweti kimana Niru hayari pemuwa. Kenemie,

⁶ ne nepimatsihetakwewieka tete manuka Huré mirakutewatsie paiti. Mana pepiwani tete xeimieme xeikia, mikitsie haa paneni yunaiti 'ixaheritsixi memitiareniki.

Muitsexi mipai pitiuyuri, 'ixaheritsixi wa'ukiyarima wahixie.

⁷ Metatsiere mana, Matsaha mekat^{eniuteriwa} meta Meriwa, miki panuyine 'ixaheritsixi mepuniukixi, Yawé hepaitsita meputiniukixi, mipai mete'uhiwati: «¿Yawé tiuyeika 'aku tahamatia, nutsu pikatixai?»

'Ixaheritsixi 'amarekitsixi kememitewara'iwaxi

8 'Amarekitsixi mekaniu'axiani Xepirini mehanexiaka, 'ixaheritsixi mekaniwarutakwini.

9 Hiki Muiťsexi Kutsuhexi mipai katini-uta'aitiani: «'Eki keniwaranuyeteixi 'ukitsi hipame, xekenehu xekeniwakwiyu 'amarekitsixi. 'Uxa'a ne yemuritsie nepakakani Kakaiyari 'itsiya ne'akwetixi».

10 Kutsuhexi mipai pitiuyuri Muiťsexi kemitita'aitia, mekaniwarutakwini 'amarekitsixi. Muiťsexi, 'Aruni meta Kuxi yemuritsie 'emanutitewatsie mekaneutiyune.

11 Kepauka Muiťsexi yumamate teiki metseratikani 'ixaheritsixi yuneukixiwima mepiwara'iwakai, kepauka muti'uxikekai teiki hemeti'ana mepitehayu'iwakai 'amarekitsixi.

12 Kepauka Muiťsexi mamateya muti'uxixia teiki hemeti, tete me'akurupaka hetiana menitayeni hetsiena mayeriniki, hiki 'Aruni meta Kuxi matia mekanenukutuikaxiani mamateyatsie mekaniparewieni, xewiti 'utatanatsie xewitita tserietana, mipaike Muiťsexi piyiwakai yumamate tukariki teiki metseratikani kepaukake tau makayunixi.

13 Mipai Kutsuhexi pitiwara'iwaxi 'amarekitsixi 'ixiparaki.

14 Merikitsi Yawé Muiťsexi mipai katiniutahiawe: «Ketinaka'utia 'iki nawi kwikwiekametsie, naime kemituyi, xewiti mikaratitimaiyaniki, meta Kutsuhexi mipai ketimaika: Ne yunaime nepiwareuyehiani muyuawi hetia, miki 'amarekitsixi meta waniwema».

15 Mana Muiťsexi mawari taiyame tenariyari

kaniutawewieni, mipaita katiniteriwa «Yawé nehetsie pununuwame».

¹⁶ Mipaita kaniutayini: «Nepitikweni Yawé kuyaximama wapatera. Yawé yuheyemeki 'amareki paye'unieka».

18

Keturu Muitsexi kemireku'iwataxi

¹ Kakaïyari naime kemitiuyuri Muitsexi hetsiemieme meta Yawé yuteiterima wahetsiemieme 'ixaheritsixi kemitiwarayewiti 'Ekipitu kwieyaritsie, Muitsexi munieya Keturu mawari wewiwame katiniutamarieni, Mariyani kwieyaritsie.

² Kepauka Muitsexi Tsepura yu'iya meni'a Keturu hetsia, miki kiena me'u'axiaku yuniwe mayatsie kanawiere,

³ meta niwemama meyhutati. Miki xewiti nunutsi pititewakai Keritsuni, mipai mutayiki Muitsexi: «Teewa kiekame nepihiki xeime kwieyaritsie ne'uyeikati neka'imatemetsie».

⁴ Xewitita 'Eriyetsexi pititewakai. Muitsexi mipai mutayikaiki: «Nepaapa Kakaïyarieya pinetsi'uparewi, pinetsi'utawikweitsitia Parahuni netsimiekikaku».

⁵ Hiki Keturu kaneyani makumawetsie Muitsexi metahiaweki 'iyaya 'awititi meta niwemama, miki mana penuakairi Kakaïyari hirieya hetia.

⁶ Keturu mipai niuki katineini'airiekaitiniri: «Ne, 'amune Keturu, nekameneux-eiyamieni. 'A'iya meta 'aniwema meyhutati mepinetsihaweiya».

⁷ Muitsexi kanayeyani henukunakeke yumune, hiki hixiena kaniutihiximakeni meta kani'itseni.

Hiki 'ari me'uyutapaka mekaneutahaxiani 'ixuriki kiiyarita.

⁸ Muwa Muitsexi naime katinitaxatiani yumune, Yawé kemitiuyuri Parahuni 'Ekipitu kiekame hixie meta 'ixaheritsixi wahetsiemieme naime kwaniwemeki kememite'uhukai huyeta Yawé kemitiwaparewiekai.

⁹ Keturu kaniyutemawiekaitini tiutamarioka Yawé 'aixia mitiuka'iyarikaiki 'Ixaheri hetsiemieme, meta 'ekipituri watsata miwarayehapaki.

¹⁰ Hiki mipai kaniutayini: «'Aixia keraniuwani Yawé hetsiemieme, 'ekipituri watsata mixehetawikweitsitia. 'Aixia keraniuwani kemi'ane 'ixaheritsixi miwaretawikweitsitia ti'aitame Parahuni tirikariyatsie.

¹¹ Hikiri nepitimate Yawé matsu pimariwe keyuri hipati kakaiyarixi, 'ixaheritsixi mepinanaimariokai 'ekipituri mariwemete mepayuyeitiakai».

¹² Mipai 'utayika, Keturu mawari taiyariyari kaniuwewieni meta hipame mawari Kakaiyari hetsiemieme, 'Aruni meta yunaiti 'ixaheritsixi wa'ukiyarima mekananukayaxe mekatenukwani Muitsexi munieya hamatia Kakaiyari hixie.

¹³ 'Uxa'arieka, Muitsexi 'akanayerini 'ixaheritsixi wa'enienike tita memitehayexeyakai hamatiana, 'itsikame kanihikitikaitini wahetsiemieme, 'ixaheritsixi hixiena mekaniti'uni ximeripaiti meta mana meti'ukaku tau kanakayune.

¹⁴ Keturu kepauka yumune Muitsexi muxei

kemitiyurienekai teiteri wahamatia, mipai katinitahawe:

—Ketiti teiteri pepiwayuriene. ¿Ketitayari tukariki meta tikariki mana meteku'u, 'ekita 'axaita 'aperaka?

¹⁵ Muitsexi mipai katinita'eiya:

—Teiteri nehetsia mepi'axe Kakaiyari memitahawekei.

¹⁶ Kepauka memiyu'uximatia mepi'axe nehetsia mepinetekuxaxatiwa, naime nepiwahekiatia rayehutame kemiti'ane. Meta, nepiwakuxaxatiwa kemaine 'iniari niukiyari meta 'ikitiarika Kakaiyari hetsia mieme.

¹⁷ Munieya mipai katinitahawe:

—'Aixia puka'ane miya pemiyane,

¹⁸ peputi'uxike 'eki meta teiteri 'ahixie memiti'u. 'Iki 'uximayatsika kanikwaniweni, 'axaitame pepikayiwe.

¹⁹ Keneu'eni 'ixatsi kemi'ane nemimatsitaxatiani, meta Kakaiyari kematsiparewieka. 'Eki pemanuyeka pepihikitini Kakaiyari hetsiemieme, meta 'eki pepitiwahekiatiwametini ke'aneme 'uximatiarika memexeyani.

²⁰ Kaneuyeweka miki pemitiwati'ikitianiki 'iniari niukiyaritsie meta 'ikitiarika Kakaiyari hetsiemieme, meta yapemitiwatahiawekei kememite'u'uwani meta kememitehahawariwa memite'aye'atiakaki.

²¹ 'Eki keniwaranayexeya hipame 'ukitsi 'aixia memaitika Kakaiyari hetsiemieme, yuriki yuri memite'erie Kakaiyari memayemakaxe kwamanarika memikanaki'erie, xeime

keneuhiritia xeimiriari wa'ukiyari mayaniki, xeimeta xeitsienituyari wa'ukiyari, xeimeta huta tewiyari heimana tamamata wa'ukiyari, xeimeta tamamata wa'ukiyari.

²² Miki mepiyiaka 'itsikate wahepai yamemite'uximayaka, miki mepite'uximayaka nenika miti'anenetsie, xewitiri xika kwinimieme rayexeiiani 'uximatiarikatsie 'ahetsia meke'i'atiani. Mipai 'a'uximayatsika pa'exanaxiani, miki memimatsiparewieniki.

²³ Xika mipai petikamieni, Kakaiari kemimati'aitia, kwitiwa 'aixia pitikuyineni meta teiteri 'aixia 'anemeki meyutemamawieti mepekikani yukie.

²⁴ Muitsexi yumune kaniu'enieni kemititahiawixi.

²⁵ Niwaranuyexeiya hipame 'ixaheritsixi watsata meyiawaweme, miki memanuyetei kaniwarayeitiani, xeime xeimiriari wa'ukiyari kanayeitiani, xeimeta xeitsienituyari wa'ukiyari, xeimeta huta tewiyari heimana tamamata wa'ukiyari, xeimeta tamamata wa'ukiyari.

²⁶ Miki 'itsikate wahepai mepiteyuriekai yamete'uximayati, miki nenika miti'aneneki 'aixia mepite'akayuruwakai, peru waikawa mukwaniwetika Muitsexi hetsia mepiwareni'awakai.

²⁷ 'Imatiriekaka Muitsexi yumune hamatia mekaniyutateutiaxiani, mikita yukie kaneyani.

19

'Ixaheritsixi Tsinahi kememite'u'axia

¹ 'Ixaheritsixi mekaniu'axiani makumawe Tsinahi mirakutewatsie, haika metseri 'anukamiekaku 'Ekipitu kepauka memiyeki.

² Kepauka Xepirini memiyeki, miki kwieyarit-sie mepeutahaxia Tsinahi makumawetsie, mana mekanikuyaxe hiri hixie,

³ miki hiritsie Muitsexi kanitiyune Kakaiyari hamatia miretaxataki. Mana Yawé, mipai katini-tahawe:

«Mipai ketiniwarutahawi Kakuwu tiriyamama, yaxeikiata 'Ixaheri nuiwarimama:

⁴ “Xeme xemunenierixi xepihiki kenemitiuyuri 'Ekipitu,

meta nehetsia kenemitixe'atia
werika 'anayatsie xe'ateti xemu'axiani hepai.

⁵ Xika hiki xeme naimeki yaxetekakine,
netiratu xika xehaye'atiani,

neteiterima xepihikitini

yunaima nuiwarite kwiepa memitama
wahixie.

Tsepa naiti kwie nehetsia mimieme,

⁶ xeme nehetsiemieme mawari wewiwamete
nehetsia miemete xepihikitini,
meta nuiwari xemipatsie”.

»Naime 'iki 'ixaheritsixi ketiniwarutaxatia».

⁷ Hiki Muitsexi 'ukateka kaniwarukuxerieni wa'ukiyarima naime tiwataxatianike Yawé kemirehiawekai,

⁸ meta miki yunaiti mipai mekaniu-tiyuani: «Yatepitekakine naimetsie Yawé kemitatita'aitiani».

Hiki Muitsexi kaneyani Yawé katinetaxatiani kememutiyua teiteri,

⁹ hiki Yawé mipai katinitahiawe:

—Ne 'ahetsia nepinehekiata haiwirititsie ka'anuyehekiakametsie, nepimatsitahiawe 'ixaheritsixi meminetsi'enieniki, yuri memimate'eririekaki yuheyemeki.

Muitsexi Yawé yakatiniutahiawe teiteri kememaitikatei,

¹⁰ hiki Yawé mipai katinitahiawe:

—Kenemie mepatsiekame keniwarayeitia 'ixaheritsixi hiki meta 'uxa'a. Mipai ketiniwaretahiawi mekeheyuti'ekwa,

¹¹ hairieka tukaritsie mekeheha'aritsieka, 'ana miki tukaritsie nepinehekiata Tsinahi yemuriyaritsie nepikateni yunaiti teiteri menetsixeyakaku.

¹² 'Iniari kuraruyari kenateka hiri warie mana 'ixaheritsixi memika'utikikaniki. Mipai ketiniwarutahiawi xewiti pika'anitiyeikani hiritsiepai meta yu'ika tapa miemeki mana pikaheutakekani, meta kemi'ane mimayiani kanimimiki.

¹³ Tsepa mitewi yatsepa tewatsiekame miyiane, kanimimiki. Kemi'ane mimayiani, kanimieriemiki tetexiki yatini 'iriteki. Kepaukake kuxineta metayuan karima 'anake mepiyiwaweni.

¹⁴ Hiki Muitsexi kaniukatani hiritsie 'akaneka, mepatsiekame 'ixaheritsixi kaniwarayeitiani, mikita mekaniyuti'ekwa.

¹⁵ Mipaita Muitsexi katiniwarutahiawe: «Xekeneyukuha'aritia hairieka tukaritsie miemeki, yu'itama xepikawakumaiwani».

¹⁶ Hairieka tukaritsie ximeri tiranari kaneyuani muyuawitsie meta merikariya, hiki mana hiritsie

panukate haiwitiri ka'anuyehekiakametsie. Meta kuxineta karima kanetayuani naitсарie 'ixaheritsixi memakutei putayuanekai.

¹⁷ Hiki Muitsexi 'ixaheritsixi kaniwarayewitini Kakaïyari memanunakeki, miki Tsinahi yemuriyaritia mekaniti'uni.

¹⁸ Hiri pikahekiakai kitsiki, Yawé mikitsie muyeikakaiki taitsie yeweti. Piwaikawakai kitsi hiritsie metineikakai, teka hepai pitiyuxexeyakai, meta naiti hiri karima putayuanekai,

¹⁹ meta kuxineta matsi karima peyuatïyeikakai. Hiki Muitsexi kaniutaniuni, Kakaïyari meta kanita'eiya tiranariki.

²⁰ Yawé kananukateni Tsinahi hiriyaritsie 'amanutitewitsie paiti, mana Muitsexi kaniutahiawe manutïyaniki. Kepauka Muitsexi hiritsie mana mutine,

²¹ Yawé mipai katinitahiawe:

—Kenanukayaka 'ixaheritsixi keniwareta'imaiya kuraru 'iniariyari manuyeka mepika'anayekikani menetsixeyakuti, kapa yumireti me'ukwiniki.

²² Yaxeikiata mawari wewiwamete hurawa xika me'ukine mekepatsieka, xika mipai meka'aneneni, ne nekaniwakwimiki.

²³ Muitsexi Yawé mipai katiniutahiawe:

—Teiteri mepikayiwawe memanutikineki 'iki hiri Tsinahi hetsie paiti, 'ekitsi 'ari pekatanayehitiani, mipai pepinetiutahiawixi: “Kuraru 'iniariyari kenateka hirïwarie, meta nehetsia mieme patsiekame kenayeitia”.

²⁴ Yawé mipai katinita'eiya:

—Keneukayaka 'Aruni keneta'ini 'ahamatia matiyaniki. Peru pikayiwani mawari wewiwamete meta teiteri mematikineki 'enapaiti nehetsia, xika mipai me'uyini, mekanikwikuni.

²⁵ Hiki Muietsexi 'uye'aka 'ixaheritsixi yaxeikiata katiniwarutahiawe.

20

Tamamata 'aitsikayari

(Mem 20:1-17 - Hut 5:6-21)

¹ Kakaiyari 'aitsika kaniwayetuirieni, 'iniari niukiyari memetimaniki:

² «Netsi Yawé nekanihikitini 'akakaiyari. Ne nepimatsi'ayewiti 'Ekipitu, hakewa waikawa pemire'uximayakai pekarepitiarieti.

³ »Hipame tawarita kakaiyarixi pepikawarayexeyani ne xeikia.

⁴ »Tixaiti pepikatiwewieka taheima mieme hepai ti'aneame, kwiepa memitexuawe hepai ti'aneame, meta hapa memiteye'uwa hepai ti'aneame meta kwie hetia memitexuawe.

⁵ Miki wahixie pepikatitunumakekani, pepikawarayexeyani. Ne, Yawé 'akakaiyari nemitiyukakwerie nekanihikitini. Kepauka wapaapama 'axamemite'u'iyari kepauka meminetsixani'erie, ne waniwema nepiwa'uximatia, wateukarima, watutsima meta miki waniwema.

⁶ Matsi kepauka, meminetsinaki'erie, kepauka yamemitekahu ne'aitsikatsie, ne nenaki'eriya wahetsiemie matsiikime nekanayeitiwani xeimiriari nuiwariyaritsie.

- 7 »Ne Yawé kenemititewa yaki
xeikia pepikanetsikuxatani, ne
nepika'itinenimayata kemi'ane kanetsi'enieti
minetsi'utateriwani.
- 8 »Kena'eriwani xawati tukari, patsiekame xe-
meyexeianiki.
- 9 'Ataxewime tukari xeikia pepiti'uximayaka,
tsepa naimeki kepepiti'uximayaka piyiwani,
- 10 peru 'atahutarieka tukaritsie pepika'uxipieni
pemeyexeianiki Yawé 'akakaiyari. Miki tukar-
itsie pepikati'uximayaka meta 'aniwema 'ukitsi
'ukari, meta te'a'uximayatsiriwamete 'ukari 'uk-
itsi meta 'atewama meta teewanarixi 'akiekaritsie
memititei.
- 11 Kena'eriwani 'ataxewime tukari Yawé
pitiutiwewi muyuawi, kwie, haramara, meta
yunaime mana memiteye'uwa, hiki 'atahutarieka
kaniuka'uxipieni. 'Ayumieme Yawé miki 'uxipiya
tukari patsiekame kanayeitiani.
- 12 »Keniwareu'enieka 'apaapa meta 'amaama,
mipai petiyurieneti 'apepireutere kwiepa
Yawé 'akakaiyari mimatsipitia.
- 13 »Pepikati'amemiwani.
- 14 »Xeime 'iyaya kinaya pepikakumaiwani.
- 15 »Pepikatinawayani.
- 16 »Xeime 'a'iwatsie pepikatiuhipani 'itarikaki.
- 17 »'A'iwa kiiya pepikahiwe'erieka, meta 'iyaya,
meta 'iparewiwameya 'uki 'uka, meta
tuuruya, puxuya, naimé tita mirexeiya
pepikatihiwe'erieka».

'Ixaheritsixi kememite'utimama

- 18 Hiki 'ixaheritsixi kepauka memi'eniekai
tiranari meta kepauka merikariya memixeiyakai

meta kitsi h̄ritsie matineikakaiki kwiniemieme
mekatenimamakaitini 'ateewa mekaniti'ukaitini.

¹⁹ Hiki Muitsexi mipai mekateniutahiawe:

—'Eki ketatine kuxaxatiwani, tepimatsi'enieka.
Xika Kakaiyari tatiutaxatiani xiari tepikwini.

²⁰ Muitsexi mipai katiniwarutahiawe:

—Xepikamamaka, Kakaiyari kanin-
uani xeta'iniatake, xe'eyemakati, 'ax-
axemikateyuriekaki.

²¹ Hiki Muitsexi 'ahurawa kaniuyani haiwitiri
mika'anuyehekiatsie Kakaiyari hakewa mewekai,
peru 'ixaheritsixi 'ateewa mekaniti'ukaitini.

Mawari taiyame tenariyari

²² Yawé Muitsexi mipai katinita'aitiani:

«'Ixaheritsixi mipai ketiniwarutahiawi:
“Xeme xekatenimaika muyuawitsiepai
nekanixe'utahiawe.

²³ Xepikanetsi hiweritiaka, kakaiyarixi pirataki
meta huruki xepikawawewieka meta wahixie
xepika'ukatunuma'uweni.

²⁴ Mirayutimawatire tenariyari
xekeneneutawewiri kwiepa, mana mawari
taiyariyari xeminetsi'utiwewiriwaniki meta
mana kename 'aixia meteyuxeiyani hepaitsita,
muxatsi meta tuurutsixi xewamawati. Ne
nepunuani hakewa xeminetsihahiaweni, hiki
'aixia nepixeyurieni.

²⁵ Xika mawari wewiwame
xenetsi'utawewirieni tetexiki, xepika'itiparekutiwani
tixaitiki tepiaki, miki tetexi kapatsiekame
payeitiwa.

26 'Imimii xepikaheukuwewiwani ne-mawari wewiwametsie, manutiyanitsie mika'anamamawereniki”.

21

*Kememite'uximayaka hepırayutsixi
(Mem 21:2-6 - Hut 15:12-18)*

¹ »'Iki 'aitsika pekaniwayetuiriemiki:

² »Xika xewiti hepırayu tewiyari 'unaneni wairiyarika miti'uximayakaki, miki 'ataxewime wiyari pıtita'uximayatsirieni, matsi 'atahuta wiyaritsie pıxine tixaitiki katiyutuame.

³ »Kepauka munanaıya wairiyarika miti'uximayakaki xika yuxaita nuani, mipaita yuxaita kaniyemieni.

»Xika nuani neiketi, kaniyemienita 'ewititi.

⁴ »Xika ti'aitiwameya 'uka 'iwititiani, 'uka ti'aitiwameya hetsia mimiemeıki, xika tiiri mewarayexeıya, mikita ti'aitiwameya hetsia mekaniyuhayewakuni tsepa memi'ukitsi ya'ukari. Hiki ti'uximayatame yuxaita kaniyemieni.

⁵ »Xika ti'uximayatame heitseriemeki mipai 'utayini: “Tsepa ne nepikaxine, ne nepinaki'erie neti'aitiwame, meta ne'ıya metatsiere neniwema”,

⁶ 'ana kutsiyarieya penuwitini 'itsikate wahetsia, muwa kitenie heutikerieme yunakatsie pe'iniaritarieni. Mipai 'itarieme yuheyeme yukutsiyari hetsia puyuhayewa.

⁷ »Xika xewiti yuniwe 'ukatime 'utuani ti'uximayatame mayaniki, miki 'uka hatsuaku pikaxine ti'uximayatame 'uki hepai.

8 »Xika kemi'ane minanai miki 'uka ka'utiwitini, xeikia mika'inakeki, miki piyiweni marieya mirayukatuaniki hetsiena mieme. Mitixani'eriki mituaniki pikayiweni teewapai kiekame hetsia, paapaya hamatia kememite'uxatakai mikaraye'atiaki.

9 »Merikiteta ti'aitiwameya 'uka yuniwe pita xika 'uwititiani, kaneuyeweka yemeki yuniwe hepai mitixeyani.

10 »Xikata xeime pita 'ukaratsi 'utiwitini, pikayiwe mitiwakweririeka yu'itama, yaxeikiata 'aixia ketiwaxeiyani, tiwamikwati meta tiwaketiati meta yunaime wahamatia 'ukahuputi.

11 »Xika miki haikameki hetsiena mieme yakatikamiemi, piyiwe 'ukaratsi meyani peru nitixaitiki hetsienamieme katiyutuiyati.

Teyukwikate kememite'apiniyarieni

12 »Kemi'ane xeime mitiukwinitiani mimieni, mikita pimierieni.

13 »Xika mipai kara'eriwati tiuyurieni, Kakaiyari pita yahainekaku tiyini, tiyumiekame piyiwe muyuta'una hakewatsi ne nemetaxata.

14 »Xika 'imani mitiuyumi, miki ke'umierieni tsepa muyu'awieta netukita mawari taiyametsie.

15 »Kemi'ane yupaapa meta yumaama mimieni, mikita ke'umierieni.

16 »Kemi'ane xeime tewi minawani, meta xika 'ituani, xika hahekiare 'akuxi ka'ituaweti, miki ke'umierieni.

17 »Kemi'ane yupaapa yatini yumaama yuniukiki 'axa'aneme 'ipitiani, miki ke'umierieni.

18 »Xika meywukwitiweti yu'iwa xewiti tiukwinitiani teteki, yatini yumamaki, xika miki 'utatsie kakaiti 'ayani kayuaweti,

19 miki mitikwinitia katinayukatuamiki mu'uayemarieniki meta 'uximayatsiyaki kemireutere. Hiki kepaukake mitikuye kewetimayani yuxaita yatini 'itsi hakweti, 'anake kanixinimiki, hetsiena pikarahiyani.

20 »Xika xewiti tiyu'uximayatame hekuwaxiani kiyeki 'ukitime yatini 'ukatime, xika miki 'umini, kananutahiyamiki ti'aitiwameya.

21 Peru xika xeitukari huta tukari 'anukayayu ti'uximayatame 'aixia reka'erieni, mikuwaxia pika'anutahiyani hetsiana mimiemetikaiki ti'uximayatame.

22 »Xika hipati meywukwitiweti xeime hukame me'uwani, xika miki ka'umini peru xika 'umini nunutsi 'anuyeweni, pirayukatuani kemi'ane mitiuyuri, kinaya kemitiawauni peru kemitiheitserie.

23 »Xika 'ukaratsi kwiniemieme 'uyini, mipai katinika'iniarini: xika 'umini mikita ke'umierieni,

24 xika xeime hixieya watituni mikita hixieya kewatitiiyani, xika tameya 'anaye'una mikita tameya ke'anaye'unarieni, xika mamaya wayemura mikita mamaya yaxaikia, yatini 'ikaya xika wayemura mikita 'ikaya kewayemurarieni,

25 xika 'itaiya mikita ke'utaiyarieni, xika 'iwani mikita ke'uweiyani, xika 'ixuritiani mikita ke'uxuritarieni.

26 »Xika xewiti 'iyehutsuni hixitana tiyu'uximayatame 'ukitime yatini 'ukatime, xika

hixieya 'uyetuni, 'aixia pi'ane xika heini'ani, mikiki pixine.

27 »Xika xewiti tiyu'uximayatame tameya 'anaye'una 'uki yatini 'uka, mirekapitianiki keheini'ani mikiki pixine.

28 »Xika tuuru xeime 'utsikipa, xika tewi 'imini tsepa 'uki yatini 'uka, miki tuuru ke'umierieni tetexiki ke'utituaxiexiani, peru waiyarieya pikatikwaiwani. Hiki tewakame hetsie pikarahiwanita.

29 »Xika tuuru tiyutsikipani, ke'umierieni tetexiki tituaxiexiame xika tewi 'umieni 'ukaratsi yatini 'uki. Kutsiyarieya xika 'imaikaitini kename tuuruya tiyutsikipa, miyatiti xika ka'ekuwieni, mikita kutsiyarieya ke'umierieni.

30 »Xika mumierietsie mieme ra'iwauriwani, kerayukatuani pita.

31 »Yaxeikiata 'iki 'aitsika pi'ane xika tuuru xeime nunutsi hetsikipa yatini 'uka nunutsi.

32 »Xika tuuru xeime 'utsikipa ti'uximayatame 'uki yatini 'ukatime, turu kutsiyarieya pitiyutuan xeitewiyari heimana tamamata pirata tumini-yariki ti'uximayatame kutsiyarieya pirakapitiani. Mikita tuuru ke'umierieni tetexiki.

33 »Xika xewiti putsu 'utawewieka 'inikatiti 'ewatitenime 'uhayewa xika ka'enuyenani, xika tuuru muwa heukaweni yatini puxu,

34 putsu kutsiyarieya pirayukatuani tewakame pirakapitiani kemiraye'aka, peru wakaxi mimiki putsu kutsiyari pihetsiemietini.

35 »Xika xewiti tuuru xeime tuuru 'utsikipa, mutsikiparie xika 'umini, mayeniere ke'utuiyani, yuhutati wakutsiyarima miki tuminiyari hixiata

meke'ini, meta mumierie waiyarieya hixiata mekekine.

³⁶ »Tuuru xika mipai ti'iyamakaitini, xika kutsiyarieya 'imaikaitini kename tuuruya tiyutsikipakai peru miyatiti kahekuwieni, kutsiyarieya xeime piyetuani wakaxi, peru mimiki hetsiena pimiemetini.

22

Piinitiarika

¹ »Xika xewiti tuuru 'unawani yatini muxa, xika 'imieni yatini xika 'ituani, kutsiyarieya piyetuirieni yu'auxiwime tewaxi tuuru munawaki, muxa hetsiemiemeta yunaukame muxatsi.

² »Xika xewiti tinawaneti 'uxeiyarieni, xika 'umierieni, miki hepaitsita 'atsipikatitaniukieni.

³ »Xika miki tinawayame 'umierieni hekita, miki mimi hetsie pirahiiani.

»Tinawayame peuyewetse mitiyutuaniki tita mirenawa. Xika ka'iyemanani mitiyutuaniki, kanituiyamiki ti'uximayatameki mipai mitiyutuaniki.

⁴ »Xika tewá hetaxeyarieni 'akuxi hetsiana 'ayeniereti, miki piyetuani 'akuxi xeime tawarita heutinikame, tsepa tuuru yatini puxu yatini muxa.

⁵ »Xika xewiti yutewama tiwaminekaku xeime haraweritana meheutahaxiani, miki kawa'iwiyakaku xeime haraweritana mete'ukwani, tewakame pirayukatuanani 'itsanari 'aixia mi'aneneki.

⁶ »Xika xewiti 'ixapa 'uta'ukwani, tiriku xika hayetani yatini 'etsari mukuxeirietikari

yatini hipame wa'etsaripa, kemi'ane mitiuyuri kepaime ti mitiutitai mikiki katinayukatiamiki.

⁷ »Xika xewiti tumini xeime 'uhiritiani yu'iwa mi'iwiyaniki yatini tixaiti piinitiarika, xika tinawayame tiunawani, miki tinawayame pirayukatuani kepa mitiunawa tawari hepaina paimeme, xikatsi 'uwiyarieni.

⁸ »Xika tinawayame 'uyuta'una, miki mitihiritiariekai piyemie 'itsikame hetsia, naime mititaxatianiki miki 'atsimikatiuyuriki.

⁹ »Xika xewiti tixaiti tiyukapiinitiwani, meta xewiti mikitsiere, miki meyuhutati mepuhu 'itsikate wahetsia. Kemi'ane yaki mutaineni, miki tawarita xeime piyetuani tita mitiuyukapiinitiwakai, tuuru, puxu, muxa, kamixa tsepa tita mireuyehiaka xika 'iwauka kename tipiinieyatikai.

¹⁰ »Xika xewiti yuhamiku puxu, tuuru, muxa 'uhiritiani yatsepa tita tewatsiekame, xika tewaya 'umini, tiutakwine, yatini xika 'unawarieni xewiti ka'uniere,

¹¹ tewakame hamikuya Yawé hixie puyutax-ata kename yutewa ka'ayeitia. Kutsiyarieya yuri ketita'eririeni, meta hamikuya pikatiyutuani.

¹² »Xika hamikuya 'unieretiti munawarietsie, mipai hirixia pirayukatuani.

¹³ »Xika tewatsiekame 'irawe 'itakwani, hamikuya pikarayukatuani xika 'umeteya 'ixeiysitiani.

¹⁴ »Xewiti xika yuhamiku tewa 'utaniwirieni, xika miki rekwine yatini xika hemini, kutsiyarieya kanierekaku, kemi'ane mitanii katinayukatuamiki.

¹⁵ »Xika kutsiyarieya nierekaku tiyini, mitanii pikatiyutuani.

»Xika tuminiki 'itaniikaitini mikiki xeikia pirayukatuani.

Kemireuyewetse hipame watsata 'uyeikati

¹⁶ »Xewiti 'uki xika 'imari 'utixiatiatyani 'uki kamaikame, xika hamatiana 'ukahuni, wapaa-pama katiniwapitiamiki kemiraye'axe, meta kani-tiwitimiki.

¹⁷ 'Imari paapaya xika ka'itaunieka menuwitiniki, 'uki pirayukatuani 'imari mikamayiya kemiraye'axe.

¹⁸ »'Uka 'ikewariki mitiyi'ikitia pepiwatakukuyani.

¹⁹ »Yunaiti teiteri tewaxi memiwakumaiwa miki meketakwikwiwani.

²⁰ »Kemi'ane mawari xeimepita kakaiyari miwewirieni, Yawé pita 'uwewirienikeme, miki ke'umierieni.

²¹ »'Axapepikatikuhaweni wairiyarika pepikati'aitiaka 'ateewa kiekame, kena'eriwani 'eki meta 'ateiterima teewatari xepihikitikai 'Ekipitu kwieyaritsie.

²² »Pepikatiwa'aitiaka kwinimieme wiuraxi meta nutuite,

²³ xika 'eki mipai petiyurieneni meta 'ateiterima, miki parewiya xika menetsi'utawawirieni, yuriki ne nekanaineni nekaniwaranu'enimiki xika meha'aiwatikani:

²⁴ waikawa nehaxiaki nepixekwini xeme 'ixi-paraki. Xe'itama yuxaita mepuyuhayewa, xeni-wema nutuite mepiyuhayewa.

²⁵ »Xika xewiti xeme, nehetsiamieme hawerimi'ane tumini 'uniitiani, teyuniniitwamete wahepai xepikatewakihaweni meta 'anamakame xepikawawiyani.

²⁶ »Xika xewiti yu'iwa 'ikarieya 'akahurieni, piyetuirieni taikai kakiyiriwekaku.

²⁷ Miki yu'ikari xeime xeikia mexeiyaki tawarita pikaheixeiya xeime hetsiena mahuni. Xika netsi'utawawirieni parewiya, ne nepiparewieni kemaineni, ne Kakaiyari nemitinekanenimaya nemihikiki.

²⁸ »'Axapepika'utaineni Kakaiyari hepaitsita, meta 'axapepikarenutahaweni teiteri wahetsiamieme manuyeka.

²⁹ »Pepikatihayewani peti'atiwati 'iku mawariyari meta winu mawariyari.

»Xeniwema matitari miemete nehetsia mekanimiemetetini.

³⁰ »Meta tewaxi tuurutsixi meta muxatsi nehetsia mekanimiemetetini. 'Atahuta tukari yumaama matia puyeikani, 'atahairieka tukaritsie pepinetsiyetuirieni.

³¹ »Xeme neteiterima xemipatsie xepihikitini.

»Xepika'ikwa'ani wai 'irawe 'ikwaixaya. Miki tsiikiri xepiwamikwani.

23

'Aitsika kemitiheitserie meta naki'eriya hepaitsita

¹ »'Itarikaki xepikatekuxatani.

»'Axamitiuka'iyari pepikaparewieka, meta niukiki pepika'iparewieka 'itsikame hetsia.

² »'Axamemite'u'iyari pepikawa'iken.

»Tixanetsiekaku teiteri yumireti kememutiyuaneni mipai pepika'utaineni.

»Tita mitiheitserie pepika'uku'e'eiriwani, yumireti 'axamemutiyuaneki xeikia.

³ »Pepikati'itaka xika haweri mi'ane tixanetani haweri mi'ane peparewimiti xeikia.

⁴ »Xika tuuru pehetaxeiya yatini puxu heuyewekame, keneyetua, tsepa mimatsi'aka'unie mitipiinieya.

⁵ »Puxu xika 'atiweximeni yu'ika kakemati, kene-uparewi, tsepa mimatsi'aka'unie mitipiinieya.

⁶ »Tixaiti memikatehexeiya xika metexanetani, kemitiheitserie pepikatiuku'e'eiriwani wahetsiemieme.

⁷ »Xeime tewi pepikaxanetani 'itarikaki.

»Pepikawatakukuyani teiteri 'at-simemikateyurie yamemitekahu, ne kemi'ane hetsie mirahiwa 'atsikatiyuruwame nepikahayeitia.

⁸ »Tumini xika xewiti 'awie matsi'itiaka tixaiti kemikatiheitserie pemitiyurieniki, pepika'inaki'erieka, mipai 'itsikate kemikatiheitserie mepiteyuriwawe.

⁹ »Teewanarixi wairiyarika xepikatewa'aitiaka, xeme 'ari xepitemate yuhetsie: 'Ekipitu kwieyaritsie xeme teewanarixi xepihikitikai.

'Aitsika 'uxipiya hetsiemieme

¹⁰ »Ataxewime wiyari 'akwie pepuka'etsani pepuka'itsanani,

¹¹ peru 'atahuta wiyaritsie pepika'ika'eni. Pepika'uxipitiani, haweri memi'anene 'akie

kiekatari mana memitetikwaniki meta yeutari memitetikwaniki tita memitehayewa teiteri.

»Yaxeikia pepitiyurieni kaxie haraweriyaritsie meta huriwu haraweriyaritsie.

¹² »'Ataxewime tukari pepiti'uximayaka, 'atahuta tukaritsie mepika'uxipieni 'atuurutsixi meta 'apuxuri, yunaiti te'uximayatamete mepika'uxipieni 'akie memutinunuiwaxi meta teewanarixi.

¹³ »Xeketenaye'atia naimeki kenemitixe'uta'aitia.
 »Hatsuaku hipame kakaiyarixi xepikawarahiaweni. Kememitetetewa hatsuaku xepikawaraxaxatani.

Haika 'ixiarariyari wiyaritsie mieme

¹⁴ »Xeiiwiyaritsie haikakia 'ixiarari pepuwewixi-meni nehetsiemieme.

¹⁵ »Paa mikakuxaxani 'ixiarariyari xepiwewiximeni weiya metseriyaritsie, mikiri mana pika'iniarini. Xeme miki metseriyaritsie xekanayekine 'Ekipitu. Kenemitixe'aitia, 'atahuta tukari xekanikwakakuni paa mikakuxanariyarietika.

»'Aixia pika'ane xewiti nehixie mi'axeni tixaiti karapiti 'imikierite.

¹⁶ »'Itsanari 'ixiarariyari pekaniwewimiki kepauka mexiakame pemitikatini pemika'e.

»Xepiwewienita 'ixiarari naime kepauka xemiteka'itsanatsie, miki wiyari 'anayexiximekaku.

¹⁷ »Yunaiti xeme yuxexuiti xeiiwiyaritsie haikakia xepi'axeni, Yawé xekakaiyari hetsia.

¹⁸ »Tikuxanariyame xuriya matia xepika'iniitiaka xeminetsitimawirieni.

»Xepika'iti'utani wiya 'uxa'arieka mieme mayaniki 'ixiararipa xeminetsixatia.

¹⁹ »Pepi'atiani Yawé 'akakaiyari tukita 'aixia miti'anene matiari timieme mititixuawere.

»Tsiyu nunutsi maamaya retsieyatsie xepika'i'etsani.

Niuki tuayame Yawé hetsia mieme

²⁰ »Mipai ketinemaika 'Ixaheri, ne nepenuni'ani 'ahixie niuki tuayame, mimatsihe'iwiyaniki huyeta, mimatsi'anuwitini hakewa 'ahetsiemieme nemirekuha'aritia.

²¹ Keneu'enieka yaketinekamieni. 'Axapepikareyurieneni hixiena, nehetsiemieme kaniyaneni, pikamereuyehiwirieni xika mipai pereyurieni.

²² Xika pehenu'enieni, xika yapetikayani naimeki kenemiti'aita, memimatsi'aye'unie ne newaraye'unieti nepayani meta kemi'ane 'ahixie memuni wahixie nepukeni.

²³ Neniuki tuayame pimatsi'anuwitini, miki nemiwaka'una wakwieyaritsie pimatsi'atiani: 'amuxeutsixi wakwietsie, hetitsixi, peretseutsixi, kananeutsixi, heweutsixi meta kewutseutsixi.

²⁴ »Miki wakakaiyarixima wahixie pepikahetihiximakiekani. Nenewieri pepikawarepitiaka kememitehehu, pepikaware'ikirieka. Matsi pita xekeniwareti'uniri wakakaiyarixi meta watetexi mipatsietika xekenetitara.

²⁵ »Nenewieri kenepitiaka Yawé 'akakaiyari, miki 'aixia piyurieni 'a'ikwai meta 'ahaa.

»Ne naime kwiniya xehetsie nepikapitiani.

²⁶ »'Akwiëyaritsie xewiti 'uka pika'anuye'iwetsieni meta xewiti kaniweweti pikahayani. Ne tukari 'atewime nepixepitiani.

²⁷ »Kepauka pemunuani xeime kwieyaritsie, yanepitiyurieni memimatsitimakaniki, memeuyuyexirieniki meta memiyuta'unaki.

²⁸ »'Ahixie nepiwarani'ani mirakatsixi, memuyuta'unaxuaniki heweutsixi, kananeutsixi meta hetitsixi.

²⁹ Nepikawarayeweiya kwitiwa xeiwiyaritsie kapa kwie yuxaita yuhayewayu me'uyutamiriya 'irawetsixi, mexe'utikwani.

³⁰ Nepiwaka'una 'aniari, kepaukake yuniwema waikawa xemiwarexeiyani kwie naime xemukunaniki.

³¹ »'Akwie 'anepitayeuriya, 'atsita Haramara Mixeta hetsie paiti meta haramara Meritexaniyu paiti, makumawetsiepai 'atsita 'Eupirate hatuxameyaritsie paiti. 'Eki pepitiwata'aitiani yunaime mana memikiekatari, pepiwarayeweiya.

³² »Miki teiteri wahamatia tiratu xepikawewieka, metatsiere wakakaiyarixima wahamatia.

³³ »Xika xewarupitiani xekwiepa memu'uwaniki, miki mepixewiniya wakakaiyarixi xewarayexeyati xemakineki, mipai 'axaxepiteyurieni nehetsia».

24

Tiratu 'ixaheritsixi wahetsiemieme

¹ Metatsiere Yawé Muitsexi mipai katiniutahiawe: «Hiritsie kenatiye'a nehetsia, meta

'Aruni, Narawi, 'Awihu, metatsiere haika tewiyari heimana tamamata 'ukirawetsixi 'ixaheritsixi. Miki mepikatonuma'uni yateewa,

² peru 'eki xeikia Muitsexi pepiyiwe 'ahurawa pemayani nehetsia. Yunaiti hipati mepikayiwawe 'ahurawa memakine meta memanatikine 'ahamatia».

³ Muitsexi 'anukayaka meta katiniwaru-taxatiani teiteri naime Yawé kemetayi, mikita mipai mekaniutiyuani yunaiti: «Yatepityurieni naime Yawé kemetayi».

⁴ Hiki Muitsexi piraka'utia naime Yawé kemireitahiwixi.

'Uxa'arieka ximeripaiti nanukukeni, tenari timawame kaniutawewieni hiritia. Meta tamamata heimana huta 'Ixaheri nuiwarimama 'iniariyari, tetexi tamamata heimana huta patsiekame kanayeitiani.

⁵ 'Ana hipame temari 'ixaheritsixi kaniwareni'ani, Yawé hetsiememe tsikerutsixi wamawari taiyariyari memiwewiyuki meta kename 'aixia memiteyuxeiyani mawariyari.

⁶ Muitsexi hixiapa 'akame tuuru xuriyaya tekixita kaniukatuaxiani, xeime hixiapa 'akameki mirayutimawatire kaniuta'iya.

⁷ Hiki 'arike tiratu xapayari kaniutihurieni, kanekateriwa 'ixaheritsixi wahixie, miki mipai mekatenita'eiya:

—Yawé naimeki kemutayi yatepitekakine.

⁸ Muitsexi xuriya 'utihanaka, mikiki teiteri kaniwaru'iya, mipai utaiti:

—'Iki xuriya tiratu 'iniariyari kanihikitini, Yawé yapitiuyuri meta xeme yaxemutiyuaki.

⁹ Muiṭsexi, 'Aruni, Narawi, 'Awihu, metatsiere haika tewiyari heimana tamamata 'ukirawetsixi 'ixaheritsixi mekananutikine hiritisie,

¹⁰ hiki mekanixeiya 'Ixaheri Kakaiyarieya. Hetiana pukumakai tete witsimi'ane muyuawi mixawati, witsiranuyehekiati muyuawi hepai.

¹¹ 'Ukirawetsixi 'ixaheritsixi wa'ukiyarima me'ixei yakatiti, mepika'ukwi, Kakaiyari mikawarumayiaki.

¹² Yawé Muiṭsexi mipai katiniutahiawe: «Ke-natiye'a hiritisie nehetsia, mana keneuyuhayewa. Nepimatsiyetuirieni 'iniari niukiyari, tete wew-erimetsie miye'uxa meta ne'aitsika nemaka'utia para mipai xemite'u'uwaniki».

¹³ Muiṭsexi Kakaiyari hirieyatsie kaneyani yu-parewiwame Kutsuhexi hamatia,

¹⁴ peru 'ukirawetsixi mipai katiniwarutahiawe: «'Ena xeketanetakwewieka kepaukake temi'axiani. 'Aruni meta Kuxi matia mepuyuhayewa 'ena xehamatia, xika xewiti 'uxi-matiarika hexeiyani miki yaketiwarutahiawe».

¹⁵ Kepauka Muiṭsexi manutitia haiwitiri hiritisie kananukatani.

¹⁶ Yawé tirikariyaya xawatiti kanakatani Tsinahi hiriyaritsie, 'ataxewime tukari haiwitiri hiri panukanakai, 'atahutarieka tukaritsie haiwitiritsata Yawé Muiṭsexi kaniutahiawe.

¹⁷ Me'ixei yakaku 'ixaheritsixi Yawé tirikariyaya xawatiti hiritisie tai mitiyutaiya hepai pitiyuxexei yakai.

¹⁸ Muiṭsexi kaneutahani haitsata kananutiyani hiritisie, mana pekatei huta tewiyari tukari meta huta tewiyari tikari.

25

*Mawarite tukita timieme
(Mem 25:1-7 - Mem 35:4-9)*

¹ Merikitsi Yawé Muitsexi katiniutaxatiani, mipai rehiaweti:

² «'Ixaheritsixi mipai ketiniwaruta'aitia mawari mekenetsi'atiirieni. Kaneuyewekani memi'atianiki yunaiti kemi'ane mipai mitiwakuyuitiwani.

³ Mawarite neminaki'erie pihikitini: huru tepiyari, pirata, wurunitse,

⁴ muxa 'ixurikiyari miyitsikimaiyeki mu'uarietika meta kwimixetaki metatsiere mixetaki, rinu 'ixurikiyari witsimi'anene, kapura huxarieya 'ikariyari,

⁵ muxa 'uki nawiyarieya xetameki 'uarietikaime, nawi 'aixia mi'anene, 'akatsiya kiyeyari,

⁶ huriwa hatseitiyari kixeme hetsiemieme, witsimitiu'iatika witsitiyu'iariyame hatseiti mitiyupata meta 'ikwa witsimu'ia,

⁷ 'unitse teteyari, meta hipame tetexi witsimi'anene mawari wewiwame kamixaya 'etsiminena hetsie meuyaxe meta kuka mekatini hetsiemieme.

⁸ Meta tuki xepinetsitawewirieni, xehamatia nemuyeikaniki.

⁹ Tuki xemitawewieni naiti pitiyepika kenemimatixeitsitiani mipai ti'aneneme.

*Kakuni
(Mem 25:10-20 - Mem 37:1-9)*

¹⁰ »Kakuni keneutawewi 'akatsiya kiyeyariki, xeimeturuyari heimana tamamata tsenitime-turuyari tewime, haika tewiyari heimana tamamata tsenitimeturuyari 'atayeume meta yaxeikiata mipai 'utewime.

¹¹ Huru kenewakuwiri taitana meta herie, meta huruki kenatatenitia.

¹² Keneutiwewi naukame huru hanirayari 'ikateyatsie keneu'uitiaxia, 'etsatana huhutati kana'uixiamiki.

¹³ Kurumawime 'akatsiya kiyeyari keneutiwewi, huru keneutiwiri.

¹⁴ Kiyexi mukurumawi haniratsie keneuye'uitiaxia kakuni 'etsatana mukumanetsie, mukukweiyaneniki.

¹⁵ Mipai reheikame keneuhayewa pepikahenuyehapanani,

¹⁶ mana pepikamana 'iniari niukiyari nemimatsiyetuiri.

¹⁷ »Huruki xeikia wewiyakame keneutawewi kanamikiyari Kakaiyari ma'axeni, xeimeturuyari heimana tamamata tsenitimeturuyari tewime meta haika tewiyari heimana tamamata tsenitimeturuyari 'atayeume,

¹⁸ Kakaiyari teitamete yuhutame huruki pepiwatiwewieni, titsunameki mewewiyatikaime, kanamikitsie Kakaiyari ma'axeni 'etsimeuyeyeutsie mema'uni.

¹⁹ 'Etsimeuyeyeutsie mepu'uni Kakaiyari teitamete. Mewetikaime meyuxewime keniwarayeitia Kakaiyari ma'axeni.

²⁰ »Kakaiyari teitamete Kakaiyari ma'axe heimana mepuye'anatikani, kimana

mepenukanaka. Mepanuyutaxeiyani Kakaiyari ma'axe meheukaneniereti.

²¹ »Kanamiki kenanukamana kakunitsie, manata kenekamana 'iniari niukiyari nemimatsiyetuirieni.

²² Ne mana nepi'axeni Kakaiyari teitamete wahixiapa kakuni heima. Mana ne yanepimatikihaweni naime 'ikitiarika pemiwakuxaxatiwaniki 'ixaheritsixi.

'Akatsiya mexayari

(Mem 25:23-29 - Mem 37:10-16)

²³ »'Akatsiya kiyeyariki mexa keneutawewi, nauka tewiyari heimana tamamata tsenitime-turuyari tewime meta huta tewiyari heimana 'auxiwi 'atayeume meta haika tewiyari heimana tamamata 'aweme.

²⁴ Huru keneukawiri, hurukitsiere tenimeyarit-sie kenata'utia.

²⁵ Xetewiyari tsenitimeturuyari 'atayeume kenata'utia meta tenimeyari kenatawewi 'auriena huruki.

²⁶ »Naukame huru hanirayari keneutiwewi mexatsiemime, xexuime keneu'uitiaxia tsikurieyatsie, ma'ikatikatsie.

²⁷ Hanira, mexa tenimeyari 'aurie pukumaneni, mana kiyexi muye'uniki mikitikieneniki.

²⁸ »Miki kiyexi mukurumawi 'akatsiya kiyexiyari pihikitini, huru wiriyarietikaiti.

²⁹ Xakirite, 'itite, huruki xeikia piwewiyatikani meta tekixite, xarite 'aminene winu mawariyari tu'ame.

³⁰ Mexatsie paa yapepiramanani, nehixie yamitixuaweniki.

*Kixeme 'uitiwame**(Mem 25:31-39 - Mem 37:17-24)*

³¹ »Kixeme 'uitiwame huruki keneutawewi, titsunameki wewiyakame. Hetsiena maweni, 'ikayari, muwatixaxawa, tuturi yu'iwitsi hexeiame, tuturiyari yuxewiriyati xeikia payani.

³² 'Ataxewime yumamate pexeiyan, tapa haikati tapata haikati.

³³ Xexuime mamateyaritsie haikakia puwatix-axawani 'arimetira tuturiyari hepai tiyuxexeiya, tuturi yu'iwitsiyari hexeiakame meta xawariyari.

³⁴ Kixeme 'uitiwame peixeiyanita nauka tekixiyari 'arimetira tuturiyari hepai 'aneneme, meta yuxawari hexeiyaikaime.

³⁵ Xexuiti mamateyari peixeiyan xexuime tekixi hixiata, 'ikayari mirawiyatikatsie.

³⁶ Tekixite meta mamateyari puyuxewiriyani kixeme 'uitiwame hamatia, huru xeikia pihikitini titsunameki wewiyakame.

³⁷ »Keneutiwewiri 'atahuta kixemeyari, muwa keneuka'uitia yuhixie heuyekixeme.

³⁸ Tepia hiru xikame kixeme hetsiemieme meta ti yayatsame, huru xeikia pihikitini.

³⁹ Miki kixeme 'uitiwame mitawewiereki meta tinaiti mireukapinire huru xetewiyari heimana tamamata heimana haika kiruyari kaniyimiki.

⁴⁰ »Kenematiuxeiyatsitia hiritsie yemeki mipai ti'aneneme ketineutiwewi.

26*Tuki**(Mem 26:1-37 - Mem 36:8-38)*

¹ »Tuki mipatsie keneutawewi tamamata rinu 'ixurikiyari*k*i 'ayeyeumeki, meta muxa hiruyari 'uariekame miyitsikimaiye meta kwimixetaki metatsiere mixetaki, Kakaiyari teitamete mehaxutikaime.

² Naiti rinu 'ixurikiyari yaxeikia piyeyeuka, tamamata heimana huta meturuyari heimana 'imeriyu pitini meta xeimeturuyari heimana nauka tewiyari tsenitimeturuyari patayeyeuka.

³ »Keneutawipa 'ixuriki 'auxiwime, yuwiwiyame keneuyuri, hipameta 'auxiwime yaxeikia keneuyuri.

⁴ Matiari pemitawipaxitsie 'imatirieka 'ixurikitsie, hakirii kenawitiaxia muxa witayariki miyitsikimaiyeki, meta yaxeikia ketineuyuri hutarieka miemetsie.

⁵ Matiari pemitawipaxitsie kenawitia huta tewiyari heimana tamamata hakirii, yaxeikiata paime hutarieka miemetsie, naiti yaxeikia papaimeme mexeyatikaniki.

⁶ Hikita huru kwatsituraiyari 'etsipepeme keneutiwewi, huta tewiyari heimana tamamata 'ixuriki 'amiyeyeu muyuwiyaki, tuki hetsie yuxewiriyati mayaniki.

⁷ »Tamamata heimana xewi tsipuri wahuxari 'ikariyari 'ayeyeume keneutiwewi, tuki manukanareki 'ixuriki kiyari hepai tiyuxexeyati.

⁸ Yaxeikia piyeyeuka naiti, tamamata heimana haika meturuyari heimana 'imeriyu titikame meta xeimeturuyari heimana nauka tewiyari tsenitimeturuyari 'atayeyeume.

⁹ Keneutawipa 'auxiwime 'ikariyari yuxewiti mayaniki, hipameta 'ataxewime yuxewiriyame,

'ataxewiriekā mieme tuki hixie muwiere patitunire.

¹⁰ »Huta tewiyari heimana tamamata kenawitaxia hakiri matari pemitawipaxitsie 'imatiriekā 'ikariyaritsie, tawarita hutarieka miemetsie yaxeikā paimeme.

¹¹ Hikita wurunitse kwatsitiraiyari keneutiwewi 'etsipepeme huta tewiyari heimana tamamata, hakiri mawitikatsie keneuyehatixia tuki mayaniki, yuxewiriyati naiti kanayeimiki.

¹² Miki 'ikari tamamata mihiki, xewiti miki naitsata panukawereni 'anuyuhayewati miki tuki warita peukawiwieka.

¹³ Miki 'ixurikitsie panayuhayeikawani huta tewiyari heimana tamamata tsenitimeturuyari tapa kitsimeyaritsie meta tapatatsiere, mikiki tukita pireunare.

¹⁴ »Heimana manukawerire keneutawewi tuki hetsiemieme, muxatsi wanawiyari xetameki mi'uarietikaki, miki heima 'imatiriekā manukawerire ketsi nawiyarieya 'aixia mi'ane keneuyuri.

¹⁵ Tuki hetsiemiemeta 'akatsiya mexayari keneutixixi, ma'utiyani.

¹⁶ Xexuiti mexa nauka meturuyari heimana 'imeriyu pitini meta haika tewiyari heimana tamamata tsenitimeturuyari 'atayeyeti,

¹⁷ meta miki mexa xetapa hutakia panumitsini, mexa heitserie miti'uweniki yuhepaitsita. Naime mexa 'ematayeyeu tukitsie mieme mipai pepitiwewieni.

¹⁸ Xetewiyari mexa piyini, 'ameuyewatsie tatsutia miyekatsie.

¹⁹ »Huta tewiyari keneutiwewita pirata tepiyariki mexa hetsiena ma'uni, xexuiti mexa huhutatame pexeiyatikani, huhutatametsie meuka'uniki.

²⁰ Tayeta muyekatsie 'ameuyewatsie miemeta keneutiwewi xetewiyari mexa 'ematayeyeu tukitsie mieme.

²¹ Huta tewiyari pirata tepiyari keneutiwewita mexa xexuiti miti'unitsie hetiana pekaniti'uitiamiki.

²² 'Etsimeuyewatsieta 'ataxewime mexa keneu'uitia, tau makayuyupike hepatsie,

²³ tawarita xexuime keneuka'uitiaxia mutatsikuritikatsie.

²⁴ Miki mexa yu'aurie puti'uka, yuxexuiti mituikatika pexeiyani, wapaiti xei hanirayariki puyutseiriyani. Hutakia yaxeikia ketineuyuri mutatsikuritikatsie,

²⁵ 'atahaika mexayari piyini meta tamamata heimana 'ataxewi mexatia mieme pirata tepiyari, huhutatame xeimexayaritiamieme.

²⁶ »'Akatsiya kiyeyari pepitixixieni manukuhini: meta 'auxiwime mexate tuki 'etsata mieme,

²⁷ 'auxiwime tapa mieme, 'auxiwimeta 'etsimaueyewatsie mieme tuki manutinieretsie.

²⁸ Kiyexi ma'utika wahixiapa mukuhuni mexate heutanetikaiti kaniyimiki.

²⁹ Mexa mipepetsawi huru keneutiwiri meta huru hanirayari keneutiwewi manukuhini mana mauye'uixianiki. Yaxeikia manukuhini huru keneutiwiri.

³⁰ Tuki keneutawewi kenematiuxeitsitia hiritsie yemeki mipai 'anekame.

³¹ »'Ixuriki 'ayeume keneutawewi meuwiere miyitsikimaiyeki, kwimixetaki meta mixetaki meta rinu witsimi'aneki, Kakaiyari teitametemama mehaxutikaime hetsiena.

³² Keneuwi huru kwatsituraiyariki, nauka 'akatsiya 'ikitsaraiyaritsie huru muwiriyaritakatsie tiwiyakame. Naukame pirata tepiayaritsie pepe'uitiani.

³³ 'Ixuriki hixiapa keneutawi kwaitsituraiteki, Muyepatsietsie meta Waikawa Muyepatsietsie mukunatikaniki, tiratu kakuniyari 'ixuriki warita mayekaniki.

³⁴ Tiratu kakuniyari kenanukanama kanamikiyari Kakaiyari ma'axetsie, Waikawa Muyepatsietsie paiti,

³⁵ 'ixuriki meuwie hixietsie Waikawa Muyepatsietsie, tuki 'etsata tayeta muyekatsie mexa keneutiketsa. Kixeme 'uitiwameta mexa hixie keneutiketsa tatsutia muyekatsie.

³⁶ »'Ixuriki keneutawewi tuki kitenie mieme miyitsikimaiyeki, kwimixetaki meta mixetaki rinu witsimi'anetsie tixukame.

³⁷ Miki 'ixuriki hetsiemime, 'auxiwime 'akatsiya kiyeyari 'ikitsaraiyari keneutixixi meta huru keneutiwiri, huru kwatsituraiyari hexeyatikaime, meta wurunitseki keneutiwewiri 'auxiwime hetsiena ma'uni.

27

*Mexa mawari taiyariyari wewiwame
(Mem 27:1-8 - Mem 38:1-7)*

¹ »Mexa keneutawewi mawari wewiwame 'akatsiya kiyeyariki, 'utatsikuritikaime yaxeikia huta meturuyari heimana xeitewiyari heimana

tamamata tsenitimeturuyari heutatetewame, meta xeimeturuyari heimana xeitewiyari heimana tamamata tsenitimeturuyari 'awekame.

² Naitsata naukakia muta'itsikinatikatsie kenawewlexia 'awateya, mexa matia yunaiti puyuxewiriyani, meta wurunitseki keneukawiri mexa mawari taiyariyari wewiwame.

³ Yaxeikata ketineutiwewi wurunitseki naimetita mireuyewetse mawari matiawewiwa, naxi yet-same, 'iti 'amipa, tepia manuxite meta ti yayat-same.

⁴ Meta 'ayexaxawame keneutawewiri wurunitseki, naukakia muta'itsikinatikatsie hanira kenamanaxia.

⁵ Mawari taiyariyari wewiwame hetia tenimeyari manuka'atikatsie kana'uimiki hanira, mexa hixiapa kaniuyemarimiki.

⁶ Hutame keneutiwewi kiyexi kurumawime 'akatsiya kiyeyariki, mexa mawari wewiwametsiememe meta wurunitse keneukawiri.

⁷ Kiyexi mikurumawi haniratsie peuyehaxiani, 'a'anuyetiti mawari wewiwametsie, miki kimana mukukweiyaneniki.

⁸ Mawari wewiwame pemitawewieni 'uxawame pepiyurieni, mexaki wewiyakame, kenematiuxeitsitia hiritsie mipai 'anekame.

Takwa timiemetsie

(Mem 27:9-19 - Mem 38:9-20)

⁹ »Takwa tuki hetsiememe pepitawewieni. Tahetia muyekatsie huta tewiyari heimana 'auxiwi meturuyari pexeyani, meta rinu 'ixurikiyari 'aixia mi'anene hawitikaiti,

¹⁰ xeitewiyari kiyexi mika'uni pexeyani, xeitewiyari wurunitse tepiyari kiyexi hetsiena

ma'uni. Kiyexi pexeyatikani kimana naiti muyuwiyaiani pirata tepiyari meta hanira metatsiere pirata karawatuyari.

¹¹ Yaxeikiata heutatewame tayetatsie huta tewiyari heimana 'auxiwi meturuyari pexeyani, 'ixuriki hawitikaime meta xeitewiyari kiyexi mika'uni piyini meta yaxeikia paimeme hetsiena ma'uni wurunitse tepiyari. Metatsiere kiyexi hanira pexeyatikani meta kimana muyuwiyaiani metatsiere kwatsiturai naiti pirata tepiyari pitihikitini.

¹² »'Etsimeuyewatsie tau makayuyuipeke hepatsie, xeitewiyari heimana huta meturuyari heimana 'imeriyu peutatewani, 'ixuriki meuwire pexeyani, tamamata kiyexi mika'uixiani meta hepaina paimeti hetsiena ma'uni wurunitse tepiyari.

¹³ Yaxeikiata tau manatineika hepatsie, xeitewiyari heimana huta meturuyari heimana 'imeriyu pexeyani.

¹⁴ Miranutahakitiretsie xeitapatsie 'atahuta meturuyari pexeyani 'ixuriki meuwi, haikati kiyexi piyini muka'uni meta haikati hetsiena ma'uni,

¹⁵ yaxeikiata piti'aneni xeitapatsie.

¹⁶ »Kuraru kitenie 'ixuriki peuwiere 'atanauka meturuyari tewiti, piwewiyaka wita miyitsikimaiyeki, kwimixetaki, mixetaki, rinu witsimi'ane hetsie raxuiyakame, meta naukame kiyexi pexeyani naukameta hetsiena ma'uni.

¹⁷ Naiti kiyexi takwa mukunama, hanira pexeyatikani, meta pirata kwatsituraiyari, metatsiere wurunitse tepiyari mituikaxiani.

¹⁸ Takwa huta tewiyari heimana 'auxiwi metu-
ruyari pitewini meta xeitewiyari heimana huta
meturuyari heimana 'imeriyu patayeuka, rinu 'ix-
urikiyari 'aixia mi'anene hexeiyakame huta metu-
ruyari heimana xeitewiyari heimana tamamata
tsenitimeturuyari titikame, meta mituikatika wu-
runitse pihikitini.

¹⁹ Naiti manuyemitsi mikatsunirixiani meta
tita tukita mutiyukumauwa wurunitseki pitiyini,
metatsiere kurarutsiemieme mikatsunirixiani.

Kixeme hatseitiyari

(Mem 27:20-21 - Maw 24:1-3)

²⁰ »Mipai ketiniwaruta'aitia 'ixaheritsixi huriwa
hatseitiyari hikame memimatsi'atirieniki,
kixeme yuheyemeki mitatikaniki.

²¹ 'Aruni meta niwemama tikariki yamekateni-
taiyakakuni Yawé hixie 'ixuriki tukiyarita, 'ixuriki
meuwie hixie tiratu kakuniyari muyekatsie. 'Iki
'aitsika 'ixaheritsixi mepaye'atiaka, yuheyemeki
wanuiwarima yunaiti.

28

Mawari wewiwamete wakemari

¹ »Merikite 'a'iwa 'Aruni keneuta'ini meta niwe-
mama Narawi, 'Awihu, 'Eriyatsaxi meta 'Itamaxi.
'Ixaheritsixi watsata miki mawari wewiwamete
mepihikitini.

² 'A'iwa 'Aruni kamixateya ketineuti-
wewi mipatsietika mimariweniki 'aixia
mitixeyariekaki.

³ Ketinewarutaxatia temaiwawemete
yanemitiwarupitia, 'Aruni kamixaya
memitiwewieniki 'ixuriki miraye'atikaki, mipai

'ana nemitipataki nemawari wewiwame mayaniki.

⁴ »Kemarite pemititiwewieni 'iki pitihiki: kamixa 'etsiminena, kuka mekatini, kamixa 'emitewi, xeime kamixa 'atewime tixukame, hiiyame meta xupureru. Miki kamixate mitipatsietika 'Aruni pepititiwewirieni meta niwemama nemawari wewiwamete memihikitiniki.

⁵ Miki pemititiwewieniki huru pepuyurieni, meta 'ixuriki miyitsikimaiye, kwimixeta meta mixeta metatsiere rinu 'ixurikiyari.

*Kamixa 'etsiminena
(Mem 28:6-14 - Mem 39:2-7)*

⁶ »Kamixa 'etsiminena pitaxuire huruki, hiru miyitsikimaiyeki, kwimixetaki, mixeta meta rinu 'aixia mi'aneki.

⁷ Naiparieyatsie pawitikani ya'atayeyeut, mikiki makuwiwierikeniki.

⁸ Hiiyame tixukametsiere, kamixa manuhiayani, huruki, 'ixuriki miyitsikimaiye, kwimixeta, mixeta, meta rinu 'ixurikiyari 'aixia mi'ane miki naiti puyuxewiriyani.

⁹ »'Unitse teteyari keneutitiki hutame, mikitsie keniwara'utia 'Ixaheri niwemama tamamata heimana huta memiyupaime

¹⁰ kememiteheukunuiwa, xeime tetetsie me'ataxewime keniwareu'utia, meta me'ataxewime xeimetsie.

¹¹ Tetexi witsimi'anene mitixixiwa, katineu'utiaxiamiki tseyu kemitiwewiwa hepai: hurutsie piwetsitiaxiani,

¹² hiki kamixa 'etsiminena wiwierieyatsie kanekayatsaxiamiki. Mipai 'ana 'Aruni

yunaiparitsie puwara'utiatikani 'Ixaheri niwemama, Yawé mɪwara'eriwaniki.

¹³ Keneutiwewita huru 'etsipepeme 'anuyexax-awame mana pemeiyatsaxianiki,

¹⁴ meta hutame huru kaunariyari keneutiwewi, huru meukateitsie mawirixianiki.

Mawari wewiwame kukaya

(Mem 28:15-28 - Mem 39:8-21)

¹⁵ »Tawitsie mieme kuka heitserie mitikuxata, pepitawewieni tixukame huruki, hiru miyitsikimayeki, kwimixetaki, mixetaki rinu 'aixia mɪ'aneki, yaxeikia rewewiyakame kamixa 'etsiminena hepai.

¹⁶ 'Ayehutame pepiyurieni yaxeikia heutatetewame, xetewiyari tsenitimeturuyari 'ayetewime meta xetewiyari tsenitimeturuyari 'atayeukame.

¹⁷ Pepeiyatsaxiani naukakia tetexi 'anukutetikaime witsimi'anene. Mexiakame mukukatsie keneuyatsaxia xetameki, taxaiyemeki meta tsiiraiyemeki mutimerikatika,

¹⁸ hutariekata, yuawiti tsiiraiyemeki, yuawimeki mukutuxie meta tuxameki mutimerika,

¹⁹ hairieka miemetsieta, merie xetati taxaiyemeki, tuxameki kapemaiyemeki meta miyitsikimayeki,

²⁰ naurieka mukukatsieta, taxaiyeti, kwimiyiwi meta tsiiraiyemeki. Hurutsie hatetikaime pepeuyatsaxiani.

²¹ Tamamata heimana huta pipaimeni tetexi, xexuiti nuiwaritsie puwa'iniaritini. Xexuime tetetsie 'Ixaheri niwemama tamamata heimana huta memiyupaima mepa'utikani tseyu hepai.

22 »Huruki kuka wiwieriari keneutiwewi ya'atayeume, mukutapierikeni 'awitikaime.

23 Kukatsie hutame huru hanirayari kenamanaxia tapa mutatsikuritikatsie.

24 Kenawitaxia huru kaunariari kuka hanirayaritsie.

25 Huru kaunariari muhuta mayexaxawa kamixa 'etsiminena naiparieyatsie pepekuwitaxiani makatireki yihixie.

26 »Hutameta hanira keneutiwewi, kukatsie hetiana paiti muta'itsikinatikatsie kenamanaxia kamixa 'etsiminenatsie mitinakeniki.

27 Yaxeikiata hutame huru hanirayari keneutiwewi, kamixa 'etsiminenatsie kenamanaxia naipari hetiatsie hiyame manukuka heima keneuwipaxia.

28 Hanira kuka hetsie mamane kamixa 'etsiminena hanirayari hamatia pihire 'ixuriki yuawimeki, hiyame puwatseiriyani kamixa kuka matia muyuwiyaniki.

29 Mipai 'Aruni kepauka Muyepatsietsie meutahani yutawitsie pekatikini, kuka 'aixia miti'ane mitikuxataniki, 'Ixaheri niwemama kememitetetewa piwara'utiaka, Yawé muwara'eriwaniki.

30 Tawitsie mieme kuka heitserie mitikuxata, muwa pepeikayatsa 'urimi meta tumimi. Mipai kepauka 'Aruni Yawé hixie meutahani peixeiyani yutawitsie 'ixaheritsixi wa'inari.

Hipati kemari mawari wewiwame

(Mem 28:31-43 - Mem 39:22-31)

31 »'Ixuriki miyitsikimaiye pepiyurieni kamixa 'etsimitewi heima mieme,

32 hixiapa hewatitenime mu'u rewatinakeme. Mewatitenitsie 'atatenime, kamixa 'etsim̃tewi kemirewewiya hepai, mika'ukatsanikeniki.

33 'Ixuriki tenimeyaritsie putuni wita miỹtsikimaiyeki kwim̃xetaki, m̃xetaki wewiyatikaime, meta huru kapanayari 'anayewitikaime.

34 Naime 'ixuriki tenimeyaritsie kapana meta wita putuniyari kenatawitia.

35 Miki 'ixuriki 'Aruni penakatikini kepauka miti'uximayaka, kapana mutitiraurikaniki kepauka Yawé hixie Muyepatsietsie miyeyeikani, mipai miki mikaminiki.

36 »Huru tep̃ayari keneutawewi 'etsitsuikame 'etsiyume, hetsiena ketina'utia tseyu hepai re'ukame: “Mipatsie Yawé Hetsie Mieme”.

37 Keneuwipa mukuretsitsie 'ixuriki ỹtsikimaiyemeki, miki hixiena tikunanakeme.

38 Miki tep̃a tseyuyari 'Aruni yukanata yakatinemakamiki, mikiki Yawé naime 'ixaheritsixi wamawari minaki'eriekaki, mipai 'Aruni 'axam̃ti'ane yuhetsie p̃tikuh̃weni kepauka mawari mem̃yetuayanitsie.

39 »Kamixa 'am̃tewi meta mukuretsi rinu 'ixurikiyari pep̃iyurieni. H̃iyame p̃itseni witsireukuwewiyati.

40 'Aruni niwewema kamixa 'am̃iti pekaniwatiwewiriemiki, kuxira meta mukuretsi, miki naiti witsipiti'aneneni 'aixia mem̃texeyariekaki.

41 Xikari pe'itikemaritiani 'a'iwa 'Aruni meta niwemama, pep̃iwakawirieni hatseiti pem̃wahiritiani heitserie memexeyaniki

mepatsieti mete'aitati nemawari wewiwamete memihikitiniki.

⁴² »Metatsiere weruxi keniwarutiwewiri 'etitime wateurite minakaki meta memayihayatsie 'atikaime.

⁴³ 'Aruni meta niwemama kepauka memeu-tahaxiani tukita mikita mepuyewetikani, yatini kepauka 'aurawa memikine 'ikwa mawariyari matitaiyariwatsie meteta'uximayatake Muyepatsietsie, xika mipai mekate'uyurieni mekanikwikuni. 'Iki 'aitsika kanihikitini 'Aruni hetsiemieme meta nuiwarimama hetsiena memiyekine.

29

*Mawari wewiwamete kememite'upatsie
(Mem 29:1-37 - Maw 8:1-36)*

¹ »Pemiwapataki nemawari wewiwamete makineki nehetsiemieme, mipai pekatiniyurimiki: Xeime tsikeru pekanimiemiki xeiwiwari hikame meta yuhutame muxatsi 'ukitsi 'aixia me'anenekame,

² tiriku mitixiyariki paa pepitiwewieni meta tsuira tikuxanariyame kanikame piwiyamatikani xeikia, yaxeikiata kixau tikuxanariyame kanikame pepitiwewieni wiyamatikaime.

³ Tsikiwititsie paa kenekamana, tsuira meta kixau metatsiere meyuhutame muxatsi 'ukitsi keneneuxatia.

⁴ Hiki pepiwaranuwitini 'Aruni meta niwemama 'ixuriki tukiwari manuwe hixie, mana pepiwa'ia.

⁵ 'Aruni kemarite ketinanakatitia kamixa 'amitewi meta heriemieme kamixa 'etsiminena

hixiena mieme yunikame kukayari meta kamixa
tixukame. Kuka tawitsie mieme pitapierixiani
hiyametsie

⁶ mukuretsi mu'uyatsie kenanukuwiri meta
tseyu hamakama mipatsie.

⁷ Hatseiti mitiyupata keneukawiri mu'uyatsie.

⁸ Hikita niwemama keniwarawitika kamixa
'amititi keniwaranakatitia,

⁹ meta mukuretsi hetsiemieme, hikita
'Aruni meta niwemama wahiyameki
pepiwaranahixiani. Mipai pepitiwahiritiani,
meta mawari wewiwamete miki nuiwari
wahetsiemieme 'aitsika pihikitini yuheyemeki.

¹⁰ »Tsikeru kene'atia tuki hixie mana 'Aruni
meta niwemama mu'uyatsie yumamaki memeu-
timeniki,

¹¹ mana Yawé hixie pepitimawa tsikeru.

¹² 'A'itiwameki xuriyatsie keneme'i
mawari taiyame 'awayatsie keneuxurima,
muyuhayewata xuriya mawari taiyame hetia
pepitiyeurieni.

¹³ Nema meta muume muhuta wiyayari
mi'eimatika keneukaxiteki naime, keneutitaiya
mawari taiyametsie,

¹⁴ peru tsikeru waiyari, nawiyari meta kwitaya
pepitiitaiya 'ateewa xemakuteitsie, miki mawari
memi'itiyaniki pihikitini.

¹⁵ »Xeime muxa 'uki pepiwahana 'Aruni meta
niwemama mu'uyatsie memeutimeniki,

¹⁶ hiki pepitimawa, xuriyayaki mawari taiyame
pepita'iya meta nauka 'etsatanayaritsie.

¹⁷ Muxa keneutixitexia, kwinuri petihauxime
meta 'ikateya, 'etsimipepetsie perapime meta

muxa mu'uya,

¹⁸ muxa naime pekanitataiyamiki mawari taiyametsie. Miki mawari taiyariyari, 'imikieri taipa warikariekame kanihikitini, witsimu'ia Yawé minake.

¹⁹ »Xeime muxa tawari kene'atia, 'Aruni meta niwemama mu'uyatsie memeutimeniki,

²⁰ hiki muxa pekanimiemiki, 'Aruni nakaya heima 'etsiwa tserietana mieme pekanixurimamiki yaxeikiata niwemama, meta wa'itiwame 'amupapa watserieta miemetsie meta wa'ikatsie 'amupapayari watserieta miemetsie. 'Ariketa mawari taiyame xuriyaki pekanita'iyamiki meta nauka 'etsatanayaritsie,

²¹ meta 'etsiwa xuriyaki metatsiere 'etsiwa hatseiti mitiyupataki, 'Aruni niwemama yunaime keniwaruti'iya wakemaritetsie. Mipai 'Aruni meta niwemama mepatsieti mepakine meta wakemarite tipatsieti pirayani.

²² »'iki muxa mawari wewiwamete miwapataki mi'ayumiemeki, kwaxieya keneuti'uta, kwinurite wiyayari, nema, muume muhuta, meta teuri tserietana mieme.

²³ Paa tsikiwititsie miyemane tikuxanariyame mikaniitarie Yawé hixie mama, xeime paa pekananati'imiki meta tsuira miwiyama xeimeta mikixauni,

²⁴ naime 'Aruni meta niwemama ketini-wayetuiiri teiki memeitseraki mawari Yawé hetsiemieme mihikiki.

²⁵ Miki kwitiwa mepimatsiyetuirieni 'eki Yawé hixie pemititaiyaki mawari taiyametsie mawari taiyariyari witsimu'ia yinikame, 'iki 'imikieri taipa

warikariekame kanihikitini Yawé hetsiemieme.

²⁶ 'Ariketa muxa tawieyatsie mieme wai pekananatituimiki, mi'iniariyariki 'Aruni kemiranayexeiyarie nemawari wewiwame mayaniki, hiki mawari Yawé hixie pekaniyuitiwamiki, 'iki kani'ayumiemetini mawari muyuitiariwa mihikiki. Miki muyuhayewa 'ahetsiemieme payani.

²⁷ »Keneuti'uta tsikeru waiyarieya tawitsie mieme mawari muyuitiariwa mayeitiarie 'Aruni meta niwemama heitserie memipitiarieniki, yaxeikata teuri mawari mayeitiarie, miki piwahetsiemieme.

²⁸ 'Ipai tipaimeti xehetsiemieme pirayeikani kepauka 'ixaheritsixi 'aixia memiteyuxeiya mawariyari memiwewie Yawé hetsiemieme, miki mepiteyetuiriariwani 'Aruni meta niwemama.

²⁹ »'Aruni kemarieya mipatsie 'uxa'atiniwarie nuiwarimama wahetsiemieme payani, heitserie memexeianiki mepatsieti mete'aitati mawari wewiwamete memihikitiniki.

³⁰ Tsepa ke'aneti mawari wewiwame 'Aruni nuiwarieyatiti netukita munuani muyepatsietsie mitita'uximayataki, miki kamixate piranakatikini 'atahuta tukari.

³¹ »Miki muxa kimana memupatsie, keneuka'etsa xaitsie muyepatsietsie.

³² 'Ixuriki tukiari manuwe miranutahakitiretsie, 'Aruni meta niwemama muxa waiyarieya mepitikwani meta paa tsikiwititsie miyemane.

³³ Miki 'imikieriki mepi'itiyaka, mikiki heitserie memexeianiki mete'aitati meta mepipatsie,

miki xeikia mepiyiwaweni memitikwani, xewiti tawarita pikayiwe, mawari mipatsie mihikiki.

³⁴ Xika 'uyuhayewa muxa waiyarieya meta paa, 'uxa'arieka keneutitaiya. Pikayiwani mitikwaiyaniki, miki mawari mipatsie mihikiki.

³⁵ »Yaketineuyuri kenematiu'aitia 'Aruni hetsiemieme meta niwemama wahetsiemieme. 'Atahuta tukari pepuyurieni miki hiritiarika pemiwapitianiki.

³⁶ Xexuime tukaritsie tsikeru xeime peputi-mawani kimana xemi'itiyakaki. Pi'itiyaka mawari taiyame mawari hetsiena mieme pepiwewieni, hatseiti mitiyupataki pepi'iya.

³⁷ Mipai pepitiyurieneni 'atahuta tukari. Mipai mawari wewiwame meta tita mitiyuitiani 'itiyati payani.

³⁸ »Xexuime tukaritsie pepiwarutimawani yuhutame muxatsi xeiwiwari memihitika mawari taiyametsie.

³⁹ Ximeri kahekiareyu xeime pekaniti-mawamiki, xeimeta taikai.

⁴⁰ Ximeri pemitimawa matia, huta kiruyari tiriku mitixiyari pepitimawa meta huriwa hatseitiyari nikame, meta winu xeirituruyari.

⁴¹ Xeime taikai pemitimawa muxa, miki mawari taiyariyari payani, witsimu'ia Yawé minake meta tinikame ximeri timieme hepai.

⁴² »Xenuiwarima memitinunuiwa yaxeikia Yawé hetsiemieme mawari taiyariyari mepuwewieka. Netuki 'ixurikiyari manuwe hixie xepiteyurieka, ne 'ahamatia mana nemirataxatatsie,

⁴³ yaxeikia 'ixaheritsixi wahamatia nemanetix-exeiriwatsie. Netirikariya witsimi'ane mana katinakupatamiki.

⁴⁴ »Patsiekame nekanayeitiamiki miki tuki 'ixurikiyari meta mawari wewiwame, meta 'Aruni meta niwemama mepatsiekame nekaniwarayeitiamiki memite'uximayakaki nehetsiemieme mawari wewiwameteki.

⁴⁵ 'Ixaheritsixi wahamatia nekaniuyeikamiki, wakakaiyari nepihikitini.

⁴⁶ 'Ana mipai mepitehetimani kename ne Yawé nehiki wakakaiyari. 'Ekipitu nemiwarayewiti wahamatia nemuyeikaniki. Ne Yawé xekakaiyari nekanihikitini.

30

'Ikwa witsimu'ia taiyame mexayari (Mem 30:1-5 - Mem 37:25-28)

¹ »'Ikwa taiyame witsimu'ia mexayari keneutawewi 'akatsiya kiyeyariki.

² Yaxeikia hatewatikaime, huta tewiyari heimana 'auxiwi tsenitimeturuyari 'ayetewime meta yaxeikia mipai 'atayeukame meta nauka tewiyari heimana tamamata tsenitimeturuyari 'aweme. 'Awateya naiti kaniyuxewiriyakamiki miki mexa matia.

³ Herie keneukawiri huru hikiame metatsiere naitsarie 'etsatana meta 'awateya, tenimeyaritsie huruki kenata'utia.

⁴ Tenimeyari manukaniere hanira kenamanaxia naitsata 'etsatana mana kiyexi meuye'uniki mikukweiyeneniki.

⁵ Kiyexi 'akatsiya kiyeyari keneuyuri, huru keneutiwiri.

⁶ 'Ikwa witsimu'ia mexayari 'ixuriki meuwie hixie keneutaketsa kakuni meukunama, kakuni kanamikieya hixie, ne mana nepimatsikihaweni.

⁷ »Mukatatarenitsie 'Aruni, kepauka kixeme 'aixia mukuyuruwanitsie, 'ikwa witsimu'ia yakatiniku-taiyamiki 'ikwa witsimu'ia mexayaritsie,

⁸ meta taikai kepauka mikutaiyanitsie. Xenuiwarima memitixuawere 'ikwa witsimu'ia yamekateniutitaiyakuni Yawé hetsiemieme.

⁹ Tawarita xeime 'ikwa yiki'aneme pepikataiyani miki 'ikwa witsimu'ia mexayaritsie, meta mana mawari taiyariyari pepikakuwewiwani, meta hatsite mawarikayari meta mana winu pepikaheutitu'ani.

¹⁰ Xeiwiyari 'anukayeikakaku 'Aruni 'itiya mawariyari pukuwewiwani memitinunuiwa wahetsiemieme memi'itiyaniki. Mawari taiyame 'awateya kanitixurimamiki 'axamitiuyuri mi'itiyaniki. Miki mawari taiyame yuheyemeki patsieti kanayeimiki Yawé hetsiemieme».

Tuminiki kememite'itiyaka

¹¹ Yawé Muiexi katiniutaxatiani mipai katinitahiawe:

¹² «Kepauka memaka'utiarieni 'ixaheritsixi, yuxexuti Yawé hetsia mekateniyutuakuni yutukaritsiemieme, memikatetikwikwineniki kepauka memiti'iniatsieni.

¹³ Yuxexuti memaka'utsie mekateniyutuakuni Yawé hetsiemieme 'ataxewime kiramuyari pirata, tuki kemiti'iniata hixiapa 'akame.

¹⁴ Yunaiti memaka'utsieni xeitewiyari wiyari memihitika miki mawari mekaniyetuakuni Yawé hetsiemieme.

¹⁵ Yutukari memitawikweitsitiani, yunaiti yaxeikia paipaimeme mekaniyetuaxiakuni, waikawa mirexeiya meta mikarexeiya.

¹⁶ 'Eki miki pirata pekanani'iimiki 'ixaheritsixi memiyetuan, pekaniyetuamiki 'ixuriki tukiari hetsiemieme mayaniki. Mipai xika xete'uyurieni Yawé 'ixaheritsixi kimana memite'uyutua kanix-eiyakamiki memikakwiniki».

Katsu maimawame

¹⁷ Yawé Mui sexi katiniutaxatiani, mipai katini-tahawe:

¹⁸ «Katsu maimawame keneutawewi 'ayeume wurunitse tepiyariki, meta 'ikayari yaxeikia wurunitseki wewiyakame, 'ixuriki tukiari manuwe meta mawari taiyame wahixiapa keneutaketsa. Haa kenakatu'a,

¹⁹ kimana 'Aruni meta niwemama mekanikamaimawakuni meta yi'ikate mekanitihauxinakuni.

²⁰ Kepauka memeutahaxiani tukita, yatini kepauka miratimawatire hepa memukine taiyari mawariari Yawé hetsiemieme mewewienike, mana meheuyuhaxinati

²¹ yumamatetsie meta yi'ikatetsie memikakukuweniki. 'Iki 'aitsika hawaiki pikahau'axe 'Aruni hetsiemieme meta nuiwarimama wahetsie».

Hatseiti mipatsie memukawiriyariwani

²² Yawé Mui sexi katiniutaxatiani, mipai katini-tahawe:

23 «Naime 'iki ketineukuxeiri witsimitiu'iatika 'aixia miti'anene: 'ataxewime kiruyari mixaxi mihaxiki, haika kiruyari witsimu'ia kanera, haika kiruyari 'uwá witsimu'ia,

24 'ataxewime kiruyari katsiya kararayari witsimu'ia, nauka rituruyari huriwa hatseitiyari, kemiti'iniarikai tukita 'ana.

25 Mipai tipaimemeki hatseiti pekanikawewimiki, witsimitiu'iatika tiwewiwame hepai. Miki hatseiti mipatsie kanayeimiki.

26 Mikiki 'ixuriki tukiyari pekanikawirimiki meta tiratu kakuniyari,

27 mexa meta naime mana mirapine, kixeme 'uitiwame meta naime tita mireutini'i, 'ikwa witsimu'ia mexayari,

28 mawari taiyariyari wewiwame naime tita mireutini'i, meta maimawame yaxeikata 'ikaya hetsiena muyema.

29 Mipai petiyurieme miki yemeki tipatsieti katinayeimiki, xika miki piinite tiukumayuan patsetita kanayeimiki.

30 »'Aruni meta niwemama keniwarukawiri, mepatsiekame keniwarayeitia nemawari wewiwamete memihikitiniki.

31 'Ixaheritsixi mipai pekatiniwatahiawimiki: "Ena mireutiyune, 'iki nehatseiti mipatsie kanihikitikamiki.

32 Hipameta teiteri xepikawakawiriwani, meta hatseiti hepaina reukuwewiyakame xepikawewieka. Miki hatseiti mipatsie kanihikitini, mipai xeketenemaika.

33 Kemi'ane xeme hepaina 'aneme witsimu'ia mikawewieni, xeime kemi'ane mikamawari

wewiwame mikawirieni, miki yukiekaritsie kanayeweyariemiki”».

'Ikwa witsimu'ia

³⁴ Yawé Muiťsexi mipai katiniutahiawe: «Yax-eikia tipapaimeme ketineukuxeiri hipame kiyexi tsuayari, meta 'amiwaxi, kariwanu meta 'ikwa hikia,

³⁵ miki naime ketineuniitia 'ikwa witsimuku'iare mayaniki, 'ikwa witsimu'ia wewiwamete wahapai. 'Una kenanutiwiwi, 'ikwa hikia mipatsie mihikitiniki.

³⁶ Yapaimeme keneutixi tumuanime kenayeitia, 'ixuriki tukiyarita kakuni hixie kenamana, hakewa ne 'ahamatia nemiretixaxatani. Miki xehetsiemieme 'ikwa witsimu'ia yemeki pipatsieka,

³⁷ tawarita hepaina reukuwewiyati pikayuwewieneni, miki Yawé hetsiemieme kanihikitini. Xeme mipai xeketenemaika patsiekame xekenayeitiaka.

³⁸ Kemi'ane miki 'ikwa witsimu'ia mikawewieni 'i'ikwimiti, miki yukiekaritsie kanayeweyariemiki».

31

Wetsareri 'Ahurihawi matia
(Mem 31:2-6 - Mem 35:30-35)

¹ Yawé Muiťsexi katiniutaxatiani mipai katinitahiawe:

² «Mipai ketinemaika Wetsareri nepanayexei, 'Urihi nu'aya meta Kuxi teukarieya, Kura xiiyarieya,

3 nekanihiniyani Kakaiyari 'Iyarieyaki,
mitimaiweniki, mitimateniki, kemitiuyurieni
kaniyiweni,

4 waikawa mitiwewiweniki huruki, pirataki
meta wurunitseki,

5 tetexi witsimi'anene mixiteweniki, meta
meitayatsaweniki, kiyexi haruruanime
mitiwewiwaniki, naime mititiwewiwaniki tita
mitimate.

6 »Meta xeime 'iparewiwame nepanayexei
'Ahurihawi mititewa 'Akitsamaki nu'aya,
Rani xiyarieya, meta nepiwarupitia
memitemateniki yunaime tewewiwamete yemeki
yamemiteyurieniki kenemimatiuta'aitia:

7 tuki 'ixurikiyari,
tiratu kakuniyari,
meta kanamikiyari,
meta tukita naiti piinite mitiyukumayuani,

8 mexa meta xakirite
meta kixeme 'uitiwame huruki wewiyakame,
meta 'ikwa witsimu'ia mexayari,

9 meta mawari taiyariyari matiwewiwa meta
ketipaimeti muwa mitiyukumaiwa,
yaxeikia maimawame meta 'ikaya,

10 kemarite mi'itsarietika, meta 'Aruni kamix-
ateya mitipatsietika metatsiere niwemama
wakemarite,

11 meta hatseiti memiwakawiriwa
meta 'ikwa witsimu'ia Muyepatsietsie mieme.
»Naime mepitetiwewieni ne kenematiuta'aitia».

Xawati tukariyari

12 Yawé Muitsexi mipai katiniuta'aitiani:

13 «Mipai 'ixaheritsixi ketiniwarutahiawi: "Xekena'eriwani xawati 'uxipiya tukaritsie. Nuiwarite memahu wahetsiemieme, xawati tukari 'iniari pihikitini nehetsiemieme meta xehetsiemieme, mipai xemitemaikaki ne Yawé nemenayexei miki tukaritsie xeminetsihahiaweniki.

14 »"Xawati tukariyari pipatsieka xehetsiemieme. Xekena'eriwani.

»"Kemi'ane mikaha'eriwani ke'umierieni.

»"Kemi'ane miti'uximayaka 'ana, tahamatia pika'uyeikani.

15 »"Ataxewi tukari xepite'uximayaka, peru xawati 'uxipiya pihikitini pipatsieka Yawé hetsiemieme.

»"Xewiti xika ti'uximayaka xawatiki ke'umierieni".

16 »'Ixaheritsixi mekehe'eriwani xawati 'uxipiya tukari. Wanuiwarite wahetsiemieme tiratu yuheyemeki kanayeimiki,

17 'iniari yamireuyuhane pihikitini miki meta ne.
»Kaniyuritini, 'ataxewi tukari Yawé katiniutawewieni, muyuawi taheima mieme meta kwie, 'atahutarieka tukaritsie puka'uxipi».

18 Kepauka mitiutahayewaxi tikuxatati Tsinahi hiriyaritsie Muitsexi matia, hutame tetexi pi'itia 'iniari niukiyari maye'uxa pihikitikai Kakaiyari miraka'utia mana yumamaki.

32

Huru tsikeruyari

¹ Merikitsi Muitsexi 'ekatineutewikaitini kanuaweti Tsinahi hiriyaritsie heyeikati, hiki 'Aruni

hixie 'ixaheritsixi me'u'axiaka mipai mekateni-tahiawe:

—Peuyewetse kakaiyarixi pemitatsitiwewirieni memitatsi'uwitiximeniki, Muitsexi 'Ekipitu mitatsi'ayewiti, 'atsitepikatemate kemeyi kemireyinixi.

² 'Aruni mipai katiniwaruta'eiya:

—Huru nakitsayari xekeniwarutawawiri yu'itama, yuniwema 'ukitsi meta 'ukari, nehetsia xekene'atia.

³ Yunaiti 'ixaheritsixi huru nakitsayari memex-eiyakai, menenuyexinaxiani 'Aruni mekaniye-tuirieni,

⁴ huru hanutikika kanitikwaniya, 'ipinaka kakaiyari kaniutawewieni, tsikeru hepai 'aneme. Hiki yunaiti teiteri mipai mekaniutiuyuani: «'Ixaheri, 'iki 'akakaiyari kanihikitini 'Ekipitu mimatsi'ayewiti».

⁵ 'Aruni 'ixeiyati tuuru, mawari taiyame kani-utawewieni tsikeru hixie, hiki mipai kaniutayini:

—'Uxa'a 'ixiarari tekaniwewikuni Yawé het-siemieme.

⁶ 'Uxa'arieka ximeripaiti 'ixaheritsixi mekananuku'uni mekateni'atiani mawari tai-yariyari meta kename 'aixia memiteyuxeiiyaniki mawariyari. Hiki yunaiti mekananukayaxe mekateniukwani mekaniuti'ieni, kemitiwanake mekaniyiakaitini.

⁷ Merikitsi Yawé Muitsexi mipai katiniutahiawe:

—Xeiya kenanukaye'a teiteri 'Ekipitu pemiwarayewiti 'axamepityurie.

⁸ Yapauka mepeuyexiri huye mepuku'eiri, kenemitiwaruhiritia, huru me'ukwaniyaka yukakaiyari xeikia mepika'utawewi tsikeru hepai

'anekame, matsi hixienata mepukatunuma'ui, mawari mepiwewiri, meta mipai meputiyua: “Ixaheri, 'ena 'akakaiyari 'Ekipitu mimatsi'ayewiti”.

⁹ Yawé tawarita Muitsexi mipai katiniutahiawe: —'Ari nepiretima 'iki teiteri mepitsetse'i.

¹⁰ 'Eki wahetsie pepikanuaka. Nehaxia nepitatuani wahetsie, nepiwakwini yunaime. Peru 'ahetsie nuiwari nepiwatamiriya.

¹¹ Muitsexi Yawé yukakaiyari kaninitiamikikaitini mipai katinitawawirieni:

—Neuxei Yawé, ¿ateiterima wahepaitisa pepikaha'aka, pemwarayewiti 'Ekipitu 'atirikariyaki waikawa petiyurieneti?

¹² ¿Mipai memika'utiyuaneniki 'ekipitutari, kari miki piwarayewiti wakwimiti yeuta paiti, 'ena kwiepa memeuyeweniki? Pepikaha'aka ketine-unewi. Keneuyinitia, 'ateiterima wahetsiemieme 'axapepikatiyurieneni.

¹³ Keniwara'eriwani kepemitiwarutahiawixi, 'Apirahami, 'Itsahaki, 'Ixaheri meta. 'Eki mipai peputayi kename wanuiwari pewatamiriyakekai, kememiteyuxexeiya xurawetsixi muyuawitsie, 'eki pepiwaruxatia kwie wanuiwari wahetsiemieme mayaniki yuheyemeki.

¹⁴ Hiki Yawé kaniuhaxapieni, katiniuhayewa yuteiterima kemwayurienikekai.

¹⁵ Merikitsi Muitsexi kaninuani hiritsie 'akaneka. Kepauka munua tetexi kana'ikaitini hutame wewerime, mikitsie 'iniari niukiyari kana'utikateitini naitisata.

¹⁶ Miki tetexi meta mira'utikatei, Kakaiyari wewiyaya kanihikikaitini.

¹⁷ Kutsuhexi kepauka teiteri wahiwari mu'eni, Muiťsexi mĩpai katiniutahiawe:

—Tematiteitsie hiwari waikawa pexuawe pĩreyukwine.

¹⁸ Peru Muiťsexi mĩpai katinitahiawe:

«Kepemiti'ena memĩtehayu'iwarĩmeki
mepĩkatehehiwa,
meta meha'iwarieti mehetitsuati
mepĩkatehehiwa,
matsi pita kwikari pekatiniu'enieni».

¹⁹ Kepauka Muiťsexi hiritsie 'akaneka munua mematiteitsie meta kepauka tsikeru muxei meta teye'amete, kaniuyeha'ani waikawa, miki tetexi ma'ikai kaneixĩrieni, kaniutitare 'etsipepeti ka-neutaxĩriexiani hiritia.

²⁰ Hiki tsikeru memutawewiekai taipa kaneuhiani, 'ariketa 'itataraka temixikiyari 'uhatuĩyaka kaniwaruharitiani 'ixaheritsixi teiteriyari.

²¹ Meta 'Aruni mĩpai katiniutahiawe:

—¿Kememate'utahiawixi 'iki teteiteri? ¿Ketitayari teiteri petiwarupitia 'axamemiteyurieniki?

²² 'Aruni mĩpai katinita'eiya:

—Neuxei ne'iwa, pepĩkaha'aka, 'eki pekatini-maika 'iki teiteri 'axamepĩte'u'iyari xeikia.

²³ Miki mĩpai mekaneteniutahiawe: “Peuyewetse kakaiyarixi pemitatsitiwewirieni memitatsi'uwitiximeniki, Muiťsexi 'Ekipitu mitatsi'ayewiti, 'atsitepikatemate kemeyi kemireyunixi”.

²⁴ Ne mĩpai nepitiwarutahiawixi, yunaiti kemi'ane huru xemexeiya xekeneukuxeiri. Miki

mekaneni'atiirieni, neta taipa nekaneixirieni, hiki miki tsikeru hepai 'aneti kanayani.

²⁵ Hiki Muiťsexi 'ixaheritsixi teiteriyari wamaiti ke'axamemiteku'eriwakai pita, meta 'Aruni kemitiwarupitiakai 'atsieriwamete memakineki memiwaraye'unie wahetsiemieme,

²⁶ hiki memakutei kitenie 'utakeka mipai kaniutayini: «Keyupaimeti xemiyuwairiya Yawé hetsiemieme, nehetsia xekenakini». Yunaiti rewitsixi mekaniukine hetsiana.

²⁷ Merikitsi Muiťsexi mipai katiniwarutahiawe: «Yawé, 'Ixaheri Kakaiyarieya, mipai katina'aitani: «Yuxexuiti yukutsira xekeneukuha'aritiaka xekeneukakini naitserie 'ena xematiteitsie, kemi'ane xemanukunake xewatakukuyati tsepa mixe'iwa, mixehamiku, tsepa xe'aurie kiekame”».

²⁸ Muiťsexi kemitiwaruta'aitia miki rewitsixi mipai mekatenikakine, miki tukaritsie haika miriyari 'ixaheritsixi mekaniwarukwini.

²⁹ Hiki Muiťsexi mipai kaniutayini: «Hiki xeme tirikariya xekaniupitiarieni Yawé hetsiemieme, 'iki tukaritsie 'aixia xekaniu'itarieni xeme, yu'iwama meta yuniwema xemiwarukwi».

³⁰ 'Uxa'arieka tukaritsie, Muiťsexi mipai katiniwarutahiawe 'ixaheritsixi teiteriyari: «Xemetsi kwinimieme 'axaxekateniuyurieni. Peru hiki hiritsie nekanimieni Yawé nemetahiaweki, heiwati xereuyehiwirieni Kakaiyari ke'axaxemite'uyuri».

³¹ Hiki Muiťsexi heyaka Yawé mipai katine-tahiawe:

—Waikawameki 'axamepite'uyuri 'iki teiteri, huru kakaiyarixiyari mewarutiwewieka.

³² Peru, nepimatsiwawirie wahetsiemieme pemitiwareuyehiwirieniki 'axakememite'uyuri. Peru xika 'eki pekatiwareuyehiwirieni, neta kenenakayeitia 'axapatsie pemiraka'utuatsie.

³³ Yawé Muitsexi mipai katiniuta'eiya:

—Ne nekanekayeitiamiki nexapatsie, kemi'ane xeikia 'axamitiuyuri.

³⁴ 'Eki kenemie, keniwaranuwitiki 'iki teiteri hakewa nematsihetaxatia. Niuki tuayame 'ahixie kaniumiemiki. Tukari kanaye'amiki kepauka nemíwa'uximatiani 'axamemite'uyuriki, 'ana mipai pitiyini.

³⁵ Mipai katiniyini, tsikeru 'Aruni mutawewiki, Yawé kwiniya kaniwareyeni'airieni teiteri 'ixaheritsixi wahetsie.

33

¹ Merikitsi Yawé Muitsexi mipai katini-utahiawe: «Xekeneuhuni 'eki meta teiteri 'Ekipitu pemíwareyewiti, miki kwieyaritsie nemíwaruhiritia, 'Apirahami, 'Itsahaki, Kakuwu newaxatati, yunuiwarima xemíwayetuirieniki.

² Niuki tuayame nepanuni'ani 'ahixie 'anuyekaiti mumieniki, nepíwataweiya miki kananeutsixi, 'amuxeutsixi, hetitsixi, peretseutsixi, heweutsixi meta kewutseutsixi.

³ Xekaniyehuni miki kwieyaritsie mana waikawa kanexuaweni retsi meta xiete. Ne xehamatia nepikayemie, xika xehamatia neheyani, huyeta nekanixehekwiweni, xemikaheu'enanaki».

⁴ Hiki 'ixaheritsixi miki niuki me'u'enieka mekaniutitsuani mekaniyukahiwerieni waikawa, yukuka mepika'atitixia 'anatiti,

5 Yawé mipai Muitsexi mitiutahiawekaiki: «Mipai ketiniwaretahiawi 'ixaheritsixi, teiteri memikaheu'enana mepihiki. Xika 'etsiwa wahamatia neheyani, nekaniwarekwiweni. Mipai ketiniwaretahiawi yukuka meke'atixinaxiani, 'arike yapitayini kexemiyurieni».

6 'Ayumieme, kepauka Huré 'ixaheritsixi memiyekitsietiti yukukate mepikatehatitixia.

'Ixuriki kiiyari tixaxatame

7 Merikitsi Muitsexi 'ixuriki kiiyari kaniutawewieni mematiteitsie yateewa. «'Ixuriki kiiyari Yawé hamatia tixaxatame» katiniteriwa. Kepauka xewiti Yawé hamatia mireuxatamikini, miki payeyeikakai mematiteitsie miki xamaru manuwe piye'ani.

8 Kepauka Muitsexi xamaru hepa meyeikakai, yunaiti teiteri yukitenie mekaniti'uwekaitini me'ixeiya, kepaukake 'ixuriki kiiyarita meutahakakai mirewatixaxatatsie.

9 Kepauka Muitsexi meutahani, hai 'amuwe nakatetekekaitini kitenie katineunarimakaitini, kepauka Yawé Muitsexi hamatia mitikuxatani.

10 Kepauka 'ixaheritsixi haiwitiri memixeiya xamaru tixaxatame kiiyari kitenie 'uweme, 'ana yunaiti mekanikatunuma'uwekaitini yukitenie Yawé nenewieri me'ipitiat.

11 Yawé pitiutixaxataikai Muitsexi hamatia yuhixie me'utineniereti, xewiti yuhamiku hamatia mitikuxatani hepai. Metetixatameri Muitsexi kanewayeyeikakaitini, 'iwamama makuteitsie kani'axekaitini, perutsi temaike Kutsuhexi 'iparewiwameya 'ixuriki

kiiyari tixaxatame muwa pikawayeyeikakai
pika'iku'e'eiriwakai.

Yawé xawatiriyaya

¹² Muitsexi Yawé mipai katiniutahiawe:

—'Eki peyutemawieti pepinetikihawe
kename newarayewitini 'iki teiteri, perutsi
'atsipepikanerahiawe kemi'ane pepanuni'ani ne-
hamatia. Mipaita peputaine kename ne 'ahamiku
nehiki meta kename penetsiparewiwame.

¹³ Xika yuriki mipai 'aneni, yakenetineutahiawi
kenemitiyurieni. Mipai 'ana nepiretimani ke-
name penetsiparewiwame. Mipai ketinemaika
kename 'ixaheritsixi me'ateiterima.

¹⁴ Yawé mipai kaniutayini:

—Ne 'ahamatia nepiyemie meta
nepimatsika'uxipitiani.

¹⁵ Muitsexi mipai katinitahiawe:

—Xika teyunaima tahamatia pekayemieni, Ɂtita-
yari tsikami petareni'awani?

¹⁶ Xika tahamatia pekaheyani, Ɂ'ateiterima meta
ne kemetehetimani, kename petatsiparewie?
ɁKetitaki tetepatsieka hipame teiteri kwiepa
memitama watsata?

¹⁷ Yawé mipai Muitsexi katiniutahiawe:

—'Aixia pi'ane mipai nepitiyurieni kepemaine,
'eki pepinetsiparewiwame meta pepinehamiku.

¹⁸ Muitsexi tawarita mipai katinitahiawe:

—Keneneuxeiyatsitia kepemitixawati.

¹⁹ Yawé mipai katinita'eiya:

—Ne 'aixia nepitiuka'iyari nepinewairiya
nepimatsixeitsitiani meta kenemititewa
pepeitimani. 'Aixia nepitiuka'iyari kemi'ane

hamatia neminewairiya, nepinenimaya kemi'ane nemeunenimayatamiki.

²⁰ Perutsi mipai nepimatitahiawe pepikanetsixeiya kenemiraka'erie, xewiti pikayiwe minetsixeiya, xika netsi'uxeiya kaniumimiki.

²¹ Yawé mipai katinitahiawe:

—Yateewa tete pikaka wayexawati mikita pe-payekani.

²² Kepauka 'a'aurie nemuyeyani waikawa nexawatiti, muwa teritia pe'ayekaima nemamaki nepimatsiheutinaka, kepaukake nemanuyeyani.

²³ 'Anake nepimatsiheukuyepieni peminctsi'anaxeyaki xeikia 'etsiwa, peru nehixie pepikanetsixeiya.

34

Hutari ekamieme tetexi miraka'utiarie

¹ Merikitsi Yawé Muitsexi mipai katiniutahiawe: «Hutame tetexi wewerime keneutixixi matiari kemi'anenekai pemititaraxi. Mana nepiraka'utiani meripaiti kemire'ukai.

² Ximeripaiti pepi'akuha'aritiani pemiyemieki hiritsiepai Tsinahi, manutitewatsiepai mana nehixie kenenua.

³ Xewiti 'ahamatia pikaheyeikani, yaxeikiata hiritsie mepika'u'uwani. Meta muxatsi mepikatewaremitiweni meta wakaitsixi miki hiri hixie 'ahurawa».

⁴ Hiki Muitsexi hutame tetexi 'utiwewieka 'etsitsutsuime meripaimieme kemi'anenekai hepai, kwi ximeripaiti kaneyani hiritsiepai Tsinahi, Yawé kemititahiawixi.

⁵ Hiki Yawé haiwitiritsie kananukatani Muitsexi 'aurie kaniyuhayewa. Kemititewa katinitaxatiani:

⁶ hixiena 'uyemietí mipai kaniutayini:

—Yawé, Yawé, Kakaiyari 'aixia mitiuka'iyari, nepikayumexitia nemiyeha'aniki, pimariwe nenaki'eriya, ne'iyariki 'aixia nepitiuka'iyari,

⁷ nepitiuyukanaki'erie 'atsita xeimiriyari nuiwariyaritsiepai 'arike, nepiyiweta xeime nemireuyehiwirieniki xika 'axatiuyurieni, xika kahau'enani, meta xika xurikime hexeiyani, peru nepikayiwe nemihayewa kemi'ane mirapine nemikatikwinitianiki, matsi paapaya, nu'aya, teukarieya, meta tutsieya nuiwariyaya piwa'uximatiwa.

⁸ Hiki 'ana kwitiwa Muitsexi ka-niukahiximakeni yutanenewienike,

⁹ mipai katiniuyunenewieni:

—Ti'aitame, xika yemeki penetsiparewi-wametini tahamatia keneuyuhayewa. Nepitimate 'iki teiteri yu'iyaritsie mepitsetse'i, hiki ketatineuyehiwiri 'axatemite'uyuriki, 'ahetsia miemete ketanayeitia.

¹⁰ Yawé mipai katinita'eiya:

—Tsiparatsi tiratu xeyunaime xehamatia nepiwewieni, 'ixaheritsixi wahixie mariweme nepitiyurieni, hatsuaku hawaiki mikareyiwe hepai. Teiteri mepineniere wahamatia pemuyeika 'ahetsie mariweme ne Yawé yanemitiyurieni.

¹¹ Xika xeme yaxetekahuni
kenemitixe'utahawixi, xika yaxetekakine.
Nepiwataweiya 'ahixie 'amuxeutsixi,

kananeutsixi, hetitsixi, peretseutsixi, heweutsixi meta kewutseutsixi.

¹² Xeme hakewa kwie nemixeyetuirieni mana tiratu xepikawewietiwani hipame teiteri mana kiekatari wahamatia xematiyaxetsie, mexika mipai xete'uyurieni xewiniyari ke'ayani xehetsiemieme.

¹³ Hakewa mawari mematiwewiwatiksie xekeneuti'unaxia, 'Atserá kakaiyarixiyari xekeniwarutitara meta tetexi mipatsietika memiwarayexeiya.

¹⁴ Hipame kakaiyarixi pepikawarayexeiyani, ne Yawé nekani'itetsaka. Kakaiyari mi'itetsa katinite-waka.

¹⁵ »Tiratu xepikawewieka mana kiekatari wahamatia, miki 'axamekateniyurieka yukakaiyarixi mewarayexeiyati, kepauka memitetimawa yukakaiyarixi wahetsiemieme, miki mekanixeti'inietikinikuni yuhetsia.

¹⁶ Xika xeniwema mewarutiwitini miki 'ukari, kepauka miki 'axamitiyurieni yukakaiyarixi waruweiyati, xeniwema mepita'inierieni wahepai memiyiakaki.

¹⁷ »Tepia kakaiyariyari pepika'awewirieka.

¹⁸ »Paa mikakuxanariyarie 'ixiarariyari xekeneutiwewiwani, miki xekeneutikwa'ani 'atahuta tukaritsie, kenematiuta'aitia. Miki 'ixiarari keneuwewiximeni weiya metseriyaritsie, miki metseritsie 'Ekipitu xemayekiki.

¹⁹ »Tiri mexiakate memitinunuiwa nehetsia mepimiemetetini, wakaitsixi meta muxatsi wamexiakate.

20 Tiiri mexiakate wahetsie pemitanuani piyiweni. Puxu mexiakame hetsie pepitanuani muxa mawariyari, xika mipai pekatiuyurieni kiipieya pekaniwakutaramiki.

»Nixewiti nehetsia pikahamieni tixaiti karapiti.

21 »'Ataxewime tukaritsie xeikia pepiti'uximayaka, 'atahutariekatsie pekani'uxipiekamiki. Tsepa xemukwietsanatiwe tsepa xemi'itsanatiwe, peuyewetse miki tukaritsie yemeki xemikate'uximayaka.

22 »Tsemana 'ixiarariyari xekeneutiwewiwani matiari mitiutixuxuawere, meta 'itsanaxa 'ixiarariyari xekeneutiwewiwani xeiwiaryari 'anayexiruwekaku.

23 »Yunaiti 'ukitsi meputa'axeni, haikakia xeiwiyaritsie nehixie, ne Yawé 'Ixaheri Kakaiyarieya hetsia.

24 Hiki 'ana nuiwarite 'ahixie nekaniwarayeweiyaxiamiki, 'akwie nepi'iwiyani xewiti 'axapika'iyurieni.

25 »Kepauka tewa mawariyari xeminetsiwewirieni, xuriyayatsie tikuxanariyame xepika'enutiniitiwani.

»Muxa Patsikwa 'ixiararipa mieme pikayukuhayeikawani 'uxa'arieka mieme mayaniki.

26 »'Ikwxaxi matiari mieme 'aixia mi'anene Yawé kiita pepiyetuanu 'akakaiyari hetsia.

»Tsiyu nunutsi maamaya retsieyatsie xepika'i'etsani».

27 Yawé Muitsexi mipai katiniutahiawe:

—'Iki niukiyari kenaka'utia miki tiratu nepiwewie 'ahetsiemieme meta 'ixaheritsixi wahetsiemieme.

²⁸ Hiritsie Muiťsexi puyuhayewaxi, Yawé hamatia, huta tewiyari tukari huta tewiyari tikari, katikwati kahareti. Mana tete wewerimetsie katinaka'utiani tiratu kememite'uwewi, tatsiari tamamata 'aitsikayari.

Muitsexi kemirayexawatikai

²⁹ Hiki Muiťsexi kepauka Tsinahi hiriyaritsie makane hutame tetexi 'a'iti 'iniari niukiyari maye'utika. Yawé hamatia mitiutaxatakaiki kanayexawatikaitini peru miki 'atsipikatimaikai.

³⁰ Kepauka 'Aruni meta 'ixaheritsixi Muiťsexi memuxei 'ayexawatime, meputimama 'ahurawa mepikakinikukai.

³¹ Matsi Muiťsexi 'Aruni kaniuta'inieni meta memanuyetei, miki hetsiana mekaniu'axiani memitetixataki.

³² 'Ixaheritsixi 'ahurawa mekanikine, Muiťsexi mipai katiniwaruta'aitiani memi'enananiiki Yawé kemirehiawekai Tsinahi hiriyaritsie.

³³ Hiki kepauka mitiutahayewaxi Muiťsexi tikuxatati, yuhixie kaneuyukunani 'ixurikiki.

³⁴ Kepauka meutahakekai Yawé hamatia retix-atake kaneuyukuyepiwakaitini mexi kawayeyeiweni. Wayeyame katiniwarutixaxatiwakaitini 'ixaheritsixi Yawé kemitita'aitiani kemitiwatahiawe.

³⁵ 'Ixaheritsixi memixeyakaiki 'ayexawatime, Muiťsexi tawarita kaneuyuku'eimakaitini kepauka Yawé hamatia mititixata.

35

Tniari niukiyari xawatitsiememe

¹ Merikitsi Muitsexi kaniwarukuxeri
yunaime 'ixaheritsixi, mipai katiniwarutahiawe:
«'Iki Yawé kani'aitsikayatini mipai temitekakineki:

² 'Ataxewime tukari xeikia
xekateni'uximayakakuni. 'Atahutarieka tukaritsie,
xawatiki, miki tukaritsie xepikate'uximayaka
Yawé hetsiememe kanipatsieka. Kemi'ane
miti'uximayaka miki tukaritsie kanimieriemiki.

³ Xawatiki nixewiti pika'atinanaiyani yukie».

Tukitsie timieme

(Mem 35:4-19 - Mem 25:1-7, 39:32-41)

⁴ Muitsexi mipai katiniwarutahiawe 'ixaheritsixi
yunaime: «Yawé mipai katatini'aitiaka:

⁵ Xekateniyetuakuni tita xemitehexeiya
Yawé hetsia timieme mirayaniki huru, pirata,
wurunitse,

⁶ muxa huxarieya 'uarietikaimeme
muyitsikimayeki, kwimixetaki meta mixetaki,
rinu 'ixurikiyari 'aixia mi'ane, kapura huxarieya,

⁷ muxatsi 'amemipapa wanawiyari mixeta, ketsi
'amipa nawiaryeaya, 'akatsiya kiyeyari,

⁸ huriwa hatseitiyari kixemetamieme,
witsimu'iatika hatseiti memiwakawiriwa
hetsiememe meta 'ikwa witsimu'ia hetsiememe,

⁹ 'unitse teteyari meta hipame witsimi'anene
kamixa 'etsiminena hetsiememe mayaniki meta
kuka mekatini hetsiememe.

¹⁰ »Yunaiti naimeki memiteheutawewiwawe
mana memixuawe mekanahuni 'ena miki
mepiyiwaweni memitetiwewieni Yawé
kemit'i'aita:

11 tuki, heimana manuka'eimire, meta 'ixuriki 'amīyeyeu, yukwatsiturai hexeiyatikāime, mexa 'amatayeyeu, manuyehini, meta mika'uni meta hetsiena ma'uni,

12 kakuni meta kiyexi manukuhini hexeiyame, kanamikieya, meta 'ixuriki kakuni meukunakaki,

13 mexatsie meta kiyexi manukuhini hexeiyakame, mana mirapinire, paa mana mamare.

14 Kixeme 'uitiwame mikixeniki meta tita mirakapine, kixemete, hatseitiyari,

15 'ikwa witsimu'ia mexayari kiyexi hexeiyame manukuhini, hatseiti memikawiriyariwa, 'ikwa witsimu'ia, 'ixuriki kitenie meuwiere.

16 Tuurutsixi memaitaiyariwa mayexaxawa hexeiyakame wurunitseki wewiyakame, kiyexi manukuhini meta naiti mana mireuyewetse, maimawame wurunitseki wewiyakame meta hetsiena muyemare hexeiyame.

17 Takwa 'ixuriki mawiretiyani, kiyexi meuka'uixiani, 'ixuriki takwa kitenietsiemieme,

18 xamaru makiwirixiani kiyexi mukat-sunirixiani, meta kurarutsie mieme, meta kaunariyarite.

19 Mawari wewiwamete wakamixate 'atitime wipetikāime me'enakatiti memiteta'uximayataki tukita, kamixateta mipatsietika 'Aruni hetsiemieme meta niwemama wahetsiemieme».

20 Hiki 'ixaheritsixi yunaiti meneutayeixiani Muitsexi hixie,

21 hiki yuxexuiti kememite'uyuitiarie meyuwai-riyati yamekatenuyurieni Yawé 'imikieri mekaniyetuirieni tuki 'ixurikiyari

mitawewiyaniki, meta naime tita mītiyīnikekai, meta kemarite mītiwewiyaniki mīpatsietika.

²² Yaxeikiata, yunaiti kememite'uyuitiari meyuwai'iyati yu'iyaritsie, 'ukitsi 'ukari, hurute mekateniyetuanī mawari mayaniki: tupunite, kuka, hanira, meta hipati yiki mīreukuwewiyatika huruki mītiwewiyatika. Yunaiti miki huru mawariyari mekaniyetuaxiani Yawé hetsiemieme teiki hetserarieti muyuitiariwa mayaniki,

²³ yaxeikiata tita memiteheuxeiyakai mekatenepini: muxa huxarieya mīyitsikimawi, kwimixeta meta mixeta, rinu 'ixurikiyari 'aixia mi'ane, kapura huxarieya, muxatsi wanawi mixeta mīraye'atika meta ketsite 'amemipapa wanawiyari.

²⁴ Pirata memexeiyakai meta wurunitse Yawé mekaniyetuirieni wamawari mayaniki, yaxeikiata 'akatsiya kiyeyari memexeiyakai mekaniyetuanī, mīpai mekateniyetuanī 'etsiwa mītiwewiyaniki.

²⁵ 'Ukari waikawa memitematekai mekateniyet-uaxiani, hiru mīyitsikimawi, kwimixeta meta mixeta, miki memetikaunakai meta rinu 'ixurikiyari.

²⁶ Hipatita waikawa memitematekai, mikita mekaniuyuitiarieni para memiyetuaniki, miki tsipuri wahuxariyari kakaunime.

²⁷ Memanuyetei 'ixaheritsixi wa'ukiyarima 'unitse teteyari mekani'atiani meta hipame tetexi witsimi'anene, para mawari wewiwame kamix-ayatsie mieme meta kukaya mitawewiyaniki mekatikiniki.

28 Yaxeikiata witsimu'iatika mekaniyetواني meta huriwa hatseitiyari mekanehapani kixeme hetsiemieme, meta memikawiriyariwani, yaxeikiata 'ikwa witsimu'ia.

29 Yunaiti 'ixaheritsixi kememitekuyuitiariwakai mawari mekaniyetواني Yawé hetsiemieme 'ukitsi meta 'ukari, Yawé hetsiemieme mitita'uximayatsieniki, Muitsexi yati-wakihawekaku kememiteyurienikekai.

*Wetsareri meta 'Ahurihawi
(Mem 35:30-35 - Mem 31:2-6)*

30 Muitsexi mipai katiniwarutahiawe 'ixaheritsixi: «Mipai xeketenemaika Yawé Wetsareri kanenayexeiya 'Urihi nu'aya Kuxi teukarieya, Kura nuiwarieyatsie mieme,

31 Kakaiyari 'Iyariki kanihiniani, mitimaiweniki, mitimateniki, kemitiuyurieni kaniyiweni,

32 katiniwewiweni huruki, pirataki meta wurunitseki,

33 tetexi witsimi'anene kanixiteweni meta mitayatsaki, kiyexi haruruanime kaniwewiweni, meta naime mititiwewiwaniki tita mitimate.

34 Miki Kakaiyari kanipitiani meta 'Ahurihawi 'Akitsamaki nu'aya, Rani nuiwarieyatsie mieme, hipame memitewa'ikitiawaweniki.

35 Piwarupitia waikawa memitemaiwaweniki memitetiwewiwaniki tinaime, muxa huxarieyaki memiteheutawewiawaweniki, miyitsikimaiyeki, kwimixetaki, meta mixetaki, metatsiere rinu 'ixurikiyariki. Mepiteheutatsaiwawe yemeki mepitemate tsepa tita mitiutawewi.

36

¹ »Hiki, Wetsareri meta 'Ahurihawi hamatia yametenikakunikuni tinaime 'uximayatsikatsie tuki hetsiemieme, yemeki Yawé kemitiuta'ai, yunaiti yaxeikia meteku'eriwati kememitepititarie, meta kemi'ane Yawé metemaiweme meta meteheutawewiwaweme miwarupitia witsiti'anenekame memitetiwewiwaniki tukita timieme».

² Muitsexi kaniwarutahiawe Wetsareri meta 'Ahurihawi, meta yunaime kemi'ane yaxeikia memitepitariiekai, meta kemi'ane Yawé metemaiwaweme meta meteheutawewiwame miwarupitia, yuxexuiti kememite'uyuitarie meyuwaiiriyati mekaniu'axiani memiteta'uximayataki,

³ miki katiniwayetuirieni mawari 'ixaheritsixi memiteyetuakai tuki mitawewiyaniki. Peru 'ixaheritsixi mekatehayewakaku meteyetuayati 'imikierite,

⁴ yunaiti memitewewiekai tuki hetsiemieme memitemate, mekatenuhayewa,

⁵ mipai Muitsexi memitehiawiyuki: «Teiteri kwiniemiemi tipaimeme mepitekuxeirixime, 'ari mipai tipaimeme xeikia, Yawé kemaine pitinake».

⁶ Hiki Muitsexi mipai katiniuta'aita memiteyukaxatiani naitarie memakuteitsie: «'Ari 'imikieri xepikayetuayani tuki hetsiemieme, 'ukitsi meta 'ukari xepikatehe'uximayakari». 'Anake 'ixaheritsixi mekatenuhayewa meteyetuayati,

⁷ memite'atiakai pitiwaikawakai mikikiri pititinirokekai naiti 'uximayatsika.

*Tuki**(Mem 36:8-38 - Mem 26:1-37)*

⁸ Yunaiti tewewiwamete xei'iyariyari mehexeiyaï tuki mekaniutawewieni, tamamata rinu 'ixurikiyariki 'aixia mi'aneneki, muxa huxarieya miyitsikimaiyeki 'uariekame, kwimixetaki, meta mixetaki, Kakaiyari teitametemama mehaxutikaime.

⁹ Naiti 'ixuriki yaxeikia patayeyeukai, tamamata heimana huta meturuyari heimana 'imeriyu titime meta xeimeturuyari heimana nauka tewiyari tsenitimeturuyari patayeyeuka.

¹⁰ 'auxiwime 'ixuriki mekaniutawipa yuwiyakame, hipameta 'auxiwime yaxeikia mekaniuyurieni.

¹¹ Mexiakame miwipetsie 'ixuriki, hakiriï mekanawitaxiani muxa huxarieyaki miyitsikimawiki 'uariekame, yaxeikiata mekatenuyurieni hutarieka miemetsie.

¹² Mexiakame miwipetsie mekanawitiani huta tewiyari heimana tamamata hakiriï, hutarieka miemetsieta yaxeikia, naiti yaxeikia papaimeme pexeyatikatei 'anuyutaxeyatikaiti.

¹³ 'Ariketa huru kwatsituraiyari mekaniutiwewieni huta tewiyari heimana tamamata 'ixuriki muyutawiyaki, tuki muyuxewiriyani.

¹⁴ Tamamata heimana xewi tsipuri wahuxari 'ikariyari mekaniutiwewieni, tuki manukananiki 'ixuriki kiyari hepai rekuwereti.

¹⁵ Yaxeikia piyeyeukai naiti tamamata heimana xewi 'ixuriki mauwire, tamamata heimana haika meturuyari heimana 'imeriyu meta xeimeturuyari heimana nauka tewiyari tsenitimeturuyari

'atayeyeume.

¹⁶ Hutame mekaniutiwipa 'ikari, xeime 'auxiwime, xeimeta 'ataxewime.

¹⁷ Huta tewiyari heimana tamamata mekaniutiwewieni hakiri matari memitaw-ipaxitsie 'imatirieka 'ikari manunieretsie mekanewitaxiani, meta hutarieka miemetsie yaxeikia paime.

¹⁸ Wurunitse kwatsitiraiyari mekaniuti-wewieni huta tewiyari heimana tamamata, tuki yuxewiriyati mayaniki.

¹⁹ Nawi mekaniutawipa tukitsiemieme muxatsi wanawiyari xetameki 'uarietikaime, miki heimana manukawerire mekaniutawewieni ketsite wanawiyari 'aixia mi'aneneki.

²⁰ Tuki hetsiemieme 'akatsiya mexayari meka-niutixixieni pepetsawime, mekanika'uitiani.

²¹ Xexuiti mexa nauka meturuyari heimana 'imeriyu pitikai meta haika tewiyari heimana tamamata tsenitimeturuyari 'atayeyeti,

²² hutakia 'ukakukunitikaime. Naime miki mex-ate tuki hetsiemieme mipai mekatenuwewieni:

²³ Xetewiyari mexate putiwewi, 'ameuyewat-sie tatsutia muyekatsie mieme,

²⁴ huta tewiyari kaniuyini pirata tepiyari mexa mutuikaxiani, xexuime mexatia huhutatame,

²⁵ tayeta miemeta xetewiyari mexate 'ematayeyeu tuki hetsiemieme,

²⁶ huta tewiyari pirata tepiyari wahetia meutayaxe, mexa xexuime hetia huhutatati,

²⁷ 'etsimeuyewatsieta 'ataxewiti mexate kaniuyini, tau makayuyipike hepatsie,

28 mutatsikuritikatsie huhutatati kaniuka'uni
'etsimeuyewatsie.

29 Miki mexate yu'aurie kaniuti'utikateitini 'ax-
eikia 'ati'uti, wapaiti xeihanirayaritsie heuye-
hatikaiti. Yaxeikia puyixia naitсата 'etsikinatsie,

30 'atahaika mexate kaniuyini, meta tamamata
heimana 'ataxewi mexatia mieme pirata
tepiayari, huhutatati xexuime mexatia.

31 'Akatsiya kiyeyari mekaniutixixieni manuye-
hini: 'auxiwime mexate tuki 'etsata mieme,

32 'auxiwimeta tapa mieme, 'auxiwime mexate
'etsimauyewatsie tuki manutinieretsiemime.

33 Kiyexi ma'utika wahixiapa mukuhuni kiyе
heutanetikaimе mepuyuri.

34 Mexate miti'utika huru mekanitiwirieni,
meta huru hanirayari mekanawewiexiani
manukuhini mana meuyehaxianiki. Meta
manukuhini huruki mekanitiwirieni.

35 'Ixuriki mekaniutawewieni muxa huxarieya
miyitsikimawiki, kwimixetaki meta mixetaki
rinu 'aixia mi'aneki, Kakaiyari teitametemama
mehaxutikaime hetsiena.

36 Naukame 'akatsiya kiyeyari mika'uni meka-
niutixixieni huru mekanitiwirieni, huru kwat-
siturayari mekana'uitiaxiani, naukame pirata
tepiayari mekaniutiwewieni kiyexi mika'uni het-
siena ma'uni.

37 'Ixuriki mekaniutawewieni tuki kitenie
mieme muxa huxarieya 'uarietikaime
miyitsikimawiki, kwimixetaki meta mixetaki rinu
'aixia mi'aneki, 'itsariekame meta tixukame,

38 'auxiwime kiyexi mekaniutixixieni kwatsi-
turai hexeiyatikaime, meta wurunitse tepiayari

'auxiwime kiyexi muka'uni 'amipapa hetiamieme,
meta huru herie mekanikawirieni.

37

Kakuni

(Mem 37:1-9 - Mem 25:10-20)

¹ Wetsareri kakuni kaniutawewieni 'akatsiya kiyeyariki, xeimeturuyari heimana tamamata tsenitimeturuyari tewime, haika tewiyari heimana tamamata tsenitimeturuyari 'atayeume meta yaxeikiata mipai heutitewame.

² Huru taitana kanewakuwirieni meta herie, meta huruki kanetatenitiani.

³ Naukame huru hanirayari kaniutiwewieni kakunitsie mieme, 'ikateyatsie ne'uitiani, tapa 'etsatana hutati na'uni tapata hutati.

⁴ Meta kurumawime 'akatsiya kiyeyari kaniutiwewieni, huru kanitiwirieni,

⁵ haniratsie kaneiye'uitiaxiani kakuni 'etsata mukumanetsie, mukukweiyeneniki.

⁶ Huruki xeikia kanamikiyari kaniutawewieni Kakaiyari ma'axe, xeimeturuyari heimana tamamata tsenitimeturuyari tewime meta haika tewiyari heimana tamamata tsenitimeturuyari 'atayeume.

⁷ Kakaiyari teitametemama piwarutiwewi huruki, titsunameki mewewiyatikaima, kanamiki Kakaiyari ma'axe 'etsimeuyeyetsie mema'uniki yuxexuiti.

⁸ Xewiti 'etsimeuyewatsie kanakeni, xewitita tapa, Kakaiyari teitametemama memiyuhuta, meyuxewiriyame kaniwarayeitiani Kakaiyari ma'axeni mame.

⁹ Kakaiyari teitamete Kakaiyari ma'axe heima mepuye'anatikatei, kimana mepenukanakai. Mepanuyutaxeiyakai Kakaiyari ma'axe meheukaneniereti.

'Akatsiya mexayari

(Mem 37:10-16 - Mem 25:23-29)

¹⁰ Wetsareri mexa kaniutawewieni 'akatsiya kiyeyariki, nauka tewiyari heimana tamamata tsenitimeturuyari tewime meta huta tewiyari heimana 'auxiwi tsenitimeturuyari 'atayeume, meta haika tewiyari heimana tamamata tsenitimeturuyari 'aweme.

¹¹ Huru kanikawirieni, hurukitsiere kaneta'utiani.

¹² Metatsiere xeitewiyari tsenitimeturuyari 'atayeume kanatawewieni tenimeyari, mikita huruki kaneta'utiani.

¹³ Naukame huru hanirayari kaniutiwewieni 'ikateyatsie kane'uitiaxiani, 'etsatana huhutatati kana'uixiani 'ikateya ma'utikatsie.

¹⁴ Hanira, mexa tenimeyari hetia neimana, mana kiyexi muye'uniki mukukweiyenaneniki.

¹⁵ Miki 'akatsiya kiyexiyari pihikitikai huru wiri-yarietikaiti.

¹⁶ Naime huruki xeikia pitiutiwewi tita mana mirapinirekekai xakirite, 'itite, tekixite, ye'irite 'aminene winu memutimawakai hetana.

Kixeme 'uitiwame

(Mem 37:17-24 - Mem 25:31-39)

¹⁷ Wetsareri kixeme 'uitiwame kaniutawewieni huruki xeikia, titsunameki wewiyakame. Hetsiena maweni meta 'ikayari, muwatixaxawa, tekixiyari meta tuturiyari naiti puyuxewiriyakai.

¹⁸ Kixeme 'ataxewime yumamate pexeiyaikai, tapa haikati tapata haikati.

¹⁹ Xexuime mamateyaritsie haikakia hewatix-axawame 'arimetira tuturiyari hepai tiyuxex-eiyatikaime, tuturi yu'iwitsi hexeiyaikame meta xawariyari.

²⁰ Kixeme 'uitiwame peixeiyaikaita naukame tekixiyari 'arimetira tuturiyari hepai tiyuxexeyame, yu'iwitsi meta yuxawari hexeyame.

²¹ Mexiakame mamateya paritsiyari hetatsie peixeiyaikai xeime yutekixi, hutarieka paritsiyari hetatsie peixeiyaikai hutarieka tekixi, meta hairieka paritsiyari hetatsie peixeiyaikai hairieka mieme tekixi.

²² Tekixite meta mamateyari puyuxewiriyakai kixeme 'uitiwame matia, huruki xeikia titsunameki wewiyakame.

²³ 'Atahuta kixeme huruki xeikia kaniuti-wewieni, meta kimana mitaire meta naxiyari makawiwieni.

²⁴ Miki kixeme 'uitiwame mitawewiereki meta tinaiti mireukapine xetewiyari heimana tamamata heimana haika kiruyari huru kaniuyini.

'Ikwa witsimu'ia mexayari
(Mem 37:25-28 - Mem 30:1-5)

²⁵ Wetsareri 'ikwa witsimu'ia taiyame mexayari kaniutawewieni 'akatsiya kiyeyariki. Yaxeikia huta tewiyari heimana 'auxiwi tsenitimeturuyari tewime meta huta tewiyari heimana 'auxiwi tsenitimeturuyari 'atayeume, meta nauka tewiyari heimana tamamata tsenitimeturuyari 'aweme.

'Awateya naiti kaniyuxewiriyakaitini miki mexa matia.

²⁶ Herie kanikawirieni huru metatsiere nait-sarie 'etsatana meta 'awateyatsie, huruki xeikia tenimeyaritsie kanetawirieni.

²⁷ Tenimeyari manukaniere hanira kanamanaxiani mana kiyexi meuye'uniki mukukweiyeneniki.

²⁸ Kiyexi 'akatsiya kiyeyari kanihikitikaitini, huru wiriyarietikaiti.

²⁹ Wetsareri hatseiti mipatsie kaniukawewieni meta 'ikwa witsimu'ia, witsimitiu'iatika wewi-wamete wahepai katiniwewieni.

38

Mexa mawari taiyariyari wewiwame

(Mem 38:1-7 - Mem 27:1-8)

¹ Merikitsi Wetsareri 'akatsiya kiyeyariki mawari taiyariyari wewiwame kaniutawewieni. Yaxeikia kaneutatetewakaitini, huta meturuyari heimana xeitewiyari heimana tamamata tsenitimeturuyari tewime meta mipai 'atayeume, meta xeimeturuyari heimana xeitewiyari heimana tamamata tsenitimeturuyari 'aweme.

² Naitsata 'awate kanawewiexiani muta'itsikinatikatsie, miki naiti puyuxewiriyakai mexa mawari taiyariyari wewiwame matia, meta wurunitseki mexa kaniukawirieni naimie herie.

³ Katiniutiwewienita wurunitseki tita mireuyewekai: naxi yetsame, 'iti 'amipa, tepia manuxite, tepia 'amipa manuxutetika, meta tii yayatsame.

⁴ Mawari matitaiyariwa hetia mieme kaniutawewieni 'ayexaxawame wurunitseki

wewiyakame, tenimeyari hetia kaniyemani, kemawekai hixiapa 'uyemakame.

⁵ Wurunitse hanirayari naukame kaniuti-wewieni, memanaxianiki naitsata mayexaxawa 'etsikinayaritsie, kiyexi mana muye'uniki,

⁶ kiyexi xexeurawime kaniutiwewieni 'akatsiya kiyeyariki, wurunitse kanitiwirieni herie

⁷ manuyexaxawatsie kaneiyehatixiani, naitsata heitituatikaiti kanayani mikiki mukukweiyeneniki. Mawari taiyame yutaita puxawakai mexaki piwewiyakai.

⁸ 'Ukarawetsixi 'ixuriki tuki-yari kitenie memite'uximayakai wurunitse xikiri-yari mekani'atirieni, mikiki kanitawewieni maimawame meta 'ikaya hetsiena muyemare.

Takwa timieme

(Mem 38:9-20 - Mem 27:9-19)

⁹ 'Ariketa takwa 'amakuyewa mekani-utawewieni. Tatsutia hepatsie huta tewiyari heimana 'auxiwi meturuyari pitewikai, rinu 'ixurikiyari 'aixia mi'anene pawiticatei,

¹⁰ kiyexi muka'utika xeitewiyari pexeyakai, meta xeitewiyari wurunitse tepiyari hetiana mieme, pirata kwatsituraiyari hexeyatikai-me kiyexi meta hanira.

¹¹ Tapata tayeta hepatsie huta tewiyari heimana 'auxiwi meturuyari pitewikai, xeitewiyari muka'utika kiyexi pexeyakai, xeitewiyarita wurunitse tepiyari hetiana mieme, pirata kwatsituraiyari hexeyatikai-me kiyexi meta hanira.

¹² 'Etsimeuyewatsie tau makayuyupike hepatsie xeitewiyari heimana huta meturuyari

heimana 'imeriyu patayeukai, meta 'ixuriki peuwikai meta tamamata kiyexi muka'uixiani meta tamamata hetsiena ma'utikatei, kiyexi pirata kwatsituraiyari pexeiyatikatei.

¹³ Tau manatineika hepatsieta, xetewiyari heimana huta meturuyari heimana 'imeriyu patayeukai.

¹⁴ Miranutakikatiretsieta tapa 'ixuriki peuwikai 'atahuta meturuyari 'ayetiti, haikati kiyexi muka'utika, meta haikati hetsiena ma'uni,

¹⁵ meta tapatsieta 'ixuriki peuwikai 'atahuta meturuyari 'ayetiti, haikati kiyexi muka'utika, meta haikati hetsiena ma'uni.

¹⁶ 'Ixuriki naiti maweretikatei takwa, miki rinu 'ixurikiyari 'aixia mi'anene kanihikitikaitini.

¹⁷ Kiyexi mutuikatika wurunitseki piwewiyatikatei, kwatsiturai meta hanira kiyexi hetsie mawetikatei pirataki piwewiyatikatei, meta mu'uteyatsie pirataki kaniwiriarietikateitini. Naiti kiyexi mukawetikatei pirata hanirayari pexeiyatikatei.

¹⁸ 'Ixuriki miranutakikatiretsie meuwiekai miyitsikimaiyeki pi'uariekai, kwimixetaki meta mixetaki, rinu 'ixurikiyari 'aixia mi'ane, witsireuku'itseti. 'Atanauka meturuyari pitewikai meta huta meturuyari heimana xetewiyari heimana tamamata tsenitimeturuyari 'atayeuti, miyatniketi mipai heutitewati, miki 'ixuriki takwa mieme hepai,

¹⁹ naukame pexeiyakai kiyexi muka'uni meta naukame pexeiyakai wurunitse tepiyari hetiana mieme. Kwatsituraiyari meta hanirayari pirataki piwewiyatikatei, meta mu'uyatsie pirata

pikawiriyarietikatei.

²⁰ Naiti mukatsunetikatei 'ixuriki manukawere makuwireki, meta mana takwa kuraru makatsie mieme wurunitse tepiyari pihikitikatei.

Ketipaimeti mitiuyi

²¹ 'Tki katinihikiti ketipaimemeki mitiutiwewiya, para tuki muyepatsie tiratutsie mieme mitawewiyaniki. Rewitsixi mipai mekatena'utiani, Muitsexi mipai mitiwaru'aitiaki meta 'Itamaxi 'Aruni mawari wewiwame nu'aya yatiwakihawekaku.

²² Wetsareri, 'Urihi nu'aya Kuhuxi teukarieya, Kura nuiwarieyatsiemime, Yawé Muitsexi kemitiuta'aitiakai mipai katiniuyurieni naime.

²³ Yaxeikiata piparewiekai 'Ahurihawi, 'Akitsamaki nu'aya, Rani nuiwarieyatsie mieme, miki naime pititiwewiwakai, pititiwipakai muxa huxarieya mi'uarietikaki miyitsikimawiki, kwimixetaki meta mixetaki, meta rinu 'ixurikiyariki.

²⁴ Kepaimeti muyi huru miyetuiya, kepauka tuki mutawewiyatsie xeimiriyari kiruyari kaniuyini, kemiti'iniatakai 'ana tuki.

²⁵ Pirata kememiteyetua yuxexuiti 'ixaheritsixi mekanaka'utsieni, haika miriyari heimana 'auxiwime tsienituyari (3.500) kiruyari kanayani kemiti'iniatakai tuki 'ana.

²⁶ Yunaiti xeitewiyari wiyari memihitikatei mekanaka'utiarieni, miki yunaiti mepaki 'ataxewime tsienituyari heimana haika miriyari heimana 'auxiwime tsienituyari heimana huta tewiyari heimana tamamata (603.550), miki mipai meyupaimeti mekaniyetuaxiani

yuxexuiti, 'ataxewime kiramuyari pirata, tuki 'ana kemiti'iniatakai.

²⁷ Haika miriyari heimana haika tsienituyari kiruyari pirata kaniuyini, xeitsienituyari kiyexi mukawetika hetia mieme mutiwewiya, miki xexuiti pireuhapanakai xeitewiyari heimana tamamata heimana haika kiruyari.

²⁸ Pirata muyuhayewaxi putiwewiya kwatsiturai meta hanira kiyexi muka'uni hetsiemieme, meta mu'uyatsie manutineniere mekaniutiwirieni.

²⁹ Naiti wurunitse kaniyetuiyani huta miriyari heimana haika tsienituyari heimana huta tewiyari kiruyari,

³⁰ 'ixuriki tukiya kitenie kiyexi hetsiena ma'uni kaniutiwewiyani, meta mawari taiyariyari wewiwame, mayexaxawa meta naiti tita mireuyehiwa,

³¹ takwa kuraru makatsie kiyexi hetsiena ma'uni kaniutiwewiyani meta mukatsunirixia tuki hetsiemieme meta kuraru makatsiemieme.

39

Mawari wewiwamete wakemari

¹ Kemarite miti'itsetika tukita te'uximayatamete wahetsiemieme, kaniutiwewiyani muxa huxarieya miyitsikimaiyeki, kwimixetaki meta mixetaki mu'uarietikaki. 'Aruni meta kemariteya kaniutiwewiyani mipatsietika hetsiena mieme, Yawé Muitsexi kemitiuta'aitiakai.

Kamixa mipatsie

(Mem 39:2-7 - Mem 28:6-14)

² Wetsareri 'Aruni kamixaya 'etsiminena kaniutawewieni huruki, muxa huxarieya 'uariekame miyitsikimaiyeki, kwimixetaki meta mixetaki, metatsierie rinu 'ixurikiyari 'aixia mi'aneki.

³ Huru mekaniutitsuna wewerime mekanayeitiani, 'etsi'atayeyeume mekaniutixiteni kamixatsie kimana memitewipaki muxa huxarieya yunikame miyitsikimaiyeki, kwimixetaki meta mixetaki meta rinuki.

⁴ Naiparieyatsie mieme wiwieri meputiwewi kamixa hetsiemieme naitsata kanakayaxixiani.

⁵ Miki hiyameya yaxeikia 'anemeki kaniwewiyakaitini, miki naiti puyuxewiriyakai kamixa matia, huruki kaniwewiyakaitini meta muxa huxarieya miyitsikimaiyeki, kwimixetaki meta mixetaki, metatsiere rinu 'ixurikiyari 'aixia mi'aneki, mipai katiniuyurieni Muitsexi Yawé kemitita'aitia.

⁶ 'Unitse teteyari mekaneuyatsaxiani huru hetsie, mikitsie meha'utikaime 'Ixaheri niwemama, tseyu kemitiwewiwa hepai.

⁷ Hiki kamixa 'etsiminena wiwierieyatsie mekanekayatsaxiani, para 'Ixaheri tiriyamama mema'eriwaniki, Yawé Muitsexi kemitita'aitia.

*Kuka tawitsie mieme
(Mem 39:8-21 - Mem 28:15-28)*

⁸ Wetsareri kuka kaniutawewieni tawitsie mieme, pi'itsekai kamixa 'etsiminena hepai, huru hiruyariki xuiyakame, muxa huxarieya miyitsikimaiyeki, kwimixetaki meta mixetaki metatsiere rinu 'ixurikiyari 'aixia mi'aneki piwewiyakai,

⁹ payehutakai, yaxeikia heutatetewati, xeitewiyari tsenitimeturuyari heutatetewati.

¹⁰ Mana peuyatsarie tetexi witsimi'anene naukakia panukutetikei. Matari miemetsie mana patekai tetexi witsi'eneneti xetameki, taxaiyemeki, meta tsiiraiyemeki 'utimerikatikaiti.

¹¹ Hutarieka manukukatsie, yuawiti tsiirauyemeki, yuawimeki mukutuxie meta tuxameki mutimerika.

¹² Hairieka miemetsieta, merie xetati taxaiyeti, tuxameki kapemaiyemeki meta yitsikimaiyeti.

¹³ Naurieka mukukatsieta, taxaiyeti, kwimiyiwi, meta tsiiraiyeti. Miki hurutsie witsimi'anene pamanekai,

¹⁴ tamamata heimana huta teteyari pihikitikai, miki xexuiti 'Ixaheri niwemama piwa'iniaritikai, tamamata heimana huta nuiwarite mepa'utikatei tseyu hepai.

¹⁵ Huruki kuka wiwieriyari kaniutiwewiyani, tsarietikaiti yatiti.

¹⁶ Hutati hanira huruki kaniutiwewiyani meta witsi'eneneti hetsiena meumarixianiki, kuka mutatsikuritikatsie,

¹⁷ hiki mana kanewitixiani huru kaunariyari, haniratsie kaneyehaxiani kuka hetsie mamametikatsie,

¹⁸ miki huru kaunariyari hutame mayexaxawatsie kenewiyatsitixia kamixa 'etsiminensatsie hixiena mikatire.

¹⁹ Tawarita hutati hanira huruki kaniutiwewiyani, kanewitixiani kuka taita miemetsie kamixa 'etsiminena hetsie.

²⁰ Tawarita hutame hanira kaniutiwewieni huruki, naiparie mukaneniere kanawitixiani

kamixa mĩpatsie hĩiyameyari manakuka 'aurie.

²¹ Muxa huxarieya witayariki mĩyĩsikimaiyeki miki hanira mekaniutiwiwitiiani, kamixa mĩpatsie hanirayari meta kuka hanirayari mekaniuhĩaxiani, kuka hĩiyameyari manukuka muyuhayewaniki, mikakuyuaneniki kamixa mĩpatsietsie, Yawé Muiťsexi kemĩtita'aitiakai.

Hipameta wakemari mawari wewiwamete

(Mem 39:22-31 - Mem 28:31-43)

²² Wetsareri 'ixuriki mĩyĩsikimaiyeki kamixa 'etsimĩnena mĩpatsie kaniutawewieni 'itsariiekameki, kamixa 'etsimĩnena heima mieme.

²³ Hixiapa hewatitenime kaniuyurieni, mu'u rewatinakeme, muwatixawatsie 'atatenime mikayetsanikeniki.

²⁴ 'Ixuriki tenimeyaritsie petayatsaxi putuni, yĩsikimawime, kwimĩxetaki, mĩxetaki, meta rinu 'ixurikiyariki 'aixia mĩ'ane.

²⁵ Meta kapana 'etsipepeme huruki xeikia wewiyatikaima, tenimeyaritsie kanatawĩre, putunite matawĩrixia tsata.

²⁶ Kapana 'etsimupepe meta putunite kanatawĩre 'anayeyaxiketi, miki 'ixuriki tenimeyaritsie, ti'uximayatame menakatini hetsiemieme, Yawé Muiťsexi kemĩrahĩawekai.

²⁷ 'Aruni hetsiemieme meta niwemama wa-hetsiemieme, kamixa kaniutiwewiyani 'amĩtiti rinuki 'itsarietikaiti.

²⁸ Kamixa meta mukuretsi rinu 'ixurikiyari pepiyurieni, hĩiyame 'itsarieti piyuwiyani naiti.

²⁹ Hĩiyame rinu 'ixurikiyari kanihikĩtikaitini 'aixia mĩ'aneki 'itsarieti mĩyĩsikimaiyeki,

kwimixetaki meta mixetaki, Yawé Muiṭsexi kemitiuta'aitia.

³⁰ Huru tepiayari mipatsie 'etsiyeume tseyu hepai 'anekame kaniutawewieni, mana katineu'utsieni, «Mipatsie Yawé hetsiemieme».

³¹ Hiki muxa witayariki yitsikimaiyemeki kani-uwiwitiarieni mukuretsitsie makuwiereki, Yawé Muiṭsexi kemitiuta'aitia.

*Muiṭsexi tuki 'uniriekū kemitiutixei
(Mem 39:32-41 - Mem 35:10-19)*

³² Naiti tuki kaniunirieni, 'ixaheritsixi yamekateniwewieni Yawé kehepai 'anekame Muiṭsexi muta'aitiakai,

³³ Muiṭsexi kaniuxeitsitiarieni tuki, heimana manuka'eimire, 'ixuriki 'amiyeyeu meta muwa mitiyepine, kwatsiturai, mexate 'amatayeyeu, manukuhini, muka'uni meta hetsiena ma'uni,

³⁴ muxatsi wanawiyari 'ikariyari mixeta, ketsite 'amemipapa wanawiyari 'ikariyari meta 'ixuriki kakuni meukunakai,

³⁵ kakuni meta kiyexi hetsiena manukuhe meta kanamikieya,

³⁶ mexa mana rapiti tita mana mitimieme meta paa yamiramane,

³⁷ kixeme 'uitiwame huruki xeikia miwewiya meta kixeme manuye'u metatsiere tita mana mitimieme, meta hatseiti kixeme hetsiemieme.

³⁸ Mawari taiyame huruki xeikia miwewiya, 'ikwa witsimu'ia, hatseiti mu'utsie mieme mipatsie meta 'ixuriki tuki kitenie mieme,

³⁹ mawari taiyariyari wewiwame wurunitseki miwewiya meta mayexaxawa hexeyame, kiyexieya meta naiti tita miki mireuyehiwa, maimawame meta hetsiena muyema,

⁴⁰ takwa kuraru makatsie mieme 'ixuriki mawitika, kiyexi muka'utika meta hetsiena mawetika, 'ixuriki kuraru kitenie meuwie, kaunarite, kiyexi mukatsutsune kuraru heima miranukawerire hetsiemieme, naiti tita mitiyiniekai tuki muyepatsie hetsiemieme 'ixuriki tukiari,

⁴¹ meta kamixate mi'itsarietika tukita memiteta'uximayata wahetsiemieme, meta mawari wewiwame 'Aruni kamixateya mipatsietika meta niwemama mawari wewiwamete wakamixate.

⁴² 'Ixaheritsixi yamekateniutiwewieni Yawé kehepai'aneame Muitsexi muta'aitiakai.

⁴³ Muitsexi, katiniutixeiya tita mitiutiwewiyakai, tiuxeyaka Yawé kehapai ti'aneneme mitita'aitiakai, 'aixia katinixeiya.

40

Yawé tukieya kemitiunirie

¹ Yawé Muitsexi mipai katiniutahiawe:

² «Mexiakame metseriyaritsie meta mexiakame tukaritsie, tuki muyepatsie keneutawewi, 'ixuriki tukiari.

³ Muwa kiita kakuni tiratuyari keneutateka, 'ixurikiki keneukunama.

⁴ Meta mexa muwa keneutaketsa 'aixia ketineuketsa. Meta tukita keneutaketsa kixeme 'uitiwame, kixeme keneutaiyaxia.

⁵ Ikwa taiyame kakuni hixie keneutaketsa, meta 'ixuriki keneuwi tuki kitenietsie.

⁶ »Mawari taiyame tuki hixie keneutaketsa, 'ixuriki tukiari hixie,

⁷ meta maimawame mana keneutaketsa, mawari taiyame meta 'ixuriki tuki yari wahixiapa, haa meta kenakatu'a hetsiena.

⁸ Kuraru kenateka waritanatsie, 'ixuriki meta keneuwi kuraru kitenietsie.

⁹ »Hatseiti mitiyupataki ketineu'iya, tuki keneukawiri meta naime ketineti'iya ketita muwa mireyepine, para naiti tipatsieti mirayaniki piinite.

¹⁰ Hatseiti keneuwirita mawari taiyame meta naime mana mitiyepine, tinaiti tipatsieti mirayaniki.

¹¹ Yaxeikiata maimawame keneuyuri, patsiekame kenayeitia meta 'ikayari hetsiena muyemare.

¹² »Hiki 'Aruni kenanuwitikita meta niwemama 'ixuriki tuki yari kitenie, mana meke'uti'awa,

¹³ meta 'Aruni kamixate mipatsietikaki keneutikemaritia. Hatseiti keneukawiri mitiyupata, mitita'uximayataki nemawari wewiwame mayaniki.

¹⁴ Hikita niwemama kamixa 'amititi keniwaranakatitia,

¹⁵ mikita keniwarukawiri hatseiti mitiyupataki wapaapa hepai, miki memiteta'uximayataki nemawari wewiwameteki. Kememite'ukawiriyarie miki pi'iniaritini yuheyemeki wanuiwari 'umemahu nemawari wewiwamete mepihikitini».

¹⁶ Mui sexi yapitiuyuri naime Yawé kemitita'aitia.

¹⁷ Mipai pauka tuki kaniunirieni mexiakame metseritsie mexiakame tukaritsie meta hutarieka wiyari 'aye'aku.

¹⁸ Kepauka tuki Muitsexi mukatsutia, kiyexi het-siena ma'uni kaniuka'uitiani, mexa 'amatayeyeu na'uitiatiyani meta manukuhini, tuki hixie kiyexi kaniuka'uitiani,

¹⁹ hiki 'ixuriki tukitsie kananukawera, heimana tawarita 'a'ayetsuime kananukawera nawi, Yawé kemitita'aitiakai.

²⁰ Hiki Muitsexi, tiratu maye'uxa xapayari 'utihurieka kakunitsie kanikayeni, meta kiyexi kananuye'uitiani, metatsiere kanamikieya kananukamani.

²¹ Kakuni tukita kaneutateni, 'ixurikikita kaneikunani. Miki mipai katinikweri-wayuriekaitini kakuni tiratuyari, Yawé kemitita'aitiakai.

²² Muitsexi mexa 'ixuriki tukiyarita 'etsatanatsie kanitikenitayeta hepatsie, 'ixuriki warita,

²³ Yawé hixieta paa kanamana pareku reku-maneme, Yawé kemitita'aitiakai hepai.

²⁴ Kixeme 'uitiwameta tukita kaneutakeni, mexa hixie, tuki 'etsatatsie tatsutia muyekatsie,

²⁵ 'anari kixeme kaniutaiyaxiani Yawé hixie, Yawé meripaiti kemitita'aitiakai.

²⁶ Meta 'ixuriki tukiyarita miratimawatire huruki xeikia miwewiya, 'upaiti 'ixuriki meuwie hixie kaniutakeni,

²⁷ mikitsie 'ikwa witsimu'ia kaniutaiya, Yawé kemitita'aitiakai.

²⁸ 'Ariketa yatuyurieka 'ixuriki kaneuwieni tuki kitenie.

²⁹ Muitsexi meta mawari taiyame 'akaniutakeni 'ixuriki tukiyaritaitenietsie, mana mikitsie mawarika kaniutitaiya meta hatsi mawariyari, Yawé kemitita'aitiakai.

³⁰ Meta maimawame 'akaniutakeni, 'ixuriki tukiyarita meta mawari taiyame wahixiapa kan-itakeni, haa mikitsie kanikatuani maimawame,

³¹ hiki mana Muitsexi 'Aruni meta yunaiti niwe-mama yumamate yu'ikate mekaniutihaxini.

³² Kepauka memeutahakekai 'ixuriki tuki-yari kitenie yatini kepauka mawari taiyame hetsie 'ahurawa memikikakai mepitimaimawakai, Yawé kemitiwa'aitiakai.

³³ 'Ariketa Muitsexi takwa kaniutawewieni tuki warie kematewatika meta mawari taiyame, meta kuraru kitenie 'ixuriki kaneuwieni. Muitsexi 'ux-imayatsika mipai katiniutini.

Yawé xawatiriyaya

³⁴ Merikitsi 'ana kwitiwa haiwitiri 'ixuriki tuki-yari kananukanani, tukita Yawé xawatiriyaya kaniuyeyerini.

³⁵ Muitsexi pikayiwekai 'ixuriki tuki-yarita meutahani haiwitiri menukanakaiki, meta Yawé xawatiriyaya tukita mihinekaiki.

³⁶ Kepauka tuki hetsie haiwitiri manuku'ekekai, 'ana 'ixaheritsixi mepuyukuha'aritiwakai mepekikakai.

³⁷ Kepauka haiwitiri mika'anuku'ekekai, mepikayiwawekai memiyekine yukiita kayuwati mepitetekai.

³⁸ Kepauka 'ixaheritsixi memuhukai, Yawé hai-witirieya tuki heima kanakatetekekaitini tukariki, tikarikita tai hepai 'aneti payeikakai, yunaime 'ix-aheritsixi wahixie.

**KAKAFYARI NIUKIEYA XAPAYARI
WIXARIKAKI**
**The Holy Bible in the in Huichol language of Mexico,
2020 edition**
**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

cli

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3